

S P E A K E R : “Rorelna dik chu lui angin luang sela, felna chu luipui kang ngailo angin luang rawh se”
Amosa 5:24.

Zawhna leh chhanna hun kan hmang ang a, Starred Question 41-na hi a zawttu a lokal loh avangin kan kal kan ang a. Starred Question 42-na zawt turin Member zahawm tak Pu Lalhmingthanga ilo sawm ang.

PU LALHMINGTHANGA : Pu Speaker, Starred Question 42- na Horticulture Department changtu Minister zahawm takin a chhan a tan, a)-na Kang damdawi Jatropa chi hi Sorkarin a sem em?
b)-na Sem anih chuan mi engzat hnenah nge a pek tawh? tih ka zawt e.

S P E A K E R : A chhang turin Minister zahawm tak Pu H. Ramawi, Horticulture Department changtu ilo sawm ang.

PU H. RAMMAWI MINISTER : Pu Speaker, zawhna pakhatna chhanna chu Kang damdawi Jatropa chi hi Sorkarin a sem tih a ni a, b-na chhanna chu Kang damdawi chi hi mi 36,814 hnenah sem a ni tawh tih hi a ni e.

S P E A K E R : Zawhna neitu hi (a hmanglo a piang khan i off zel ang u, tilo chu kan englo ang e)

PU LALHMINGTHANGA : Pu Speaker, zawhbelhna - 36,814 hnena pek tih kha kan han hre ta a. Hemi a chi sem nan hianin sum engzatnge Sorkarin a hman tih kan zawhbelh duh a.

Tin, pa 2-naah chuan hei Horticulture-ah te, Agriculture-ah te, Trial and Error method ringawt hian kan ram kan Sorkar hi kan kal ni hian a lang a. A thatna prove chiah silo, a hlawkna tur prove chiah silo, chutiang angah chuan sum leh pai tam tak sengin a chi te kan sem a. Tin, chhungkaw tam tak khatiang ang khan thawh tur hi kan kawhhmuh thin a. Hlawhtlin. hi wawiinni thlengin District Council hunlai atanga wawiin thleng hian a lang lo a. Hetah hian Jatropa

chungchang thua hianin engnge ni Sorkarimin pilot project khatiang ang enfiahna turte kha a chi a sem hma hian hemi kang damdawi chungchang thua hianin lo enchhin tawhna leh a hlawk ngei ang tih chutiang anga prove-na chu a nei em? Chumi atanga chin tir tura thutlukna a siam em ni a nih? tih kan zawt duh a.

Tin, a pathumnaah chuan hei kan Sorkar hian MOU sign puia engemaw private firm te pawh inrawlh tur ang khan thurual pui a nei thin a. Chutiang ang firm thurualpui chu a nei em? tih ka zawhbelh duh bawk a. Tin, tun February thla khan Lunglei atanga Buarpui kawngah sawn ka nu leh ka pa lungphun hna ka va thawk a. Chumi chhak lawkah chuan hemi kang damdawi chi dawngtu pakhat hian a hming chu ka sawilo mai ang a. Hna a thawk a, a Jatropa te chu a tam ang reng fu a. Chumi nena kan inkawmnaah chuan a sawi dan khan kung pakhat hian rah 60 te a that viauin a chhuah a. Tichuan chumi rah pakhat chhungah chuan a Oil lakna tur chi hi pathum emaw a awm a. Chutiang ang chi thum han thehchhuah belhkhawm khan a mu a grain 1000 chuante lo chuan kg khat a siam thei bawk si lova. Chutianga experiment amahin a beih hnu khan a kheh a lo har phian lehngal a, khawl a tihngaihna a awm bawk si lova. A chhut dan chuan patling hian han beichiam pawh nise nikhat a Rs. 20-25 bak hlawn theih turin a hre tlat lo a ni. Chutiang ang thil chiangoah chuan kan inhruai lut fo niin a lang.

Kan Governor thusawi kan en leh chuan kan Chief Minister-in a sawi rik fo Kiwi fruit chin thar tur tih te kha a rawn sawi a. Hengte phei hi chu temperate zone-ah chin chi fruit niin a lang a. Kan ram te chu Tropic of Cancer in Thenzawl a paltlang a, tropical temperature kan ni si a. Khatiang pawisa sem leh vak mai thin kha Sorkar tan hlohna ropui tak a ni fo a, mipui tan beidawna a ni a. Khalai history kha mumal deuhin Sorkar hian engvangin nge hetia a tih mai tih kha min hrilh thei bawk se ka duh a, kang ho kha ka zawt a ni e.

S P E A K E R : Awle, Pu Zodintluanga kha a phar hmasa a i ko hmasa ang.

PU ZODINTLUANGA : Pu Speaker, ka lawm e. Zawhbelhna kha kan Minister zahawm tak khan chhungkaw 36814 hnenah sem a ni a ti a. An chhut dan kha hriat a engtingge khami zat kha an hriat tih ka zawt duh a. A chhan chu kan bialchhungah an va sem dan chu Motorin an va dah a. VCP inah an dah hnu mai a. Tichuan a phur phurin an la chhuak a, sem loh a chhia kha a tam em em a ni. Chuvangchuan, kan Sorkar hian a tui tak tak lova, he Jatropa kan tih te leh thildang reng reng nidanga kalpui thin angin a sum siam theihna lai a supply lai chiahi an duh tawka a ni tih a tichiang em em a. He figure hi eng ang a tanga lo chhuak nge tih ka zawt duh a. Tin, pawisa sen hi eng programme atanga pawisa hi hman nge ni tih min hrilh thei sela.

Tin, Pu Speaker kan Chief Minister zahawm takina budget speech-a a sawi kan farmer te hamthat na tur atana a point pakhat zinga a sawi Assistance to Jhum family for innovative activities a tih kha kan Minister zahawm tak hianin engtinngge assistant an pek dan tur leh enggeni enovative activities an tih lai kha min rawn hrilhfhah theih chuan a lawmawm hle ang, ka lawm e.

PU SAIKAPTHIANGA : Pu Speaker, zawhbelhna - A chi hi khawi ami nge lak a nih tih ka zawt duh a. Pahnihnaah chuan kg. khat zawngin nge min chhan ang qtl. zawngin, engzat nge a rate? Tin, chhungkaw 35814 te tana semchhuah zawng zawng man hi Sorkarin eng zatnge a sen? Tin, tunah hian hralh chhuah mek niin a lang a. Jatropha hi kg. ah nge nia a rate eng ang nge tih ka zawhbelh e.

PU LALRINLIANA SAILO : Pu Speaker, zawhbelhna kan Minister zahawm tak hian kum hmasa lamah Mizoram hi Organic State a puang tawh kha a ni a. Organic State a puan tawh chuan chemicalised lei tha hi nei tawh awmlah tak a ni. Engtatinge Urea tunah hian heti zat an lei le. A man lah hi a to em em mai lehngal a. Rs. 8.50 in Rs. 3.43 a thleng thei reng Mizoramah Rs. 8.50 in a lei a. Tin, a agent hnenah Rs. 5.00 in a hralh theih bawk a, hei hi engnge a awmzia? Kan thu leh kan thuah hian a va inkalh thin ve tih ka zawt duh a.

Tin, M.O.P. tih te, SSP tih te hi an lei a ni a, hei hi engzat man nge, ngatinge Organic State a puan tawh hnuin an lei tih ka zawt e.

PU K. VANLALAUVA : Pu Speaker, ka lawm e. Zawhbelhna - Jatropha chin tuma a chi la te zawng zawngin an ching em? Pahnihnaah chuan, mimal emaw bial emaw hlawhtling bik hriat an awm em? Tin, hlawhtling bikte hnen atang chuanin Jatropha hi lei sak a, a ching duh te hnenah pek tumna a awm em? Zawhbelhna dang leh - A chi chin tuma la, mahse ti riral mai mai te an awm em? Kan awm a nih chuanin an la tawh rau rau a nih chuanin chin ngei dan zirtir kha a tha lawm ni tih ka zawt e.

S P E A K E R : Nia kan zawhna kha Jatropha chungchang a ni a, relavant lo tepawh kha a awm a. A chhan theih ang ang chhang turin Minister ilo sawm ang. Microphone kha kan hman zawh veleh i off zel ang u.

PU H. RAMMAWI MINISTER : Pu Speaker, a tawp lam atang khan chhang hmasa ila. Pu K. Vanlalauva zawhna, a chi la zawng zawngin an ching em ? tih lai kha Pu Speaker, a chi la zawng zawng khan a chin leh chin loh finfiah a har viau laiin, an chinglo a ni tih a hnua kan hriat a awm a. Keimah ngei Imphal-a ka awm laiin Mizorama kan sem kha an lei chhawng a. Churachanpur velah khian Mizo awmho khian an ching tih a tituten min hrih a. Chuta tang chuan Mizorama a chi kan sem hi an zuar chhawng a ni tih a chiang viauin ka hria.

Nummber 2-ah Burma lamah a chho tih kha khilai area a kan kalnaah kan hre leh ta a. A chi la zawng zawng hian an chinglo a ni tih hi rin ngam niin ka hria.

Tin, a ti riraltu te kha hriat a har hle a Pu Speaker. A la an tam a, chin dawnah a chi sem laiah kha chuan kan chang ve ang ti kha an tam hle a. Compact Area a chin kan tum pawhin kan ngam loh phah a, kan inchuh nasat avangin. Kan sem darh phah ta a. kan duh dan chuan compact area a chin a supervision awl kan duh a. Mahse chu pawh chu pressure avangin kan theih loh phah a ni tih kha ka chhanna nise.

Tin, a lei dan chungchangah chuan a leitu tur te awmsa an ni a. M.O.U kan sign puite an awm a. Godrej Agrovat te leh D-I company te an awm a. Khalamah chuan buyback assurance awmsa a ni tih kha ka chhanna ni se.

Tin, Pu Speaker, Member zahawm tak Pu Lalrinliana Sailo zawhna Organic State a Mizoram puang ang khan Mizoram mipuiyah ngaih theihna a awm a. North East ah pawh hian. Organic Farming Act kan passed ah khan Provision hrang hrang a awm a. Mizoram organic a kan kal theihna tur dan kha kha Act ah khan a rea indentify zawk tur a ni a, a organic area kha. A area wise a identify tur a ni a. Kan Act-ah khan Mizoram pumpui hi organic State a dahna lam a ni lova. Area wise te te a kalpui tur a ni. A Act kha passed hmasa ber kan ni Pu Speaker. Organic Farming hi National Programme a ni a. India ram State-ah organic Farming Act passed hmasa ber kan ni a. Kha kha kan sawilan a kha a ni a. Mahse Organic Farming Act Provision ah khan en ila, Mizoram pumpui kha organic state-ah a dah lo, a area wise a certify chawp zel tur a ni tih kha ka sawi duh a.

Tin, Pu Speaker, Pu Saikapthianga zawhna – A chi rate chungchang kha ka chhinchhiah dan hi a dik emaw, nichina ka sawi ang khan, thil man hi a danglam zel a, Petrol/Diesel man atanga chhut a ni a. A hniam lam hi a har hle a. Jatropa chingho hian kan chin dawn chuan Diesel man hi engzat innge in tihhniam bik tih Govt. of India ah pawh rawtna (pressure) nasa tak an nei a. Diesel man atang hian Bio-Fuel nanana kha chu chhut let a, khatianga a rate hi fix chawp tura ruahman hi a tir atanga kan siam a ni a, khata tang a chhut let a fixed chawp tura tih a ni.

Tin, Pu Zodintluanga zawhna zawhna eng pawisa atangin nge a chi hi in lei tih kha. Mizoram Sorkar pawisa atangin a then kan lei a, a then NABARD Board pawisa atangin kan lei tih kha ka chhanna ni sela.

Tin, zawhna neitu ber Pu Lalhmingthanga zawhna kha. A chi semna man kha Pu Speaker, kum 2005-2006 atang khan a ni chho ta a, a chi semna man kha tunah hian ka nei thei mai lova, transportation cost kha nakinah ziakin Member zawng zawng sem ila kan remti thei mai em aw ka ti a. Kum a tam tawh a 2006-2007 chho atang daih tawh a kan tih kha a ni a.

PU LALHMINGTHANGA : Pu Speaker, chumi awmzia chu Pu Speaker, kumtin a chi hi Annual Programme ang khanin sem chho zel tihna a ni maw?

PU H. RAMMAWI MINISTER : Pu Speaker, sem chhoh zel tura pawisa kan hmuh dan a zirin, tunah pawh hian Pu Speaker, a chi hi farmer hnenah pek leh tur a ni a. (Pu Lalhmingthanga : kum 2005 atanga tan kha a ni ta a, tichuan kumtin in semchho tihna a ni maw?) 2006-2007 ah pawh khan kan sem a. (**PU LALHMINGTHANGA** : Kumtin nilovin a kar lak neiin in sem tihna) Ni e, a hmian kumtin kan sem lo. (**PU LALHMINGTHANGA** : Kan duh a kha chu hemi atan hian a total in engzat nge insem tawh tih kha a ni a. Tuna a neih loh miao chuan min sem mai selangin Member te hnenah hian Pu Speaker.

S P E A K E R : A tha e, Session chhung ngeiin Member tin te a kum wise te a total te kha pe thei sela.

PU H. RAMMAWI MINISTER : Pu Speaker, a detail kha Member te hnenah tun Session chhung hian rawn sem kan tum ang a.

Tin, hemi in tih hmian enchhin a ni tawh em? tih kha Pu Hminga zawhna baww kha. Mizoramah chuan Natural Plan a ni a, pi leh pute hunlai atanga huan hung nan a kan hman a ni a, a tha tih kan hria. Mahse. Department lam atang hian enchhinna Nursery atangin tun term hma khan enchhinna an lo nei tawh a. Chumi hnuah chuan D-1 te pheih chu khawvel cover an ni a, Mizoram boruak han en hian a china tur area in ni e an ti a, min phur pui a tunah hian Mizoramah chuan a tha ngei tih kha finfiah a ni a.

PU LALHMINGTHANGA : Pu Speaker, khami rual khan Pu Speaker, kan hriat duh lai tak chu a climate condition in a a thatpui leh thatpui loh lam ai khan Pilot project te siamin in enpui em kan tih kha chu hralh thlenga commercial item a tling tak tak em tih lai zawka kha a pawimawh ta a. a that thuah chuan naupanlai atangin kan hmu a, a tha viau zel a. Amaherawhchu, a pawimawh ber chu a chingtuten hlawkna an hmuh a kan ram economy a promote theihna lai tur ang a kha confirm na neiin nge in tih a, rinthu in ti mai? Tin, a chi sem velah tepawh hian hlawkna awm deuhin khatiang khan tih leh mai thin hi a tam a. Kiwi fruit te pawh kha Governor meuhin an sawilan kha chuan a chi kan lei leh vak anga a, mau hi te ang deuh hian sum siam nan kan hmang leh mai ang tih te kha kan hlau a. Puiting thei ngei tur hlawkna hmuh theih ngei tur a ni em tih kha kan hriat duh lai tak chu a ni a.

PU H. RAMMAWI MINISTER : Pu Speaker, Kiwi pawh kha Champhai velah enchhinna Department in an nei a, that chu, a tha a ni, a test pawh kha a tha a ni. Kei pawhin ka test a. Champhai leh Lunglei District i sawi vang kha a nia Pu Speaker, Lunglei District ah kung khatah hian a rah hi 60 bawr vel awm ang, chutiang ang chu a ni chhutin a hlawk lo tih lai a kha. Helai tak hi a pawimawh ta a ni Pu Speaker. Tunlaih chuan technology thar an nei a, kung khatah hian rah tam tir dan a awm a ni. Chu chu pruning an ti a. Mizorama kan harsatna chu tunah hian department leh kan Scientist mithiam te pawhin harsatna an neih chu. May thla a kan chin hi November-ah hian a sang lutuk, a rah hman daih mai a, pruning kha a buaithlak ta tlat mai a, an duh dan chuan lei atanga feet khat bawr vel lekah hian tuh a, chu chu a hnah thlak kawlh lain, thalah a ni a, tahchuan alo kak chho leh ang a. Khami hnuah khan pruning tih leh tur a ni a, control tur a ni a, a kunga than tir duah lovin hniam tea rah tam tir tur a ni a, chu technology zawk a chu tunah hian inkokhawm in training theihtawpin a chingho hi kan inpe a ni. Department-in theihtawpin mithiamte nen training an pe a. Pu Speaker helai a hi thil awmze neilo a chi supply tih lam hawi ni lovin Pu Speaker, hei hi kan target zawk a chu a ni. U.S.A. President in khawvel a sawi thinah hian bio-fuel potential area neih

chuan bio-fuel lamah kan tan a ngai an tih thin a hi, khawvelah hian Grude Oil problem hi a nasa tawh a, khawvel hi bio-fuel lamah kan kal a ngai a ni. British Prime Minister tepawhin an sawi a hi Bio-fuel lamah hian kan kal a ngai a. Keini potential area nei kan nih avangin bio-fuel an duh a. Pu Speaker, thil thaah chuan kan ti ve zel ang chu. Pu Speaker, House information atan Magazine pakhat ka chhiarah chuan tunah pawh hian a Magazine chu ka la kawl a, Magazine pakhat ka chhiarah chuan..

PU LALRINLIANA SAILO : Pu Speaker, U.S.A. President thusawi lai khan farmer ten tunah hian an chin tir a kha, a thawh lehna a puitling hman lova. Chulai te chu pawisa an pe thei ang em le ? an mangang khawp mai.

PU ZODINTLUANGA : Pu Speaker, khatiang a a sawi tui zel dawn anih chuan ka zawhna kha min chhang law law sela a va tha ve. A system Jhumming innovation activities kha (Speaker- a sawi zawh hmain in lo zawhbelh zel bawk a nia) khalai kha min lo chhang leh se.

PU H. RAMMAWI MINISTER : Pu Speaker, a chi a thlawna kan pek pawh kha assistant chu a ni tho lawm ni kan ti deuh va. Tin, kan hlawhtlin tak tak natur hian theihtawp kan chhuah tlan a ngai a, kan vaiin tih tak takah chuan Pu Speaker, shifting cultivation atanga settled farming a Zoram kan in kaihhruai nature atana hmanrua tha bawk, prospect tha bawk, Aizawl-ah hmanni lawkah pawh hetah hian test an neih kha. India President meuh Pu Kalam a khanin a compound ah a test tir a, 40% thlenga diesel a pawlh tir khan a tha tawh a ni a khawl kha. Amah ngeiin a compound ah a tih tir kha a ni a. Burma ramah hian Jatropha chin luih tir an tum a, Jatropha sawisel a piang chu death sentence pek tur tih sawiselna Magazine ka chhiar tawh a ni.

PU LALHMINGTHANGA : Pu Speaker, hemi hi viability Project tak tak thleng turah Sorkar hian ngai thei turin prove na neiin a ti em ? tih laia kha a nia kan duh chu, a chhan chu sawta a chingtupa pawh hian an tih chhin khan, a khehte nen, a kheh lohvin an lei duh dawn chuang si lova, nikhatah cheng 20 atanga 25 bak chu hmuh chhuah a har khawp ang a ti a. A techni-

cality ah chuan engpawh a niang, amaherawhchu, viability nei si lova mi chhungkaw heti zat te hi kan kalpui leh mai a nih chuan thil rapthlak deuh a ni dawn a. Chuti lai taka chu Sorkar hian a proof em? Kha kha rawn sawi chhuak se ka tih lai chu a ni a. A niang tih kha a ni lova. Chutiang chu a ni e tih theih chat kha a pawimawh a lawm.

PU H. RAMMAWI MINISTER : Pu Speaker, chu chu a ti tir kan ni a, a rah tih tam dan pruning hmangin mithiam te nen training kan inpe chho mek a. A bik takin Godrej Agrovat te pheh chuan a farm-ah an vil a. Theihtawpin farmer an zirtir a. Chuan intercrop theih a ni ta a. Thlai dang nen intercrop theih a ni ta. Chuvangchuan, hei hi project tha chu a ni. Nakinah pheh chuan kan Mizoram pawisa chauh nilo, India pawisa nilo, pawisa dang hemi atana kan lak luhna apining pawh hi a awm dawn a ni tih hi Pu Speaker, ka ngaihdan a ni.

S P E A K E R : Zawnha chhan thiam dan hi a inang lova. A then kual deuh a chhang thiam te kan awm a. A fiah khatin a lang e a. Starred Question 43-na zawt turin Member zahawm tak Pu Lalthlengliana ilo sawm ang.

PU LALTHLENGLIANA : Pu Speaker, ka Starred Question 43-na Tourism Minister zahawm tak chhan atan - Reiek tlang Tourism Department hmalakna hi chhonzawm zel tumna a awm em?

S P E A K E R : A chhang turin kan Minister zahawm tak Pu Z.H. Ropuia ilo sawm ang.

PU Z.H. ROPUIA MINISTER : Pu Speaker, kan MLA zahawm tak Pu Lalthlengliana zawnha Starred Question 43-na chhanna chu Reiek Tlanga Tourism Department hmalakna hi chhonzawm zel tum a ni a. Reiek tlang leh Beraw tlang Tourist Destination Project atan Govt. of India, Ministry of Tourism chuan kum 2005-2006 khan Rs. 479.49 lakhs a sanctioned a. He sum hmang hian Reiek tlang leh Beraw tlang ahte Department hmalak tawnha chhonzawm tura hmalak mek a ni.

S P E A K E R : Pu Lalthlengliana.

PU LALTHLENGLIANA : Tourism Department hmalakna chhunzawm zel tur a ni hi a lawmawm ka ti khawp mai a. Khulai Tlang khu a pawimawh a. Kan nula leh tlangvalte hian han intihlimna hmun hnai vai an nei lova. Chalfih tlangte chu weekend han hmanna turin a zina zin ngai a ni a. Reiek Tlang hi chu thlasik lai phei chuan Kristmas dawnahte Motor 60 te, a chang phei chuan 150 te a kal thla a ni. Aizawl Motor zawng zawng hi an liam thla te emaw tih maite pawh a awl viau. Khulai kan Cafeteria neihte, khualbuk thlenna in neuh neuh te khuan min zo lo hle mai a. Tin, hei kan ram a changkang chho zel a. NEC Meeting Mizorama neihte pawh hian nuam an ti viau niin kan hria a. Khatla atanga Berawtlang saw Reiek aiin a hlat daih chang a tam mai a. Motor jam avangin kan thleng hlei thei lo. Darkar khat tlinglo ah Reiek chu a thlen thlak theih a ni mai a. Khungahte khuan NEC Meeting neih theihna khawp tlang mawiah hmun tha leh boruak nuamah khuan siam nisela tuna an tum dan a kha ka hrelo nain chutiang ngaihtuahna hmang chung chuan kan Minister zahawm tak hian hma min lak sak thei lawm ni? A lo zinte tan NEC meeting te pawh thleng ta ila khulai tlangah khu chuan nuam an ti vekin a rinawm a. Chuvangin khatiing zawng deuh hlek khan ngaihtuahna min hmansak thei sela kan Sorkar chak tak hian tih hi ka rawtna a ni a. Tiang chuan ngaihtuahna min neihzui sak thei ang em? tih kha ka zawt duh a ni, ka lawm e.s

S P E A K E R : Reiek tlangah support tu i nei tlem mang e aw Kan zawhbelh ve mai dawn emaw ni le. A chhang turin Minister ilo sawm leh ang.

PU Z.H. ROPUIA MINISTER Pu Speaker, tuna zawhna kha - tunah chuan Reiek Development Scheme ah hian kan kalpui mek a, ITDC ho agency-ah kan hmang a. Amaherawhchu, an hna a muan lutuk vangin Mizoram Sorkar PWD-a transfer turin k an ti a. Chu chu Ministry pawhin order a siam tawh a. Chak zawka hmalak theih kan beisei a.

Tin, Reiek khu ECO Tourism Scheme deuha kalpui kan ni a. A ram mawinate tichhe lova, kan ram mawina te ram dang, hnam dang mitena an rawn chhim tur leh hip tura ruahman a ni a. NEC meeting ang a khatiing ang hmunpui taka han tih a, tih chereu palhte kan hlau a. Chuvangchuan, Berawtlang hi NEC te, National Level meeting pawh thlen theihna turin Conventional Central leh accomodation te pawh improved turin pawisa tunah hian kan nei a, hmalak tan mek a ni a. PWD pawhin tunah hian an buaipui mek a ni. Tunah mai chuan ECO Tourism a nih avangin khatiing meeting tihna tur khan ngaihtuahna kan la hmang rih lo.

PU LALTHLENGLIANA : Pu Speaker, a tlangmawina te chhe lo tur khuan hmun a tam lutuk a, khatiang zawng khan ngaihtuah na nei sela. Ngaw kara han phum kher kha a tul lovang a.

**PU Z.H. ROPUIA
MINISTER** : Pu Speaker, ni e, a lawmawm e. Bialtuin thahnem a ngai thin a. Tahchuan ngaihtuahna te kan hmang zel ang a: Amaherawhchu, thil tam tak hetiang meeting pawimawh leh security ngai nasaah hian harsatna te a awm thei a. Khang kha kan lo enzui ang e.

PU P.P. THAWLA : Pu Speaker, zawhbelhna - Tourism Department- in hmun mawi leh tha leh pawimawh Mizoram hmun tam takah chawlhna nuam a siam teuh hi lawmawm ka ti a. Hmanni khan Saiha District leh Lawngtlai District lampangah Tender tam tawk tar a ni tih ka lo hria a. Khangte kha hna pek an ni hlawm tawh em? Engtik vel atanga sak tan theih tur nge ni ang? tih kan zawt belh e.

S P E A K E R : Reiek tlang atangin Saiha District a kai daih mai a, chhan theih chuan han chhang sela, a tha ang e, kan Minister ilo sawm leh ang.

**PU Z.H. ZOPUIA
MINISTER** : Pu Speaker, Tuipang bialtu zahawm tak zawhbelhna kha tunah hian tender kha hmanna kan han tih kha engkim peihfel a niin hna pawh allot fel a ni tawh a. Hna tunah tan nghal chhoh mek a ni tih kha ka chhanna a ni e.

S P E A K E R : Starred Question No. 44-na zawt turin Member zahawm tak Pu Sailothanga Sailo ilo sawm ang.

PU SAILOTHANGA SAILO : Pu Speaker, Starred Question No. 44-na Power & Electricity Department Minister chhan atan - a) Aizawl khawpui Electric hruí thlun thatna tur Programme kha engtinngé Sorkarin a kalpui tak zel? b-na Engtikah nge hna tan a nih ang?

S P E A K E R : Chhang turin Power & Electricity Minister zahawm tak ilo sawm ang.

PU ZORAMTHANGA CHIEF MINISTER : Pu Speaker, kan Member zahawm tak Pu Sailothanga Sailo zawhna chhanna chu - a-na Aizawl khawpui Electric hruí thenkhat aerial bunched cable (ABC) hmanga thlun thatna tur hian Tender koh mek a ni a, a hruí taka pheí hi chu a tam ber chu a thleng vek tawh a ni. b)-na Accessories te tender a ni tawh a, kan thlang fel lek lek tawh a, a rei berah kar hnih/thum chhung chuan kan thlang felin ka ring a. Reiloteah kan tan mai theih ka ring/beisei e.

PU SAILOTHANGA SAILO : Pu Speaker, hei hi Aizawl khawpui chei nan te programme pawimawh tak a ni a, mipui te tana him zawkna a nih ka beisei bawk a. Ka zawhbelh duh chu engtinngé electric hruí chu thlun that a nih ang? He hna hi engtik hun chhunga zawh tur nge ni ang? Hemi atan hian pawisa engzat nge hmuh a nih tawh? Item hrang hrang atan tender koh a ni tawh em?

Tin, Pu Speaker, tlema a chi dang deuh hlek - Power & Electricity hi Corporation a lut mai tur anga sawi kha engnge a chanchin ni ta zel? Corporation-a lut tur hian hun bi thliah chhung a awm thei em? Corporation-a luh hi engnge a thatna? Power Sector set-up hi engtia kalpui zel nge Sorkarin a tum? Bairabi Hydél Project chungchang kha engtinngé Sorkarin a kalpui tak zel tih leh Tuirial Hydél Project hi chhunzawm a ni leh dawn em tih ho kha kan zawhbelh a ni.

S P E A K E R : Aizawl Electric hruí thlun that atang khan A kual viau mai a, nakinah kan la sawm ang a, tunah Pu Lalhmingthanga zawhna.

PU LALHMINGTHANGA : Pu Speaker, kan zawhbelh duh chu Tuna kan transmission system a existing aerial bunch cable-a thlak kan tumah hian transmission loss hi eng percent nge kan neih tih hi kan zawt duh a. Tin, a pahnihnaah chuan hemi a bunch cable khai kha a reduce ang em? Tin, chubakah eng ang nge a merit ni dawn? hemi thlak tulna chhan tih kha kan zawt duh a.

Tin, tuna kan neih lai ;hi Aizawl khwpui Circuit Transmission kha buatsaih a ni a, Commission pawh a ni a. Kan Chief Minister fanu ni nghe nghein ka hria a. Khami hnuah khan veng thenkhat hi chuan eng kan hmuh dan hi a hma kha a tluk lo zawk tlat mai a. Hei hi eng nge ni ang? Khalai kha enfel a, siamthat a ni tawh em? tih ka zawt duh a ni.

PU ZODINTLUANGA : Pu Speaker, zawhbelhna, kum 2006 ni 29-a helaia kan Chief Minister zahawm takina Demand an sawihonaah khan Aizawl khawpui chhung electric hrui thlunte a buaithlak em avangin underground-a tih chhin tawh a, a thatzia te, a hlawk ziate a sawi a, khami project kha enchenge kalpui a nih tawh a, khami kum khan a plan te kan the thla a, hma kan la mek, a ti a. Kha kha khawpui chhunga underground cable phuma kha engchen nge hma an lak pui tawh? kha kha kalpui zel tum ala ni em? tih ka rawn zawt e.

PU H. LIANSAILOVA : Pu Speaker, ka zawhna chu hei hi a ni. Hei Aizawl khawpui Electric hrui thlun that tur programme lian tak kalpui mek a ni hi a lawmawmah ngai ila. Hetih rual hianin veng thenkhat keini veng ang sawn a thlafem laiah sawn electric hrui thlun hnai ber atanga metre 200 te, 100 chuang te a la thlen phak lohna te veng a la awm a. Sports Complex te, tin Edentarah te, Bawngkawn Hmar veng lamah te, tin, hmanah ka sawilang tawh a. Zemabawk Galili veng an ti emaw ni. Chungte pawh chuan harsatna an tawh nasa khawp a. Edenthar pheih chu inthlan dawn khan pahnih/thum an va pu thleng a, Inthlan zawh lam khan an pu bo daih an ti a. Chungte pawh chu hei kum 5/6 te chu an nghak ta mai a. Hetianga Aizawl khawpui lun lai hrui thlun awm tawh mek siamthatna tur programme lian tak a awm lai hian a veng thlafem laia harsatna nei ho kan sawi taka te kha kuminah hian min tihsak thei tawh ang em le?

S P E A K E R

: Chhang turin Chief Minister ilo sawm ang.

**PU ZORAMTHANGA
CHIEF MINISTER**

: Pu Speaker, Aizawl khawpui Electric atangin Bairabi leh Tuirial lamah te kan kal a. Kha kha chhang hmasa ila a hla deuhhlek a. Aizawl khawpuia kan inconcentrate theih nan.

Bairabi Hydel Project hi kan hre theuh a, a hautak ber lai chu compensation te leh thildang han tih khan a economic viability-ah khan a pawisa kha kan problem a nia. Kawng chi hrang hrangin tunah pawh hian viability gap fund kha a tihtheih dan a awm em tiin Tuivai ah kan bei a. Hlawhtlin kan inbeisei a. Bairabi lamh a extend theih ang em tih te chu a funding kan problem a nih avang khan hei hi kan harsatna lai chu a ni a. A theih ang chuan kan tum reng a. Tuirial Hydel Project pawh chhunzawm tura hmalak mek a ni. Meeting pawh vawi tam tak kalpui a ni tawh a. A funding bawk a, kha problem a ni leh a. Pek belh a ngaih avangin Mizoram in hetiang rate hian in lei thei ang em, a produce hi tih te a ni a. Chulovah chuan DONER atangin pawisa dil belh ni ta sela a tha angem tih te. chu chu a kalpui hram theihna turin keini lam pawhin, a theih ang chin chin chu State in kan lei ang e tiin a positive reply leh positive comment nen kan ti thla zel a. Kha kha nakinah chuan tihhram theih pawh Tuirial hi kan inbeisei bawk a ni.

Tin, tuna kan Member te zawhnaah khan hemi under ground cable hi kan Urban Development Project ah JNURM ah hian kalchhoh pui tura kan tih a ni a. A main line atanga a rawn kaltlangna te nena a vaiin Aizawl khawpui hi underground cable in ti thei lo mah ila a theih chin tur tal hi chu han kalpui tum ila tiin hemi Project ah hian kan kalpui lai mek JNURM atanga lak tura tih a ni. Kan tih vek vek hi chuan tui Pipe te, lei hnuaiia phum chi in coordinate na tha tak a nih loh hi chuan pakhat kan ti zo chauh a, lai chhiat a ngai leh thin a. Chuvangin coordinate tak a Urban Development hnuaiia hei hi kalpui tum mek a ni.

Tin, Line Extension, Pu Liansailova sawi kha Mizoram pum huapin RGGVY hnuaiia tender kan kova, chu chu tender chhangtute khian an chhanna a san em si avangin kum 2003 vela kan tih a ni si a. 2008 a ni tawh si a. A san a ngaih si avangin min tihsak turin DEC ah kan dil a. kan Chief Enginer (power) ah a kal thla a. Kan hlawhtlin kan ring a. Arunachal Pradesh C.E. a lo kal mek bawk a. An hlawhtlin tawh avangin a rate sang lo thei lo lai kha a principle chuan min approve theiin kan hria. A tender pawh kan peih tawh a. A hna paid tura pawh kan Identify tawh a. Mahse, rate a san avangin pawisa dil belh kha kan State la han zawh rual anih loh avangin R.E.C. lamah kan dil belh a. Khami veri-

fication laitak kha min rawn dil a. Kan thethla a. kan beisei dan chuan tun Financial year ah hian pawisa chu min pass sak theih kan ring a. Min pass chuan a titu tur thlan fel tawh a ni a. Hna tan mai theih tur a ni nghe nghe a. Chu chu Mizoram pumpui tan a ni a. A tira kan tender na pawh crore 102 vel nitain ka hria . Tihsan ngaia kha min tihsan sakna tur chu tunah an ngiahtuah mek a. Chumi a lokal chuan RGGVY hnuaiiah chuan khawpui line extend ngai turte, electric la thlen lohna zawng zawng te. Tin, chuloah khami ina a ken telna tur line improvement te, transmission improvement khatiangah kha a daih vek dawn a. Mizoram pumpui chu min daih ngei ngei tura hisap a ni a. Kan beisei dan chuan financial year thar April – May velah hi chuan hna tan nghal theih turin tun financial year tawp hma hian a puna kha chu min rawn pek hman kan ring a. Chutah chuan Aizawl khawpui chhung leh Mizoram pumpui line extention tur a kha chu kan daih vek kan ring a.

Tin, a zawhna pui ber lai kan luh hma khan corporation thu kha, Pu Sailothanga zawhna tho kha a ni a. Corporation hi India ram ina an Electricity Act siamah hian kum 2003- a an act siamah India ram State-a mi zawng zawng hi corporation a lut vek tura tih a ni a. State lian chu an lut tam tawh khawp mai a. North East pawh hi min rawn tur nasa a. Tripura chu an lut tawh a, keini pawh chuta tan chuan inbuatsaih tur kan ni a. A that lohna hei hi a ni e tih lai tur pawh a awm ang, a tlangpui thu chuan a tha tura ngaiin India rama Parliament in an pass a ni a. Kan duh emaw duh lo emaw luh hrim hrim India ram zawng zawng kha chu a ngai a. Chuvangin chumi tur chuan kan inbuatsaih eng ngemaw chen hi a ngaih avangin hun erawh chu a duh deuhva, a hun tak hi kan sawi thei mai bik rih love, tih kha ka chhanna nisela.

Tin, ABC kan tih mai, area bunch cable hi a lo chhuahna pawh hi keima pakla hisap ve kmai mai khan hetianga tukverh te inchhung atanga hnai lutukah, kan LT line hlauhawm pui pui hi kan thlung a kan kha wih palh a kan thi tam lutuk hi a tihdan a awm ang ngaihtuah teh u ka ti a. kan Department ho hnenah. Hemi kan tui pipe rubber pipe a thun tal hian a hlauhawm lai hi chu tihdan a awm lawm ni le anih loh leh manufacturer hnen lamah zuk zawt ta ula, hetia lian deuh hrim a ngai anih leh a lian deuh a ni mai a. Ruber/plastic a tuam hian a tihdan a awm ang a avaiin ti theilo mah ila a hlauhawm zual lai thlakna hi chu tihdan a awm ang a dap teh u ka ti a ka tur ka tur a, a awm mai thei a a man a to ang an ti a. An han zawng, an han zawng a, a siamtute hnenah hetianga hi kan siam thin e a tih theih e an ti a tichuan NEC ah kan dil ta a, tichuan NEC ah khan crore 5 tlinglo deuh hlek nuai 446.99 min pe a, chutatang chuan an rawn release tawh chu nuai 245 a ni a. State atangin nuai 27 kan tih ve tur a ni a, a vaiin nuai 227.20 kha kan pawisa neih a ni a. Tichuan, kan tender a, a cable tak a kha tunah chuan kan nei kim tawh chiah em ka hre lo a a tam ber chu hmanni kha a lo thleng tawh a. A kim leh kim loh erawh heti chuan ka'n hre mai lova lo thleng kim tawh torah chuan kan ngai a. Chutah chuan a manufacturer ho kha hemi a line a kha chi dang deuhin an

siam a kha kha thelretin an tuam a, pahnih/pathum an la kawp a. an cable ta a. han khawih palh pawh a hlauhawm lo turin, a hlauhawm zual lai kha khatia thlak kha kan tum a.

Tin, khamiah khan a hruipui tak kha chu. kan lei tawh a. Amaherawhchu, accessories kha a awm leh ta a. Kan thlun atang khan a pawh darhna tur kha zuk zai a lang lova connect dan kha an rawn siam leh a. khata tang khan a distribution box-ah a lo lut a, distribution box atang khan inah hlauhawm lova pawh luh leh tur a ni a. Chumi accessories neuh neuh kha tuna kan tender chu a ni a. Chu tender a chu tun atanga chawlhkar hnih velah chuan kan final tawh kan ring a, an rawn chhang vek tawh a, an hawng a, an rawn process chho mek a ni a. khati a nih chuan, hna kha tan theih thuai beisei a ni. Kha kha tuna kan dinhmun a ni. a hlauhawm zual lai kha a vai pheichuan ti thei ila amherawhchu. kan tih theih rih loh pawhin a bul han tan ila a hlauhawm zual laiah a wire safe tur kha kan han ti tan ang a. nakinah pawh tih belh turah kan ngai. Tin, underground cable erawh chu ka sawi tawh ang khan hetah JNURM atangakal tur a ni. Tin, kan member zahwm tak Pu Lalhmingshanga zawhna transmission loss a kha a ti tlem ang nge a ti tam ang tih kha?

PU LALHMINGTHANGA : Pu Speaker, tuna kan present transmission loss hi percentage enge ni? Aizawl khawpui chhunga LT line ho ah hian tih kha ka hre duh a. A existing lost a kha, tichuan arear cable hian lo thlak duh ta ila, khami transmission lost a kha a tlem ang nge a tam zawk ang? Tin, kan han hlauhawm thin a chu hei tui metre min lei tir vak mai a. an hmang leh tak tak si lova, min vuah sak ringawt a a metre ang khan minpe leh phal chuang lova tuih kan tam a, engah kan tam a, Mautamah kan tam bawk a, tampui chi hrang hrang kan tuar hi a ni ringawt mai a, Pu Speaker, churang chuan hengah pawh hian area bunch cable-a han thlak tum leh thut nalaia kha enge maw chhan leh vang mumal tak a awm a nih loh chuan pawm a harsa viau mai a, khalai kha a chhia nge a tha zawk ang tih pawh chu kan chiang chuang si lova. Chunglai chu han inhrilhiah chhoh niselangin. Tichuan present loss of transmission, a percent khan tunah hian engzat nge? Tin hei hian lo thlak ta ila, engzat nge kan beisei kha tah kha? tin tuna Circuit thar kan siam kum hnih kalta a, kan Chief Minister in an upgrade ah khan a then hi chuan a hma aiin kan hmuh dan a tha lo zawk tlat a, kha kha siamfel ngai lai a la awm a ni e tih te kha siam fel a ni tawh em tih kan zawt a ni e.

PU ZORAMTHANGA : Pu Speaker, Transmission loss hi Aizawl
CHIEF MINISTER khawpui chhung bika hi teh lovin a ram pum

kan tehah hian 34% vel transmission loss kan nei a. National Level-ah hian 37% a ni a tlemin kan hniam deuh zawk e. Amaherawhchu, Aizawl khawpui chhung bik te a kha chu tehna kan nei hran'chuang lova, a pumpuiin helaia hi kan ramin a T & D lost a kha kan sawi ni sela.

Tin, a dawtlehah chuan kha kan tih kha hei kan hriat angin tlangrama awm kan ni a, kan wire hniam tak tak khawih hlahawm kha thlak kan tum a ni a. Hei tam tak pheih chu an mangang a, pipe-in an khuh chawp a. an buai khawp a. Chuvangin, hei chu a tha ngei turah chuan kan ngai a.

Tin, tuna kan tihdan pangngai a kan tih chuan lo lak mai, a lo ruk hi a awl em em mai a. Chutianga kan tih chuan a theih miah loh dawn a. Chuvangin T and D lost pawh kha a hniam zawk mahin kan ring a. tin, hei hi State dangah an lo ti chho ve a, tha an ti em em a, larger scale-in hei hi kalpui zel pawh an tum a. Lo ti tawh State dangah an awm nual a, chuvangin, a hlawkin an hria a. kalpui a, enlarge zel pawh an tum a ni. Keini tan pawh tha turah kan ngai.

Tin, Aizawl khawpui khuta kan sub-station-te kan hawn a, a circuit-na tur line pui kan han tih hi kan duh anga kan la improve loh avangin harsatna thenkhat a la awm a. Hei hi tuna kan improve chhoh zel hian Aizawl khawpui semrualnaah pawh hian a hma aia tha zawka kalpui kantum e, tih kha ka chhanna chu nise. Pu Speaker, chuti zawng chu a ni e, ka lawm e.

PU LAL THANHAWLA : Pu Speaker, 60 MW Tuirial Hydel Project foundation stone 1997 August a kan lay khan OECF Japan ho khan 210 Mw. 210 Mw Tuivai Hydel Project pawh hi nakum tun ang hunah foundation stone in lay leh thei ang min ti a. Kha kha engnge a position ni ta ?

Tin, 60 Mega Watt Tuirial Hydel Project khu harsa taka a bul kan lo tan, dik lo taka compensation lak teuh avanga a hlamzuih ta khu kan ui a, Central-ah kan nawr ve reng a. Power Minister apiang kan hmu ve zel a. Tunah pheih chuan Prime Minister pawh kan thleng a, min continue sak pawh an duh a. Mahse, compensation diklo taka claim te hi pek loh tur kan ti ve a, keini pawhin. Dawt a ni a, pek a ngai lova. Tin, tunah khuan an lehkha ka hmuh hnuhnung ber ah chuan State sorkar chutiang khatiang chu kan zawt a, chutiang khatiang chu ani a, mahse, min chhanna chu negative a ni a. Engtingge ni zel ang tiin Power Minister ngei pawhin lehkha min rawn thawn a. Chulai chu engnge a dikna tuna kan ngaihthlak nen khan a va in ang ta lo ve ?

**PU ZORAMTHANGA
CHIEF MINISTER**

: Pu Speaker, Tuirial kha han sawi hmasa ila. min rawn zawh kha ka hre kim chiah lova. thil pahnih hetia ka hriat mai chu. Hemi kan Tuirial-in a thawhchhuah tur hi Mizoram

Sorkar-in in lei vek thei ang em? Hemi rate hian, anti a. A rate kha $\frac{3}{4}$ rupees tih lai kha a exact kha ka hre ta lova. E, a hlawhtlinna tur anih chuan kan lei vek mai ang. Power cost hi a sang chho zel a, nakinah pheih chuan hei hi chu tam a ni hauh loving a, kan lei vek ang e, kan ti a. Kha kha chu kan chhang a. Mahse, negative-a kan chhan chu. State-in in ram anih avanga 12% free tur avanga 12% free-a inhmeih thin a kha hei pawh hi hmu lo ula sacrifice vek rawh u an ti a, E khai chuti anih chuanin kan Sorkar hi hmingchhe lutukin kan awm thei ang. Mi rama Tui va khuah reng rengin a State hotuten 12% fre power kan nei ngei ngei tur a ni a, hei hi mi tam tak chuan. State tam takah chuan a tlem lutuk, hei aia sang hi an ni tur a ni tiin an nawrsan laia. Kha zawng zawng pawh chan vek tura min ti erawh chu 'kan thei lovang' kan ti a. chu chu a negative-in kan chhang, chuti pahnih chu a hlawm a ka'n sawi theih chu a ni a.

Tin, Compensation chungchang thuah khan.

compensation kha double in a kal kha a buaithlak lai chu a ni. Lehlamah mimal ram. hei hi mimal ram a ni a he compensation pek tura kha a awm a. chutih lain forest ram vek ani si a, Forest Deptt. Hnena pek tura kha a awm bawk si a, chumi double laia chu min tibuai khawp mai a, amaherawhchu, tunah hian kan scheduled tribe te an forest ram humhalhna dan, Parliament in a passed, tun January atanga hman tan tur khan kan in chah fel chu ka beisei a, khamiah khan District level ah Committee a awm ang a, heng mi hi an ni tur a ni. Sub Divisional level ah heng hi committee an awm ang a, tin, village levelah heng hi committee ten Forest Dept, in kan ram a ni an tih chhungah tun hma atanga an ram lo ni ngei a nih leh nih loh an prove in an en ang a, chumi an en chu an pass ah hemi te ram hi alo ni ngei e tih an recommendation a Sub divisional levelah, a committee ah alo kal ang a, chumi ten an confirm a, District level ami ten a lo ni ngei e ti a an compare chuan Forest ram ni lovin khamite hnenah khan pek tur ani ang, District level in a an confirm na kha final ani ang tih Parliament dan siam a kha keini ramah pawh hman turin tunah hian kan ti mek a, chu order chu a chhuak a, village level atanga District level a Committee siam turin, chumi chuan Forest ram nia an claimed akha mimal ram a kha. khati khan lak chhuahna tur tam tak an nei dawn a, lui dung ruam zawng zawng Lui 16 vel em ni forest ram ani tih vek lo ni tawh a kha, khami ang hmang khan kan in lachhuak vek thei dawn a. Tuirialah pawh khatah khan Forest ram ni bawk mimal ram ni bawk a double a kha, khami kha chu kan chin fel theih kan ring a ni.

Tin, a compensation chungchang thuah chuan

Tuirial ami kha, 3% vel bak a ni lova, compensation sang ani hauh lo tih a kha. khami a mimal ram claim ah kha chuan Power Secy. hmasa khan hetah an CMD.

NEEPCO CMD hnenah khan ka awm ngeiin, kan awmkhawm laiin Tuirial compensation mipui hnena pek tur hi hria ila tunah crore 800 chuan (Pu Lalrinliana Sailo – Pu Speaker, khalai tak kha chu keini pawh kan zuk kal a, 2004 November ni 3 leh ni 4 khan kan zuk kal a).

Pu Speaker, anmahni'n min zawt a, ka chhang alawm chuvangin khalai kha hei hi Compensation pangngaiiah hian sang a ni lova 800 crore chuang.....(Speaker –Ngawi rawh aw, hei zawhna hun kha a tawp tawh si a a sawi tlang law law dawn em ni ang ?)

Minute khatah ka zo vek tawh ang. Chuvangin hei hi a sang a ni hauh lo a nia tih Power Secretary pawhin CMD NEEPCO hnenah khan a ti nghe nghe a. Engpawhnise hei hi chhonzawm turin hma lak a ni a, Ka sawi zawk erawh chu hetah Forest ah pek baw, mimal a pek baw a double kha niin a lang a, double payment kha awm lovin a tih theih a rinawm e tih kan sawi tel a, hei hi kalpui hram pawh kan tum e.

Tin, Tuivai dinhmun kha chu tunah hian viability funding kha khutah Ministry of Finance ah kan dil mek a, chu chu kan hmuh theih pawh kan ring a, khami nen chuan Tuivai Project pawh hi tan theih tura tih a ni a, Power Department pawhin min recommend a, hei hi kan hmuh theih ngei kan ring a, chu chu a project cost 20% emaw 20 crore emaw, a tlem zawk zawk kha grant ang a lak theih a ni a. Chumi nen chuan Tuivai Funding pawh kha a tih theih a hma lak theih kan in beisei.

S P E A K E R : Zawhna leh chhanna hun a tawp tawh si a, min hrethiam mai rawh u. Nidangah remchang a la awm ka ring a, demand te pawh kan la sawi leh zel dawn a. tin supplementary remchang tak te pawh ala awm leh mai thei a ni.

List of Busines ah kan kal ang a. chumi hmian vawiin kan rorelnaah hian kan membrete – Pu Lalduhoma leh Pu Aichhinga. Minister dam lohna avangin an lo tel thei lova. Tin, Hnahthial bialtu zahawm tak Pu F.Lalthanzuala, mimal thil pawimawh avangin a lo tel thei lo baw a, hengte hi House hian leave of absence a pe thei mai em? A nih aw, tunah chuan laying of papers. Chief Minister zahawm tak Pu Zoramthanga, Finance changtu, Finance Account for the year 2006-2007 relating to Govt. of Mizoram leh Appropriation Accounts for the year 2006-2007 relating to Govt. of Mizoram copy te House dawhkanah lay turin i lo sawm ang.

**PU ZORAMTHANGA
CHIEF MINISTER** : Pu Speaker, I remtihna leh House rem tihnain
“Finance Account for the year 2006-2007
relating to Govt. of Mizoram” tih leh
“Appropriation Account for the year 2006-2007
relating to Govt. of Mizoram” tih he House Table ah hian ka rawn lay e.

S P E A K E R : Tikhan heng paper pahnih hi a rawn lay ta a.
A copy te kha han sem nisela a tha ang e.
Kan List of Business kha Portfolio inthlak
avangin he kan paper lay leh tur hi a lay tu
tur tihdanglam a ngai a. List of Busines ah khan Pu Zoramthanga tih a ni a, mahse
tunah hian Industry changtu chu Pu B.Lalthlengliana a lo ni ta a. Chuvang chuan
tunah Pu B.Lalthlengliana, 21st Annual Report of Mizoram Khadi & Village Industries
Board 2005-2006 lay turin ilo sawm ang.

**PU B.LALTHLENGLIANA
MINISTER** : Pu Speaker, i remtihna leh he House remtihna in
21st Annual Report of Mizoram Khadi &
Village Industries Board 2005-2006 he House
dawkhanah hian ka lay e.

S P E A K E R : A copy han sem nise. Pu Lalrinliana Sailo,
Chairman Subject Committee-III chu The
Second Report of Subject Committee -III
relating to Environment & Forests Department
chu House-ah present turin ka sawm e.

PU LALRINLIANA SAILO : Pu Speaker, i phalna leh he House remtihna in
Second Report of Subject Committee-III
relating to Environment & Forest Deptt. hi he
House zahawm tak ah hian ka rawn present
e, ka lawm e.

S P E A K E R

: Kan Committee hrang hrang ten thahnemngai takin hna an thawk zel tih report lo lut hian ati lang zel a, a lawmawm tak zetin ka hria, a copy han sem rawh ule. Tichuan Financial Business kan khawih tawh thung a ngai, nimin lama kan General Discussion for the Budget 2008-2009 kha sawi ho na hun kan nei a, member 11 in kan sawi tawh a. waviin lamah hian kan chhonzawm leh a ngai hei hi zawh kan tum dawn nia. Tunge han sawi hmasa ang, Pu Liansuama i lo sawm ang.

P U L I A N S U A M A

: Pu Speaker ka lawm e. Kumin a kan Budget han thlir hian lawmna tur tam tak awmin ka hria a, a hmasaa kan sawi duh chu Youth Commission din tur chungchang leh chumi kan demand for grant-ah te cheng nuai 40 zet a bul tan nana tan alo lang ta hi a lawmawm thlawtin ka hria a, he programme hi kan sawi zing tawh a, tlemlai deuh khan Information Conference Hall ah YMA ten thahnem ngai takin Political Party hrang hrangte min sawm khawm a, chumi-ah pawh chuan hemi chungchang hi political party zawng zawngin tih makmawh a kan in tha bat theuh a ni. Tichuan, he Commission a tak lo chang tur han hmuh hian a lawmawm hle a ni. Mahse, tun kan Budget Session chhung ngei hian he dan hi pass-a a hman tak tak chu a tlai deuh pawh a ni thei a. mahse, a lo lang hrim hrim hi a lawmawm hlein ka hria. Chuvangin nakina a changzui zeltu tur, a nih ang tak zik thuka enkual saktu tur kan Sport Minister leh kan Chief Minister te hian dan hi nei ringawt mahila a taka hmang tangkai tur chuan hmalak ran a ngai a. Tin, dan reng reng House-ah kan pass hian a hman tan tur chu Gazette-a chhuah a, chumi ni atanga hman tan tur a ni ang, tih te hi a tlai chuan a pawh thin a. Nikuma Municipal dan kan pass pawh kha waviinni thleng hian ni hman tanni tur notified a la nih loh avangin kum chu a vei a ni ta der mai a, chutiang anih lohna tur atan chuan he Youth Commission kan thalai tena an nghahhlelh em em keini pawn lawmawm kan tih tlan a hi a muangchang thiang lo turah ka ngai a, chu chu kan sawilang ve a ni.

Tin, pahnihnaah chuan chanchinbu leh hmun hrang hrangah te kan lo ngaihthlaka kan hriat tawh thin Mizorama Sorkar hnathawk ve lo tena an dammawh harsat an tawh changa Medical re-imburement an nei thei tur hi lawmawm khawpin ka hria a. Kan Governor thusawiah te leh Chief Minister, Finance Minister ni bawh thusawiah khan zuk ngaih ruat theih tur chuan a awm a. Mahse, a tak takin Demand for grant bu lianah khan fiah takin a lo lang ta . Hei hi hmanna chanchinbua kan hmuh te kha a dik chuan a buaiputu tur Insurance Company te pawh IRDA kan tih maiin a approved ngei company-in a chan theih turin tender te pawh kan sorkar hian a chhuah tawh niin ka hria. Hei hi lawmawm a tlingin ka hria. Aizawl bial

pawh a ni ang a, Zokhaw lam chu kan buai takzet a. Damdawi ln te kan nei tha ve pha lova. Health care-ah hian kan hniam khawp mai a. Thih pawh kan thi nasa. Keini khawthlang lam bialtu te phei hi chuan Malria avanga thih hi kan tawk nasa zual a ni. Chungten harsatna tawp an han tawh chang a MLA te ah an lo tlu lut a, chuti takin kan lo pui thui thei silo karah hetiang Health Care Scheme ram pum huapa an awm tur te han thlir hian kan Budget hi lawmawm hlein ka hria a. Pawisa dah chin pawh hi a tam ang reng khawp mai a. Mahse, Sorkar hnathawk Revised Estimate, nimin lawka kan passed liam takah engvangin nge Revised Estimate a ngaih? tih a hnuaia tlar thum tlar lia hrilhfiahnaah khan Department tin khan Medical Re-imbusement atan cheng nuai heti zat hi a then chuan nuai 100 chuang Department thenkhatah chuan. Department te deuh chuan nuai 20/30 hlawm khanin kan passed liam ta kha a ni a. Tichuan, kan ramah hian Sorkar hnathawk mi 50,000 vel awmin chhut a ni a. Chung tena vaibelchhe 30, 40 chuang an hman thin lai hian Mizoramh kan Economic Survey in a project dan chuan mihring nuai 10 leh sing 6 vel zet tunah hian kan awm tawh a lo ni a. Tichuan 50000 Sorkar hnathawk piah lam zawng leh an chhungte ti ang, chumi piahlam zawng chu he Scheme hman tangkai tur te hi an ni. Chuti a nih si chuan heta pawisa hand-ah te pawh hi a la tawk lo mai thei a. Engpawhnise, a pung hrim hrim hi a lawmawmin ka hria a. He kan Budget sawi turah hian a lawmawm berte zinga mi niin ka hria. Chu chu kan sawilan ve duh pahnihna a ni.

He kan Session chhung leh tunlai Mizoram min chiah hneh em emtu chu Mautam avanga tam kan tuar mek hi a ni a. He kan tam tuar hi a namai lo khawp mai a. Mi zawng zawngin kan hriat lawks a a ni a. Hmanni deuh kha Famine Emergency Committee ah kan tel ve hlauh mai a. Chuta ka thusawi chu Pu Speaker, ka ngaihdan a nih avangin sawi nawn leh ka duh a. Kum 1986 ah kan ramin Remna leh Muanna kan neih rual ti tihin State kan nei nghal a. Chu State kan neih atanga reiloteah chuan 1987 kum tirah kan inthlang a. Tichuan, kan ram hi kum 20 zet UT hnuaah pawh State puitling niin kan lo function ve ta a ni. Tichuan, kum 20 State kan neih hnua kum 20 a ral hnuaah Mau an tam a, kan tam a, kan buai ta em em mai han ngaihtuah let hianin kan economic policy kan State economic policy kan ti dawn nge ni, Agriculture policy nge ni dawn? Helaiyah hian tihfuh tawk loh a awm a ni tih a chiang khawpin ka hria. Hei nena kan sawi kawp duh chu hemi kan economic survey bu a thu hawnnaah hian Mizorama chhung tin per capita income chu Rs. 27437/- a ni ta a. Tichuan, chhungkhata a tar pawh a thalai pawh naupangte nen lama 27437/- hi kan Income ni tak tak se chuan buhfai leina neilo hian kan mangang lovang tih a chiang a ni. Mahse, hemi chhiarkawp ang thlap thlap hi chuan khawvel hmundangah pawh a ni thei bik lova Income tam deuhte a tlem deuhte chawhrual a ni mai a. Tichuan, hemi Economic survey ber kan chhiar zel chuan leh Governor Speech atang pawh khan Mizoram a za a 70 te hi Agriculture and Allied sector-ah an innghat a ni a ti a.

He Economic survey pawh hian chutiang tho chuan a sawi a. Kut hnathawktu 70% ten Gross State domestic product-a an rawn thawhchhuah ve chu za zelah 15.23 chauh a ni. Chuvang chuan, Agriculture and Allied Sector-in a gross State domestic product-a an contribution hi a tlem em em a ni. Tuten nge thawhtam ber kan tih chuan service sector a population a tlem berin 67.12% an contributed a ni. Chuvang chuan, kan ram chhung a mi cheng tam berte economy leh an dinhmun hi chawikan anih hma chuan kan ram hi anuam ngai dawn lo a ni. Tichuan. chumi tihlawhtling tur chuan he kan Economic survey ah tho hian phek 28 leh 29 velah hian fiah takin sorkarin ruahmanna a rawn siam a, vawiinia Pu Speaker. kan sawi uar duh ber chu hei hi a takin chang ngei ngei se'ng kut hnathawka kan mi harsa leh nichina kan han sawi tak kan thalai lehkha thiam si sorkar hna thawh tur hmu mai lo te tan hian kawl eng a awm thei dawn a ni. Chuta tan chuan Market linkage ngei ngei a ngai a ni.

A dawt lelah chuanin Contract Farming tih ngei ngei a tul ta. Chu lo lelah chuanin, Bank involvement hi atlem lutuk a chuvang chuan kan State Sorkar a kan Budget neihdan chu a tlangpuithuin kan hrevek a. Chumi belhchhahtu tur atan chuan bank pawh hi kan ngah tawh khawp mai a. Chung chuan. an tihtur an rawn ti ve ngei ngei tur a ni. Entirnan : Vety. atangin Graduate fel tak tak. Agriculture Graduate fel tak tak kawng tinrenga kan ram kan thalai te hmahruaitu tur an awm, chungte chuanin bul tanna an mamawh em em a, he policy leh programme hi a tak tak a chan theihna tur atan chuan Agriculture ah investment pek nasat angai a. Chuvang chuan, plan-allocation nikum aiin cheng vaibelchhe 150 kan hmanna tur naktuk te tukleha kan pass chhoh zel turah hian chu sector chuan an chang tam em? tiha zuk bih hian an phu tawh angin an la chang tam lo tlat a ni. Chuvang chuan helaiah chuan Budget Estimate a ni mai a, Revised Estimate-ah te thui takin a la siam rem theih a. He kan Economic survey report leh Finance Minister in a speech-a a rawn ngaihpawimawh a priority zawng zawng chu a hma zawng zawng chuan infrastructure-ah hma kan la thin a; tun atang chuan production ah leh market linkage ah hian tan kan la nasa dawn a ni tih hi a taka chan a ngai a ni.

A taka a chana tur chuan Trade & Commerce Budget kan zu en a, Trade & Commerce Budget kha Agriculture Marketing enkawltu ber an nih mek lai khan, nikum lam ai chuan an Budget kha Nuai 15 velin alo sang a. a hrihfiahna ah chuan hlauh lama indaih loh avangin tih a nih leh ta hlauh mai hi enngun a ngai khawpin ka hria. Chuvang chuan a lawmawm dan a famkim lova. Engpawh nise kum bul kan tan dawn chauh a ni a. Chutiang hawi zawnga hma kan lak phawt chuan kan rama kut hnathawktu 70% vawiinia Mautam kum khat buh an thar loh avanga heti khawp a kan buaina hi a reh theihna tur atan chuan an tan hian tawngka mai nilova kan inpek tak tak a tul a ni.

India ramh hian Dan pakhat siam tum an nei a. Party tinin tha an ti khawp mai a. Hmeichhia te Parliament ah leh State ah quota nei a an in candidate ve chungchang hi a ni a. An han sawikhawm chuan tha anti em em mai a. Danah a chang thei reng reng lo. Vawiinni thleng hian Women representation Bill hi a hlamzuih leh thin. Chutiang ziazang deuh chuan he House-ah leh hmuntinah hian kan kuthnathawktu te hi kan han lainat hmel thin khawp a. Mahselangin a tak takah chuan kan Budget hian chumi lam chu State kan nih tirh atang khan a hawi tak tak lo deuh a ni lo maw tih hi vawiiniah hian kan sawichhuak duh a. An sawi a nih pawhin a hman danah erawh hi chuanin tih dik loh kan nei a ni ang. Tumah indem lam nilovin tah hian hma thar lakna tur kan nei a ni tih kan sawilang duh a ni.

Pu Speaker, a dawt lehah chuan performance Budget hi tun Session-ah hian ka lo beisei khawp mai a. Performance Budget leh Right to Information Dan hi kalkawp tlat a ni. Tunhma zawng zawng chuan Budget pharh a nih hma chuan midangin hriat thiangoa ngaih hial a ni. Mahse, Right to Information ina a tum, a objective ah chuan khatiang British hun lai leh tunhma hunlai kha kalsanin mitinin Budget a ni emaw thil engkim kan hriat theihna hun tawhah hian kan Budget hi duh ang tawkin kan la tlangzarh lo mah mah a nih hi !

Kan Minister te pawh hian hmania Budget pharh a nih hma kha chuan tun kum lo awm tura an Department enkawlina tur atan hiar sawi theih an nei tlem khawp mai, Plan Budget Vaivbelchhe 1000 atang khan engzatnge an chan ve dawn pawh hi an hre hlei thei lo a ni. Non-Plan phei chu an hre lo thuai a ni ringawt mai a. Hetianga thim thama kan kalna hi a rei tawh a, State kan nih hnuah kum 20 chuang zet Budget kan pharh tawh hnu hi chuan performance Budget hi kan lo beisei khawp mai a. Mahse, ala ni ta lo cheu mai hi erawh chu a pawh khawp mai.

Hetia kan thlir vang vang hian U.T. kan nih lai atanga vawiinni thleng hian mipui Sorkar Budget ni lovin sorkar hnathawkte budget hi kan lo pass chho ngar ngar a ni. Political Party in Manifesto a siam a, chu chu a tlinpuia tih hlawhtlin a tum tak tak chuan forum hrang hrang a awm a. Tuna UPA Sorkar pawhin common minimum programme a nei a. A tak taka lo channa chu NREG te hi a lo ni ta ni. Chutiang hawi theih hlan chu a nghahhlelh awm khawpin ka hria. Performance budget tello hi chuan hmasawwna a wm har tial tial ang tih ka ring. Chumi ina a ken tel tlat chu Pu Speaker, decentralization of power hi a ni. Aizawl ah hian thuneihna hi kan pum hmawm vek a, chu chuan corruption pawh a ti punlun a. Chuvang chuan India Constitution Article 243 nain Local Government changtlung tak din a phut ang chiah hian he kan ramah hian neih ve hlan hi kan nghakhlel a. Hei tun Sorkar Budget Sesion chhung hi chuan kan hmu dawn lo ah a ngaih theih a. Mahse favangah Session vawikhat kan nei hman turah kan ngai a. Hemi decentralization tello hian kan policy leh programme reng reng Planning pawh hi top to bottom in a kal a.

Chuvang chuan hetah grassroot ? atanga block ah, Sub-Division ah District ah State ah chutianga kan kal ni ni chuan corruption hi nekchepin a awm ang a. Thuneihna semzai a nih veleh kan ram hian hmasawnna ah hma a la tak tak thei ang tih hi a rinawm a ni. Chuvang chuan heng thu hlawm lian tak tak kan ram tana pawimawh si hi he general discussion ah hian ka'n dinchhuahpui ve a ni. Ka lawm e.

S P E A K E R : Kan Dy. Speaker-in a sawi ve duh tlat mai a. i sawm hmasa ang u.

PU C. LALRINSANGA : Pu Speaker, ka lawm e. Hei Member dang ten
DEPUTY SPEAKER a an tih ang deuh hlekin lawmthu sawia bul tan thain ka hria a. Ahmasa berin Budget Session hnuhnung ber tun term-ah chuan a ni a. Hemi hun chang thei a/dawnga, leh hriselna leh Pathian khawngaihna a House-ah zalen taka business te sawiho theia kan awm hi lawmawm ka ti a, mimal tak pawhin lawmthu ka sawi duh a.

Tin, a dawt lelah chuan hei ka hriat ve theih chinah 1999 kan budget session ah khan kan plan budget kha ka sawi sual loh chuan vaibelche 235 tih niin ka hria a. Kum 10 a lo kal ta waviinah erawhchuan vaibelchhe 750 lain a lo pung ta a. Hei hi lawmawm ka ti a. Vawiina kan plan, size tak phei chu vaibelchhe 1000 a lo ni der mai a. Hemi chungchangah hian kan house Leader zahwn tak kan Chief Minister ni bawh hmalakna ropui ka ti a. Vawiinia hian chawimawi pawh a phuin ka hria. Tin, chutihrial chuan Finance Department te theih tawp chhuahin budget an buaipui a, budgeting hi thil har tak a ni a. Chumi karah chuan an theihna zawng zawng nen an buatsaih a, Budget felfai tak an rawn buatsaih a. Tin, chumai ni lovin 2006 khan Mizoram Fiscal Responsibility and Budget Mangement Bill kan lo passed kha Act lo ni tawhin chumi hnuaia tih tur awm bituk te ruahmanna neiin tun tumah Fiscal Policies, Strategy Statement te, Medium Term Fiscal Policies Statement te. Micro Economic Framework Statement te hmang a kan Finance chungchanga chipchiar tak Fiscal Management chungchang a rawn tarlante hi ropui ka ti a. Kan Finance chungchanga chipchiar taka Fiscal Mangement chungchang a rawn tarlan te hi ropui ka ti a. Kan Finace Department chungah hian lawmthu sawi tur tam tak awmin ka hre bawh a.

A dawt lelah chuan kan economic survey chungchangah Planning Department ten Economic Survey tha tak mai an rawn buatsaih a. Mahse, ka duhthu a sam lo deuh va, hei aain chipchiar thei deuh sela, detail deuh thei sela tha hle turah ka ngai a. A chhan chu kan Mizoram context economic survey hi vawinnia thangthar kal mek kan Educated te tana darthlalang pawimawh tak ni turah

ka ngai a. Ka lo ngaihtuah ve thin danah chuan Economic & Statistic Department hi Department pawimawh tak an ni a. Anni hian Statistical data hi fel tak an nei hlei thei tlat lova. Hei pawh hi kan Sorkar hian nasa lehzualin tan lak theih dan awm sela. Data fel tak baseful data te awm thei ta sela vawiinia kan thalaite hian hmalakna tur kawng tam tak an rek pawp thei turah ka ngai a. Engpawh nisela Pu Speaker, thil pakhat rawt duh ka neih chu Budgeting hi thil har tak anih rualin Finance kalphung hrim hrim hi a nawlpui chuan kan hre vek seng lo ang a. Amaherawhchu, hemi Legislators bakah kan educated ho vawiiniah economists ropui tak tak naupang te te, ram vei tak tak hi an tam em em a ni. Heng hoin a kan Finance kalphung te hi an hriatchian hi tulin ka hria a. A chhan chu vawiiniah Employment Problem kan neihte hi engvangnge tih hre vek lo leh kan Finance dinhmun hre vek lo hian kan in dem vak vak ni te hian ka hre thin a. A nihna takah chuan kan sorkar pawh hian employment generate hi chu a duh reng a, mahse, kan Finance dinhmun enin theih chin awm bithliahin an ti chauh a ni zawk a. Engpawhnise, Pu Speaker, a budget hrim hrim laiah hi chuan sawi tur tam tak a awm a. Structural Adjustment loan, thil thar tun tuma kan neih kan Chief Minister thahnemngaihna ADB atanga kan loan rulh (kan ba rulh) theihna tur ang ruahmanna lo lang te, Tin, refer case sorkar hnathawk kher lo pawhina kan hman theih tur te. leh thildang te vaibelchhe sangkhat hnuaiah hi chuan kan budget hi chu tha turah i ngai phawt ang.

Chuvangin, kan budget lam ngawr ngawr kha ka tur tum a ni lova. Vawiiniah hian a phek lehlam keu tur awmin ka hria, chu chu keu ka tum a ni. Constitution Article 202 Sub Section 1 in a provision min pek angin vawiiniah kan pawisa hmuh leh hmanral dan tur kan rel mek a ni a. Chumi kan rel piahlahmah chuan tun atanga reiloteah kan budget kan rel a hi a baw dawn a ni. Chumi awmzia chu Sorkar hnathawkin kan pawisa, hlawh atanga kan hmuhte, tin, supply system leh thil dang dang contract work atanga he kan budget atanga mipui a baw tur te, khatiang khan a tawi zawngin sorkar zempui atanga mipuia a luandarh hnua kan pawisa movement tihna a ni ber ang chu. Hei hi ka hriatsual loh chuan sorkar hnathawkte tan hian vaibelchhe 50-70 vel hi thlatin a kan expenditure niin ka hria.

Tin, thlatin hian vaibelche 110 vel hi kan expenditure a ni a. Chuta tang chuan vaibelche 50-70 hi sorkar hnathawk leh pension hlawhte nen chuan engzat chiah nge tih chu ka sawi mai thei lo a. Chuti bawr vel chu a ni a. Chumi hlawh atang chuan vaibelche 30/40 vel kha mipuia an chak leh thil dang mamwh phuhruk nan a lo baw ral ah ngai ta ila. Mipui a luang chhuak pawisa leh commodity, entirman kan daily need, kha pawisa ina a leina material hi khawi atanga lokal nge tih chuan, a tam zawka hi chu phai atanga lokal a ni vek mai a. Keimahni intodelhna atanga kha pawisa nen a kan thleng tawn a kha a awm mang lo a ni. Kan pawisa tam zawka hi phai lamh a liam a. Entirman nitin kan ei dal, alu, etc. te chhut phei chuan Aizawl khawpui hian thla 1 ah vaibelche 1 ½ bawr vel hi kan expenditure a ni der a ni.

Kum 2003 survey (random)-ah chuan. nitin panhnah trip 7 kuhva trip 1 hi Aizawlah a baw ringawt mai a ni. Khawi lamah nge a kal ral tih chuan, nitina a buak chuan a kal ralna a awm tihna a ni mai a. Chu chu pawisa faiin nuai 30-50 vel a ni a. Chu pawisa chu helaia thawhchhuah/tharchhuah ni lo, phai lam thar chhuah, khatianga phailama liam ta kha a ni a. Khatianga te te han chhut khan - Entirnan, kan Vawk/Bawng eiral te pawh hi Burma lamah hian, engzatnge kan pawisa hi kan hmanliam ang tih ngaihtuah tham a awm a ni.

Lungleiah sawn dal, alu etc. kan ei a hi thla khata eiral 2005 survey ah chuan nuai 75 vel a ni der a ni. Chung commodities ho reng renga chu phai atanga lokal vek a ni nghe nghe a ni. A piah lamah state dang sawilang ta lawk ila. Hei, Meghalaya ah khuan lungalhthei te, chinai lung cement manufacturing company an dinte atanga sorkar in revenue tax a lakluh mai bakah. khumi Borapani Hydrel Project atanga revenue a lakluhte bak, khu Meghalaya Shillong bikah khuan zirlai naupang hi singli englai pawha State dang atanga kal ang an ni a. Khangho kha an nu leh pa ten Rs. 300/- theuh average in thawn angah lo dah ta ila. thlatin anmahni Meghalaya budget nimiahlo crore 12 kha education lam atang pawh hian a lut ve ringawt mai a ni. Tiang khan anmahni revenue tak lo lut neuh neuh nena han chhut chuan Meghalaya Shillong khawchhungah khuan pawisa tul hi a tam em em a ni.

Chutih karah chuan an power bill an tariff-ah hian tax hi exemption a awm chuang der lo. Tichung chuan Meghalaya khu economy-ah an sana em em a awm chuang lo. Chutih rualin Mizoram te chu kan thingtlang nun phungte han en chuan kan la changkang fe zawk lai kan ngaihtuah hi chuan kan economy system, kan budget kan kalpui dan hi a tha thawkhat aniang a tih kha ngaihtuahna min pe a ni.

Vawiinniah hian Pu Speaker, kan sawi duh ber zawka chu he kan budget kan passed hnu a kan pawisa anih tur anga a kal vek hnu mipuia a luh vek hnu hian a management tak laia hi waviinia kan mithiam zirlai hna hmulo te pawh hian uluk takin han bihchiang ngat sela chuan hemi atang hian dinchhuahna tham hi chu a awm a ni. Hemi hi kan zu bihchian loh a tun ang a kan kal chuan kan kal zelna tur hi chu a thim hle in ka hria. Chuvangchuan uluk taka kan ngaihtuah a ngaiin ka hria a.

Kum 2005 khan Korea ah kan Speaker duhsaknain CPA-ah ka kal ve a, tahchuan an driver te ka zawh min chhanah chuan automobile kan hmuh ho hi Korea siam a ni deuh vek mai a, foreign atanga chawkluh in nei lo em ni tiin ka zawt a, an sorkar khan foreign atanga vehicles chi hrang hrangte lakluh kha an lo khap bur mai a, anmahnin an manufacture ve tho avangin an bul hnai

lawka Japan siam tha tak tak pawh kha an lalut thei chuang lo a ni. Amaherawhchu. Mercedes car kan han tihte leh thildang engemaw chen chu lakluh an nei ve tho. Tiang khan economy a an than choh theihna tur khan restriction lian tak an nei tlat mai a ni. Chulai zawn han thlir chuan chung ang chu vawinna kan kalpui theih dan chu a ni lo mai thei ang a.

Engpawhnise, vawiinah hian chutiang zawng chuan kan sorkar hian hmalak an nei niin ka hria, tunah hian Litech green house atang te pawhin tomato intodelh lam hawi zawnga hmalakna te. Tin, Vety. Department lam atangte pawn Ran lama intodelh tumna tepawh an neiin ka hria.

Tin, Passion fruit ah ngat pheh chuan Chhingchipah a herna khawl leh a concentration khawl kan neih pheh chu Peniel Bertuzi company Italy ram atanga an lak tha tak mai a ni a. Chubakah chuan a packaging kan han nei leh a khi khi a nihna ang taka a kal hunah chuan tuna concentrated juice hi handpack ta sela thla riat chhung chhe lovin a awm thei a, chumi awmzia chu round the world in khawvel pumpui ah thla riat chhungin, chhe hman lovin a vir kual hman dawn tihna a ni. Chuvang chuan khing kan project lianpui mai te khi anihna ang takin a kal chho thei anih ngat chuan kan economy hi a dawm chhohna tur kipui ber niin ka ngai a. Khing hmalakna te khi, lehlamah chuan single project angin a lang na a amerawhchu anihna ang taka a han kal mar hunah chuan he kan ram economy pawh hi zawi zawiin a thang chho dawnin ka hria a. Chuvang chuan vawiinni ah hian kan budget, tuna a luan dan nge ni kan han pass ang a tun a kan budget kal zel tur mipui a nghawng chhoh zel dan ti mai ang, a luan zelna turah khan fur ruahtui lo bua a. tlang a nan a, kawrte ah, chuta tangin kawr lian deuh zawkah, chutah Tuiruang lui a finna, Bay of Bengal-ah a zu luang lut leh ang te. Tin, chhim zawng a luang kan tui lian te Kaptaidam-a luang lut leh ang te a kan pawisa hi a luan luhna tur hawi zawng a luang lo tur atan lakna ki hi chu engemaw zawng tak hian kan sorkar hrim hrim lo zawn atang pawh hian kan ngaihtuah hi chu a tulin ka hriaa. Chumi atang lo chuan kan enconomy than chhohna tur hi awm in ka hre lova. Chuvang chuan hei economic survey tepawh hi tun aia chipchiar deuh zawk hian Economic Statistic Dept. atang hian nge niang ka hrelo, hei hi chu statistic fel tak, data fel tak, kan darthlalang." E alo ni maw, tiang alo nih hi chuan tan lak na tham a awm ani maw," tih tur ang. engemaw statistical data hi chu kan neih ngaiin ka hria a, chu chu vawiinni ah pawh hian kan sorkar mai bakah, mithiam zawk tepawh hian chu ngaihtuahna chu kan neih hi a tul hle in ka hria a, chu chu Pu Speaker uar deuhin kan sawi ve a ni, ka lawm e.

ANDREW LALHERLIANA

: Pu Speaker, ka lawm e. Hei kan Legislature Party-ah kan Leader a awm lova, min duhsak turah kan beisei deuhva. Vawiinni hi General

discussion anih ang deuhin, a general hlekin kei pawn sawi kan tum anga, Department-ah lut lovin, budget hi a tlangpuia thlirna hun hman ve kan tum ang e. Hei tun tum kan budget presentation hi han en hianin a fak tlak awm hlein ka hria a. Mizoram Fiscal policy and budget management, dan hmanga buatsaih, frame work fel taka pharh ani hi a lawmawm hle a ni. Tin, information tha tak tak kum danga budget session a kan hmuh ngai lohte kan hmu a, nichina kan Deputy Speaker pawn a sawi tawh ang khan hei Micro Economy pumpuia thlir zawn a (general survey) "over view" te, a rawn tel chho ta a, medium term fiscal policy statement, kumthum chhunga sum leh pai kawnga sorkar policy tehfung "Indicator" fel taka pho chhuah te, tin, fiscal policies strategy statement, chhiah lak dan tur te, pawisa lak luh leh a hman dan tur te fel tak a tarlan a ni hi, a chhawp chhuah danah pawh hian a lawmawm hlein ka hria a, hei bakah hianin information pawimawh tak tak statement on salary and employments tihte. a bu in, tin, economic survey bu te a rawn chhawp chhuak a. a informative hlein ka hria. Sawi tura in buatsaih nan pawh hian kar khat hun inpek tur ni hialin ka hria. Duh angin kan chhiar hman lo a ni a. Engpawh nise, presentation-ah hi chuan hma a sawnin, a ropui hle in ka hria a, a lawmawm a ni.

Kan Budget chhung hi han luh chilh ta ila. kan sorkar pawisa tur budget-a kan hmuh zawng zawng cheng vaibelchhe 2625.03 hi a tam lamah chuan a tam tawk khawp mai. Dik taka hman anih chuan a chhenfak awm hle turah ka ngai a. Tin, Plan fund a kan hmuh cheng vaibelchhe 100 a han kai chho ta pawh hi nikum aiin vaibelchhe 150 lai a tam ani a. Chuvangin hmasawna lawmawm tak ani bawk. Amaherawhchu, mahni chanvo chiah en a, lungawi mai a awl lai hian midang chanvo te nen kan khaikhin hian lungawi zan hi a har thin deuhlek a. Entir nan, North Eastern States hrang hranga Budget an hmuh dan te kha Internet-ah te thian thenkhatin an rawn la chhuak a, chutianga langah te chuan han en ta ila.

Hei Arunachal Pradesh, a mihring tam lamah pawh kan intluk deuh thuak ani a. Hengte hianin an Plan Fund ah hian cheng vaibelchhe 2065 lai an hmu a. Kan let fe a ni tlat mai an hmuh hi. Tin, Sikkim te khu han en ta ila, a ram zau zawngah leh a mihring tam zawnga kan zatve awrha kan ngaihte khu an Plan Fund han en khuan kan hmuh zat cheng Vaibelchhe 100 hi an hmu ve tho mai a. Chuvangin mahni chanve lekin min rawn tiat chho te hi a tlawngaih thlak lek lek em aw? ka ti deuh a. Tin, a dang leh han en ta ila. India hmar chhak state hrang hrangah hianin Nagaland te, Manipur te hi, a khawi amah kan zat lo. Chuvang chuan a lawmawm e kan tih rualin, India hmar chhakah kan te fal nalh mai a ni. Kan hotuten an zu sawi chhuah hi a tam tawk love tih lampang ni lovin, midang kan tluk lo deuh a va ang ve mawle a tih loh theih loh a ni a. Helaiyah hian State dangte aia tan lak kan mamawh hle ani tih hi ka sawi duh a ni.

Tin, a presentation-ah pawh hianin a fak tlak awm em em lain, State dangahte hi chuan Budget an han pharh reng reng hian, a

budget pumpui hi surplus ani an tih loh leh a budget pumpui hi a deficit anih hi an ti mai thin a. Keini ve thung hi chu Finance Minister, kan Chief Minister ni bawk khan an present ah hian, calculation hrang hrang Revenue Account ah chuan vaibelchhe 185.23 in kan surplus a, Gross defecit vaibelchhe 138.59 kan nei a. Tin, a Budget pumpui hi vaibelchhe 54.29 in a surplus a, an tih leh hnuah. Amaerawhchu, a pumpui thu closing balance ah vaibelchhe 30 leh nuai 36 in kan deficit a, an ti leh lawi si a. A awlsam zawngin a pumpui thuin kan budget hi a closing balance ah vaibelchhe 30 leh nuai 36 in kan deficit e ti ta mai sela, a thenah kan surplus e tih kual vel aiin a buaithlak lo deuh zawk awm e ka ti deuh hlek a ni.

Tin, hei bakah hianin kan leiba chungchangah te hian han lut ila. Hei kan hmu a, chiang takin, kan hmuh turin fiscal policy statement-ah hian rawn tarlan a ni a. Tun kumah hianin kan leiba pumpui kan neih tur hi tun Budget-ah hian vaibelchhe 3201.47 lai mai a ni a. Tin, nakum Budget- ah a fore cost han en ta ila - vaibelche 3347.42 hian kan leiba hi a pung chho dawn a ni. Tin, 2010 - 2011 ah pheih chuan vaibelchhe 3509.47 ah a chho nawlh mai dawn a. A awmzia tak chu kan leiba hi kum tin vaibelchhe 150 in a pung chho awlh awlh mai tihna a ni a. Chuvang chuanin a ngaihthat thlak loh hle mai a. Tin, rulhna tura kan hman dan han en hian a leiba Capital rulhnan vaibelche 178 leh nuai 92 kan hman dawn a. A pung ringawt rulh nan vaibelche 180 leh nuai 58 kan hman dawn a ni. Chuvangin, a rulhna ringawt atan kan hman tur belhkhawm hi vaibelchhe 359.50 a ni dawn a ni. Chuvang chuan kan leiba tam lutuk a rulhna ringawt maiah pawh hian development tam tak tibuai khawp vaibelche 359 leh nuai 50 kan hman tur hi tam takah chuan kan thuanawp dawn tih hi a lang tlat mai a ni. Leiba hi kan sawi nep thin a. Amaherawhchu, a nep lo a ni tih hi ka ngaihdan a nih avangin a pawi ka ti a. Hei kan leiba avanga kan harsatna te hi 1999 - 2000 ah te khan leiba tam lutuk avanga MoU min signed luh tir avangin hna lak chungchangthuah te kan buai a. Tin, chumai ni lovah chhiah te kan duh lo chung min tuk luh tir a. Chhiah a sang ta awk awk mai a ni. Chutiang a kal anih avang chuan Mizoram hian leiba hi kan ngaih pawimawhna kawngah hian engtinge hma kan lak ang tiin han en ta ila. He kan Budget bu ah hi chuan duh angina ngaih a tha chuangin ka hre tlat lo. A chhan chu chutianga kan leiba pun zelna tur boruak hi a awm danah hian indication a awm tlat mai a. Entirman - chuta tang chuan kan capital account a kan expenditure leh kan income atang hian a lang a hriatna ka nei a ni. Capital account hi a pawisa kan puk a ni a. kan puk zawng zawng hi vaibelchhe 278.19 a ni. Amaherawhchu, capital account atanga kan hman chhuah lampang han en hianin vaibelche 332.95 a ni a. kan puk bakah khan kan hman puk belhchhah tihna a nih chu.

Tin, loan sorkarin a pek chhuah te nena han belh pheih chuan, vaibelche 522.14 daih mai kha ni a. Kan leiba hi a sang awk awk mai dawn a ni tih hi a lang chiang reng mai a. Chuvang chuan a pawi a ni. Hemi chungchangthuain a hrilhfhah na kan Finace Minister zahwm tak khan 'Heng te hi chu

Productive assets atan kan hman a ni a ti a. Assets siam nana hman tur chu a ni ngei a. Amaherawhchu, assets han tih hianin a pawng a puia Building han sak ngawt te hi productive assets ah kei chuan ka ngai lo a ni. Productive asset a nih dawn chuan income generating asset ang tur hi a ngai tlat mai. Chu chu entirna han sawi ta ila. Chutiang income generating asset kan tih theih ang chi lo lang keinina kan hriat tur ang chu Tuirial Hydrel Project angte hi a ni. Hetiang project atan pawisa kan lo puk tam deuh a nih pawhin kan siam zawh hunah income a rawn generate dawn a, income tam tak sorkar tan a rawn siam turah budget hi a rawn ti surplus thei dawn a. Chuvang chuan asset kan siam a, productive asset kan tih hian income generating a ni tur a ni. Hman kum lawkah pawh Vety Deptt. hnuaiiah hian Animal Feed Plant kan siam a. Khungte khu a nihna takah chuan Potential income Generating Asset a ni. Potential ka tih kherna chhan chu income generating asset ah kan la siam loh vang a ni. A capacity dik tak nitin ton 50 chuang animal feed siam chhuak thei turin ruahman in private company nge corportation nge society ah nge dah ta ila kan capital account atanga sum leh pai puk a kan neih hi working capiutal atan te leh management atan te hmang ta ila, animal feed hi tam deuh, vaibelchhe engemaw zat a siam chhuak thei dawn a ni. Chutianga kan tih chuan thingtlanga kut hnathawk tu te nen contract farming kan member zahawm takin a sawi ang khan siam ta ila. Animal feed tur an ching ang a sorkarin a hralh chhuak leh ang a, tiang chuan income a generate ang a. Chutiang chuan sorkar hian nasa takin income a nei ang a. Khang kha income generating asset an tih chu a ni. Tun kan budget ah hian income generating asset kan siam hi mention a nih loh avang hian kan hmabak hi a va thim ve maw le. Heti khawpa leiba chho tur si ah hian nakin lawkah kan buai mai awm mang e. Venus bamboo project te pawh khu a nihna takah chuan fel taka a kal theihna turin ZIDCO hnuaiiah te pawh dah ta se awmzia a awm zawk mah ang emaw ka ti a. Chuvangchuan kan Capital account kan hman danah hian kan fimkhur a, income generating tak tak asset siam nan hman a tul hle in ka hria a ani.

Ka sawi leh duh chu tun kum chu mautam a nasa a. Mautam lo er lawkna turin BAFFACOS sum viabelchhe 125 chuang kan hmang a ni. Amaherawhchu, Mautam lo thleng tur chiah ah hian a dona hmanrua atan a lo tlak reng reng lo a ni tih hi kan budget bu hian a rawn thailang a. Kan Finance Minister zahawm tak hian hetiang hian a rawn sawi daih mai ani. Mautam lo thleng tur dona atan hian kan lo inring lawk em em e a ti a. Chubak chu NREGS a sawi leh daih mai a ni. Hei hi a hma a lo plan BAFFACOS a tel lo. Central sorkar rawn ruahman a ni a. Kan Mautam tam dona tuna hmanrua bera kan sawi hian a hma BAFFACOS kan lo plan in awmzia a nei lo tihna a ni. BAFFACOS hian a thil tum tak Mautam chhawmdawlina tur a address miah lo tih budget atang hian a lang reng a ni. Hei hi pawh ka ti a. Budget-a pawimawh ber hi chu sum leh pai tam lam leh tlem lam aiin a hman dan fel a ni. A hman dan fel turah khuan review na tha tak neih hi a ni a. Hei hi fiscal responsibility and Budget Management hian chiang takin a sawi a ni. Mizorama kan hman dan erawh hi chu duhthu a sam lo tlat mai a, a chhan chu he

Finance Review hi sorkar hnathawk tlemte leh kan Minister incharge hian an review mai dawn a ni. Mahni hnathawh mahni vekin review hi chu awmzia a awm lo a ni. Parliament in he Fiscal Responsibility and Budget Management hi a siam a ni a, a kalpui danah pawh Parliament khuan quarterly review nei tura tih a ni. Tahchuan Finance Deptt. hian a review phawt anga a fello laite a rawn point out thin ang a. Chu chu Houseah a pharh ang a, thil tul ang zawng zawng chu Parliament remtihna in siamthat tur a ni. Keini pawhin he Fiscal Responsibility and Budget Management hi a nihna tak leh a spirit dik taka kan hmang ve dawn a nih chuan, a review hi (Kan budget hi enfiah) he House, Legislative Assembly tih tur a ni tlat mai a ni. Amaherawhchu, hei hi kan dan siam ve ah khan kan hmaih tlat avangin review turin House hi a ni ta lo. Mizorama "Trend" tha lo deuh mai kan neih chu sorkar chelhtute reng reng hian MLA te leh he House thlim zawng hian budget hi an intrekpui a. hriat loh leh transparency awm lovin thil a kal thin. A result chu kum tawp a leiba tam deuh neih hi a ni mai. A fello em em a ni. Chuvangin transparency tak mai a awm theihna turin Fiscal responsibility and Budget Management hi a nihna ang taka hman a nih theihna turin he House ngei hian Budget review hi nei ila, a fello lai hi chingfel ila, kan House Leader ho hian a diklo lai zawng zawng thuan tha turin hma la ila chuan kan budget hi a ropui tur ang tak hian a ropuiin ka ring a ni. Ka lawm e, Pu Speaker.

S P E A K E R

: Pu D.Thangliana kha a phar hmasa naa, senior Pu Saikapthianga kha ti ila, pahnih sawina hun a ni a. Tichuan ka vei lam ti leh ta ila, a in-balance deuh ang e a! Pu Saikapthianga.

P U S A I K A P T H I A N G A

: Pu Speaker, hun min pek avangin ka lawm e. Budget General Discussion hun tha tak mai kan nei thei hi lawmawm ka ti a. Kan hotutena an sawi tawh angin general discussion a ni a. general deuh hleka han sawi ka duh a. Chumi hma chuan kan budget a bute leh a ruahmanna hrim hrim hi a changkang hlein ka hria. A chianguang a, a zir peih leh hre deuh tan phei chuan finna sawt tham lo lang niin ka hria. Tin, a pawisa tam zawngahte pawh crores 260 chuang zet kan han nei ta hi a lawmawm khawp a. amaherawhchu, han zir han zir a, kan budget pumpui lo lan dan ka hmu thiam em ka hre lo a, Sorkar hnathawk hlawh zawng tur han dah hrana leiba rulhna tur earmark sa han pahh bawh chuan mipui chan tur a tam lo hle mai a. Pawisa pung tam anga a lan ang ai hian. Amaherawhchu, R.E. ah te leh Central Sponsor Scheme te leh tun UPA

Sawrkarah hian Budget-a lang lem lo nakina la dah luh tur chi angte pawh tam tak awm thei turah ngai ila, kum danga kan lo tih thin angin. Tichuan kuminah hian kum dang aia sum leh pai ngah deuhhlekk zawk tur angin ngaihtuahna hmang ila. Chutiang chuan sawi ila thain ka hria.

Hei, Education, School Education-ah 10 crore. Higher ah 5 crore a tam belhte hi lawmawm ka ti a. zirna pawimawh tak department te pawh 'an hlawh tur zat chhut thiamlo' tih ang chi kan nei fo te pawh phuhruk turah ngai ila.

Tin, Agriculture ah Bung 48 na, 47-na atangin a lo inziak tan a. National Agriculture Insurance Scheme lo lang te lawmawm ka ti a. A nihna ang taka hman chuan kan hotuten, an tangkai pui ngawt ang tih ka ring a. A bikin. Mamit District lama kan Serthlum, kan eizawna ber a tam fai vek mai a. Hma kan la thin a, engmah sorkar atangin thil a awm hlei thei lova. Tunah pawh hian Mamit District Upa pawl inzawmkhawmin nasa takin an bei mek a. Kei pawhin Private Resolution ah ka thelut a, a lo chhuak thei anih chuan chianguang zawkin mipuiin an tawrh dante la sawi turah inggai ila.

Tichuan, thalaite chungchangah, Youth Commission te a lo lang ta vuai vuai mai a, chuan hmasawna leh mamwh belh tam tak awm lai a, Budget General Discussion ah hian zau deuh hleka han sawi thain ka hria a. Hei, kuminah Mau a tam a, Sazuin buh leh balte min sehchhiat sak zawh avangin harsatna Mizoram kan tawh ta a ni a. Ka ngaihtuah let thin a, he House zahwm tak kalkhawm thin leh sorkara nihna pawimawh tak nei tawh thin vawiinah helaiah kan hotute an awmin kan awm a ni a. Keini pawh a telve kan ni a. 1972 ah District Council thuneihna tereuhte a lo tawp a, thuneihna sang deuh zawk neiin Mizoram U.T. ah 1972 atanga 1976 thleng kan han kal cho a. Rambuai leh Dan & Dun mumal loh avang leh U.T. thuneihna mai kan hotute nei thin an nih avangin harsatna tam tak a awm a. Tichuan, Mizo mipuiin kan mamwh ber Remna leh Muanna chu 1986 ah neiin, chuta tang chuan State dang anga thuneihna puitling neia kan kal chin pawh kum 22 hmel a hmu dawn ta mai a. Mihring pianphung leh Pathianin min ruahman danah pawh nausen nih atanga puitling nupui/pasal neih hun kan thlen mek tawh lai hian kan ram dinhmun hi vawiinah hian kan thlir chian ngai hlein ka hria a.

U.T. atangin State ah kan kai a, Ruling Party MNF rei vaklo an han sorkar a. Chumi zawhah Congress Party in kum 10 sorkarna an la leh a. Tichuan, MNF in hei, kum 10 hmel sorkarna neiin a lo hmu leh ta a. Chutih chhung chuan ei leh bara intodelhna tur leh Mizorama kan economic dinhmun thatna tur atan hian Department tinin kum tina pawisa kan han insem den den mai bakh pawh hian pawisa hi kan hmang tam hle tawh a ni. Congress hun laiin NLUP ah vaibelchhe 194 zet hman a ni a, tichuan MNF sorkar a lo pian atangin MIP ah ka chhut fuh lo deuh

anih pawhin vaibelchhe 150 chuang hman a ni a. Chutih rual chuan BAFACOS ah vaibelchhe 125. Khang zawng zawnga tan kan lak tawh mek lai khan vawiiniah hian ei leh bar tlachham economic a hniam tak kan la nih chhan hi tihfuh loh kan ram hian kan nei niin ka hria. Vawiiniah pawh kan budget hi han en ila thil thar engngemaw zat a lo piang naa pawisa lo pung a head ngaiyah kan system ngaiyah tlem tlem kan belh ringawt mai a, chu chu vawiiniah kan ram harsatna a tawhna chhan leh kan thalai lehkha thiam leh thiam lo te pawh vawiinnia kan manganga heti taka kan au hi ngaihtuahna thar kumina a rawn ken anga kan thalaite ngaihtuahna nen inmil leh mipuite nena ngaihtuahna milin budget hi kan siam lova, kan ram hi chutiang chuan kan kaihuai lova. Entirnan, Aizawl khawpui te hi Motor 17 Mizorama a awm lai Pu C.Pahlira C.E.M. anih lai plan bak kha hma hi kan la sawn tak tak lo reng reng a ni. Chumi chhungah chuan vawiiniah hian kan inkhungkhawm a, chumi chhungah chuan vawiiniah hian kan buai em em mai a, ambulance pawhin tunah hian awmzia a nei tawh lo. Fire Brigade pawhin awmzia nei tawh lo. Nau nei tur emaw natna na tak tuara ambulance va chah a va tlan thlenpui hmam Motor jam avangin kan thi fo. Nau neitur pawh hian kawngah an nei fo mai. Khawilayah emaw kangmei a lo chhuak a, kan fire brigade te an thlen hmam a kang rahman vek zel. Chu chu entirna atan chauh kan sawi duh ania.

Chutiang chuan front hrang hrangah vawiiniah harsatna kan tawh a. Kan Agriculture Policy-ah pawh chumi tho chu a ni, alu chi kan sem a, thar chhuah a awm chuang lo. Nichina Zathropa kan sawi kha chutiang tho chu a ni. Kan sem teuh mai, nichinah khan kan Minister zahawm tak khan vawiiniah engzatnge hralh chhuah tawh, engnge kan hralhna rate tih kha ka zawt a. MoU a awm a a ti a. MoU chhiar ve lo tan kha chuan a hriat theih chuang lo. Chutiang bawkin NLUP ah a bikin khaw thlang lamah teak tam tak kan phun a, vawiinni thlengin hralh dan kha a kualkawi em em mai a. Chutiang zel chuan Mamit District-ah Serthlum a nuaibi a tam. vawiinni thlengin ngaihtuah kan la hlawh lo. Chuvang chuan kan ngaihtuah dan hi a thar. kan thalaite ngaihtuahna nena inmila kan kal chu a hun tawh a ni. Vawiiniah pawh hian he kan economic survey-ah hian ka zawng thiamlo nge ni central sorkar ina pawisa min rawn pek kan House chhunga kan lo pawm, mahse, kan thawh loh avanga thla 2 - 3 Mizoram a awm a kan thawh ai rawn thawh a, phai lamah leh Myanmar, Bangladesh-ah te min lak sak zawng zawng hi chhut ta ila. Mizoramah hian a cham tlem lutuk a ni. Chuvang chuan Political Party hi Democracy ah chuan kan pawimawh ber, vawiiniah hian kan ram dinhmun hi kan thalai ten min vei pui a, kan NGO ten min vei pui a, kan Kohhran ten min vei pui a, mahse, thuneihna tak tak an neih loh avangin thil a tih tak tak theih loh a ni. Democracy ah chuan thuneihna nei chu Political Party. sorkarna siam thin a ni a. Chuvang chuan keini ho hian kan Kohhran te kan thalai te, kan NGO ten an vei hi kan vei ve a hun tawh a. Chumi nena kan kal kawp a, chumi rem chuan kan sum leh pai neih hi kan hman hunah kan ram hi a kang chho dawn a ni. Vawiiniah pawh Aizawl lammual siamna tur pawisa kan nei kan ti a a tha, mahse, hman atangin Aizawl lammual hi Party tinin Politics ah kan hmang a, lo hlawhtling pawh nise kan ram hian a thatpui tak tak dawn lo, ka hmuh ve dan chuan tawt tak bawkin kan awmleh ang

a, chu ai chuan Aizawl thar hi kan siam a, chutah chuan hmun hma kan zauh a vawiinia kan thalai eizawna nei lo tam tak hian chulaiah chuan eizawna thar an siam a ngai a. Tin, he hnam hi kan inngaihtuah a hun, kan mi awmthei ten kan mi harsa te kan rahbeh nasat zia te hi! Sorkar hian a chhanchhuak turin hma kan la dawn em? Hmanniah ka bial thalai ho Aizawl a awm ka ko khawm a an eizawna hrang hrang leh an awmdan ka zawt a, B.A. ten mi dawr nghakin an inhlawh a. Rs. 1000/1200/1500 te an hlawh a ni. Taxi Driver te ka chuannaah hian ka zawt thin a, an hlawh tlem lutuk. 'ka Taxi hian va corrupt rawh le' kan ti ang a ni. Chuvang chuan Private Sector ah pawh sorkar hian a ngaihtuahna a hman a ngai, a lian te ta kan va thawh chhuah pui a, a va thawhchhuahpuitu ten engmah chan kan nei lova, entirnan kan private English Medium School-a kan MA/BA kan chhawrna te pawh hi a hniam lutuk. Chuvang chuan kan Economic survey-a kan per capita income hi State dangah pawh a ni tho mai thei. mahse Mizoram ah chuan a neinung hovin khata a percentage tam tak kha an la a. a harsa zawk ho chuan hemi survey a rawn lang zatve pawh hi kan chang lo reng reng. Chuvang chuan za za Christian ram kan ni a, keimahni leh keimahni pawh kan inhmangaih a hun tawh, chu chu tu te nge zirtirtu tur niang kan tih chuan, keini bialtin atanga lo kal khawm helai rorel thin tu hian kan sawi leh a tak kan tih hi a hun tawhin ka hria a ni. Aizawl khawpui zauh tur zawngte, kan thalaite mil tur zawnga hma kan lak hian Sorkar hna ni kher lovah pawh tam tak kan thalaite tan hian eizawna leh hma thar kan siam ang tih hi ka ringin a hun tawh a.

Agriculture sector, leh Horticulture sector ah te development department-ah reng reng hian a chi sem, tanpuina semah hian kan tang nasa khawp mai. Mahse, a enzuina lai leh a sawngbawl zuina lai zelah hian tua te pawh hi kan chak tawk lo zel a, chu chuan mipui kan ti beidawng a, kan ram hian harsatna nasa tak kan tawk niin ka hria a. Sorkar hna avang tawh si a. Sorkar hna kan lak chhunin a phu reng leh a awm reng nilo lak tamin kan hre bawk si a. Chuvang chuan, kan thalaite hi an tawt em em a. Chuvang chuan, nu leh pain. a ramin kan tuar mek a ni. Chumi atanga kan thalaite hruaichhuak tur chuan nichina ka sawi ang khan Aizawl khawpui atang hian tan ila, vawiina Aizawl Development Authority te pawh hian Pu C.Pahlira ten kum tam tak kal tawh a, min lo ruahman sak lai te hi siamthat an tum leh dawn nge ni. Chumi ai chuan Aizawl thar siam a, kawng engkim maia hmasawna leh sum leh pai pawh a nei lo ten an thawhchhuahna tur ang chi kan thalaite tan income kan siamsak hi vawiinia kan budget general discussion kan sawi rual hian tul leh pawimawh tak zet zet in ka hria a.

Vety Department pawh hi han thlir ila. Cachar lam atang leh khawchhak lam atanga kan ransa lakluh nasat zia leh kan pawisa karkhata kan sen nasat zia hi. Hengah pawh hian kan tih bik chu nasa taka kan tih a. heta tanga kan sum sen pawh kan save theihna tur atan hian hma kan lak zel loh chuan, kan kalphung pangngai tlem tlema belh zel chuan kan mihring lo pung zel leh, kan mamawh nitina lo pung zel hi kan pawisa neih belh hian min umpha tawh lo.

Chutah chuan kan la insem rual lo leh nghal a. Chuvangchuan, kan ram mipui ten harsatna kan tawhna hi hotu rual hian kan kalpui dan hi a la diklo a ni. Tuna kan budget hman dan chu sorkar hnathawk budget a ni a, mipui budget a ni lova. Chuvangchuan, he kan budget hi a nih ang ang pawhin lo pass ila, mipui tana tangkai tura kan hman theihna tur atan kan hotute hian ruahmanna kan General discussion atang hian ngaihtuahna kan hman hi a tul tak zetin ka hria a. Chu chu general tak in ka rawn sawi ve a ni e. Ka lawme e.

PU R.LALZIRLIANA

: Pu Speaker, kha ka hmaah khan Kawrthah bialtuMLA zahawm tak khan thu a rawn sawi a. Ani kha independent MLA a nihna angin tha-hnem ngai takin, atu atemah veng

thawng lovin thu a rawn sawi a. Mahse, a sawi laia treasury bench lam unaute ka en khan an melh rum lek lek em aw, ka ti a. A tih chi loh ka ti a, kha kha Legislature Party a hminga an va zawm ve mai a ni a. An va zawmin an kham khawp loh zia kha mawi deuhin a rawn sawi a. Ngaihtuahna nei chuan ngaihtuahna siam tham a niin ka hria a. Chuvangin, a thusawi kha a lawmawm ka ti a. Ka support a, kha Aizawl khaw tawt lutuk te, Raipuar pawhin an tum hmun an thleng thei lova, motor-ah nau an nei tam a ni, a tih kha a dik a. Kha kha chu kan Chief Minister hian a hre ve hlein ka hria a. Lei verh a tum tawh a, helai House-ah ngei hian an verhna a that tur zia a sawi tawh a. Vaivakawn atanga Bethlehem nge ni, Kulikawn han chhuak vel turte kha a nawm hmel vei nen. Amaherawhchu, khami hnuah khanin thildang a lo nei leh a. Bawngkawn atanga Kulikawn thlengin Motor kawng chhawng siam a tum a ni. Khami kha a tihpuitlin hunah chuan a nuam vet vet ngawt ang, tih kha ka'n sawi hmasa duh a.

Hei, wawiiniah hian a hmasain PHE department hi han sawi leh ka duh a. Kumtin deuhthawh hianin an indaihlohna. Department dang pawh an indaih chuang lova, amherawhchu, Department vohbik, a changtu avang nge, Department dang ta 5%, eng percent emaw hi pawh deuh ziah a ni. Department dang hi thuawih takin an pe mai a, kuminah erawh chuan Sport Department thalai tena an hnim hnaih ber anih avangin vuivaina te chanchinbuah kan lo hmu a, chutiang chuanin wawiinni thlengin ti ti a siam tam, a ni tih kan hria. Tichuan. hei a bu lian Demand for Grant phek 386 na kha kan han keu chuanin PHE Department hi Plan leh Non-Plan a nikum leh kumina an hmuh te, han belhkhawm hian nikum 2006-2007 ah chuan Rs. 4682.52 lakhs a ni a. Chutiang zat chu an hmangral a. kan hriatreng chungin kuminah hian Budget Estimate-ah chuan kuminah khan Rs. 3711.85 lakhs kan pe leh tho mai a. A aia tlem daih pek a ni leh tho a ni. Hei hi a mak ang reng viauva.

Tin, kumin March-a an hmanral tur belhkhawm chuan R.E. te nena belhkhawm vek chuan, helai hi kan House Leader-in

min hrilhfiah a thain ka hria, ka ensual a nih loh chuan avai hian Rs. 9956.09 lakhs a thleng chho ta daih mai a. Anmahni Department budget letthum deuh thaw a lo ni ta hi. engngeni a awmzia, ka ensual zawk anih loh chuan hei hi a awmzia niin ka hria. Hei hi an tum dan ni a lang chu Central Sponsore Scheme ah te pawisa tam tak an hmu thin a. Mahse, kum dang anga an hmuh pawh chu belhkhawm nise a phak lo hrim hrim a. Helaijah hian Department tenau deuh te Central Sponsore Scheme hmuh turte anpawt vek mai dawn em ni, tih hi zawhna ka siam hmasa duh a ni.

Tin, Sports and Youth Services Department hi hei sawi tawh ang khan MNF Party manifesto-ah khan Youth Commission din a ni ang. tih a lo chhuak a, tunah hian an term tawp dawn tepah 48 lakhs chu dah a lo ni ve ta a. Mahse, helaijah hian kei chuan hlauhthawn ka nei a. Health Department te leh Department thenkhat ten tul hauh lo, toilet van te an lei teuh va, an lei hnuah tute emaw sum siamna emaw tih hausak na a ni a. An lei hnuah tihngaihna an hre lova, kawng biru deuhah dahthatna an zawng a. An bihruk tir a, a tawp a tawpah chuan thirchhe hralh a hralh a ngai a ni. Chutiang deuh chuan he Youth Commission hi thalite bumna atan tuten emaw a hming chuan Chairman emaw eng engemaw Office an han luah anga, chungho hlauh leh hlam velah tiin an dah mai ang a. Computer leh Furniture tlem an lei ang a. hei hi a ralna tur a ni ang tih ka hlau khawp mai a. Chuvangin Pu Speaker, hei hi ennawn fe a ngai a ni. Mipui rilru leh thalaite rilru na hi hei aia na zawk hian kan siam thei a ni tih hriat a pawimawh hlein ka hria a. Chutiang zawm chiah chuan Aizawl Sport Complex a lo lang a, helaijah hian cheng nuai 1625 zet 2008-2009 ah hman turin alo lang a a lawmawm viau a ni. Mahse, kan House Leader-in min hrilhfiah leh a ka duh chu mak ka tih chu 31.3.2008 ah liam tur R.E. atan chuan cheng nuai 625 lai mai dah a lo ni leh ta tlat hi engnge a wnzia. Vawiinah hian Aizawl Sport Complex chu A.R. Stadium ah sak tur a ni a, tiin tender te koh a ni chauh angin kan la hre si a. chutiang a nih lai chuan nuai 625 lai hi eng atana hman nge? A ban pawh kan la phun lo ni hian kan la hre si a. Chuvangin heng hi tullo taka han pawh danglam leh emaw, PWD ah an hlan a PWD atang hian eng eng emaw atan hian an lo divert leh ta mai zawk em ni? tih hi ka zawt duh a ni.

Tin, leiba chungchang hi han sawi ve hlek ka duh a, ka zawhna chhanna ah hian cheng nuai hlir nuai 297850 lai kumin ah hian Jan, Feb thla tawp thleng hian kan ba dawn in a lang a, kum tawp ah pheh chuanin nuai vaibelchhe thum aia tam daih kan ba dawn tawh a ni, cheng vaibelchhe thum. chutiang chu a nih lai chuan kan hmana hi a tha tawklo hle in ka hria a, a hmanna hi tha tawk sela chuan keini state tan chuan a pawl miahlo ni hian ka zuk hre ve a. Chutiang chuan medium term fiscal policy statement tih pheh 4 na a lo langah chuanin sorkar rohlun asset siamna tur a pek khawm hi kum 6 vel liam ta dinhmun ang kha chuan kan puk khawm zawng zawng hmun thuma then a hmun hnih thelh kha leiba rulhnan kan hmang ani tih kha alo lang ruai mai a, chuvangin kan pukkawm atanga thil kan siam hi thil, pawisa dehchhuahna lam ni reng reng lo ah hian eirelna ah hian kan hmang tam lutuk ta niin ka hria a, chuvangin kan ngaihtuah ber tur chu leiba neih

tlemna emaw, capital expenditure hman that emaw hi sorkar chuan kan tih tur niin alangin ka hria a ni. Phek 12-na Chief Minister thusawiah khan Jawaharlal Nehru National Urban Mission ah cheng nuai 1477 lai hman tur alo awm ani tih kan hria a. hei hi municipal mipui thlante awm huna hman tur anih laiin vawiin niah hian municipality in thlan emaw, hetiang ang hmang thei tura han siam chu kan la hnaih lo viau, kan tum leh ta lo nge, inthlan a hnai a kan ngam leh ta lo zawk ka hre lova. chutiang anih laiin kan Chief Minister chairman na Aizawl Development Authority hian hemi sum hi hman an lo tum leh ta mai em ni? tih te pawh hi ka zawt duh a. Nakinah min chhang sela a lawmawm ngawtin ka ring a.

Tin, kan sawi leh duh chu Agriculture Department ah hian MIP hi a hlawhchham fel hle a niin ka hria a. Chutiang a nih lai chuan kuminah hian Rs. Nuai 2070 lai kan hmang ral a. Sum leh pai a uihawm hlein ka hria. Tin, kuminah, hei kan budget bua alo lan dan chuan Rs. nuai 2000 lai hman turin a lo lang leh ta ani. Hei hi ka ngiahtuah a. Chepa awk laklawh, a mei hmawrah pawt hawk sela, ka awk tawh laklawk a ka thi tho tho ang tih ang hian MIP hi thih pui thak lo deuh hian kan hmang thei zawk lawm ni? Vawiin niah tam an mangang em em tawh a, BAFFACOS sum kan hmang ral der a ni tawh bawk si a. chutih lai chuan MIP sum Rs.2000 lai kan dah te hi mi rethei zawk leh harsa zawk, thingtlanga kut hnathawktute tan buhfai a thlawna semna tur atan hian kan hmang thei mai lawm ni? tih hi rawtna ka rawn siam duh a, ngenna ka rawn siam duh nghal bawk a ni.

Tin, Agriculture-ah bawk hian KVK Indian Council of Agriculture Research hi kan ramah hian kan hre rei ve hle tawh a. Zokhuaah kan ramah khaw 7 laiah he hmun hi bun a ni tawh tih kan hria a. An senior ve hle tawh a ni. Amaherawhchu, a thawktute tan hlawh laknan mai tih loh kut hnathawktute loneitu te tan entawn tlak leh an kalphung zirtirna tur hian hnathawh anneih reng reng hi ka hre lova. Chuvang chuan vawiinia heng pawisa an tan kan dah zozai te hi a uihawm hlein ka hria, Pu Speaker.

Power & Electricity chungchang hi tlem han sawi leh ka duh a. Hei, Corporation-ah kan dah dawn niawm tak a ni a. Chief Minister thusawi atang hian. Nichina a sawi ang khan Indian Electricity Act. 2003 tlawhchhana, Corporation a dah tum niin a lang a. Mahse, India ramah hian Corporation hi a tlangpuithuin an hlawh tling vek lova. Keini Mizoramah phei chuan Mizoram Public Sector undertaking kan tih fo thin te phei hi chu sumthuninu hli anni a. Eiraltu vek an ni. Kan titawp ngam tawh si lo hi a buaithlak a. Chutiang ang deuha Electricity Department kan han dah leh tur hi chu a ngaihngam awm lo hle a. Chuvang chuan vawiinia mi hausa khawvelah an tam tawh a. Hei, ka lo hriat dan phei chuan German mihausa tunlai hian Aizawl Mizoramah lokalin heng Electric Department, Electric siam chhuah nana sum peipun nana vaibelche 100 vel chu hmang thei tur niawmin rawn insawi an awm a. Heng te hi mimal company te hi pe ta zawk ila. Eirukna hrim hrim, corrup-

tion awm lo tur, Sorkar tan hlawkna vek tur zawk a ni. Hengte hi kan sorkar hian a lo bia in a lo ngaihven mai thei lo em ni? tih hi ka han sawi duh a ni. Pu Speaker, sawi tur a bul ka tan dawn chauh a, a la tam mai a. Hei, kan Budget chungchangah hian kan hria a. Keimahnî tawkah chuan tlem tlem chuan kan kal chho ve hret hret zel a, a tha e. Khata lawm tur an awm a nih chuan lawmthu pawh a sawi theihin ka ring a. Amaherawhchu. kan chheh vel State zawng zawngte han ngaihtuah hian Assam hi 31.85 in kuminah an budget a lo pung a, plan budget. Manipur hi 28.13 in, Arunachal Pradesh phei chu 56.44 in a pung a, Sikkim 44.07 in a pung a. Keini 17.06 chauhin a pung a ni. Chuvang chuan. he budget chhungah hi chuan nikuma kan hman leh kumina kan hman tur leh mi State dang kan chhehvel amite nena kan tehkhin hi chuan lawmna tur reng reng a awmin ka hre lo a ni. Mautam tam kum kan thleng a, Mautam dona tur cheng vaibelchhe 125 lai kan hmang zo tawh a. Vawiiniah hian Mautam tuartute an retheihna a zual zel a, an mangan a intan dawn chauh amaw tih theih a nih lai hian kan sorkar hi a inbih ngun hle a ngaiin ka hria a ni.

Chuvangin, sorkar hnathawk Chief Secretary te, D.C. te, khawilâi BDO emaw ten Josefa buhzem te an ti a, Josefa Mana te an ti a. hengah hian mi thahnemngai ten anthawhkhawm a. Tam tak sum pai a lo lut tawh a a lawmawm hle a ni. Hemi a entir chiah hi kan sorkar hian a hria em? He Sorkar hi kut hnathawktute tan engtihna mah a ni lo a, an rinawm lo a, an sum dah chu an eiru zo zel a. Chuvangin, sorkar hnathawkte pawn an ring thlawt tawh lova, Direct-in anmahni kaltlangin kut hnathawktute hi i dawr zawk mai ang an ti ta a ni. Chuvang chuan. kan sorkar hi a in ennawn a a inenngun a ngai hlein ka hria.

Nichinah Pu Speaker, Hnahthial bial a an tam dante ka sawi a, an lokal a an mangan dan te ka sawi a, vanduaithlak takin a bialtupa a lo ding a, "Ka bialah chuan inhlawhna a tam a ni," a rawn ti mai te kha a va vanduaithlak em aw! Hmanah Hnahthialin District Headquarter an dil a, kan Chief Minister leh a Cabinet ten an va tiam a, a pawî ka ti a. Marawh chu, chutiang ang chu a pawî kan tihna hrethiam lovin a sawitute min rawn bei vak mai te kha a pawî ka ti takzet a ni. Mipui lamah, 'hawh u i tang ang u,' tih hi Pu Speaker, kan sawi duh a ni. Hei sawi tur a la tam mai a, mahse, pakhat chauh minute ka dil belhngai lo che a. Pu Speaker, thadeuh mai tha deuh mai ka bial lam chanchin

S P E A K E R : Minute khat leh a chanve i pel tawh a i pel thui lutuk bik a nge. Remchang dangah sawi tawh mai rawh, i pelh thui lutuk bik chuan a dik lo ang. Khawngaihîn ... khawngaihîn duh tawk tawh mai rawh. Aw Hnahthial bial kha in vei hmasa a, i bial kha i vei hnunngung deuh hlek alawm mawle.. Le kan chawhma hun a lo tawp ta a. Kan chawl rih ang a, chawhnu dar 2:00 P.M. ah kan thukhawm leh dawnnia.

PU R. LALZIRLIANA : Pu Speaker, khawngaih takin Saitual biala KVI khawl leh Building sak nan vaibelchhe khat chuang hman a ni tawh a, hetah hianin kut hnathawktute kan ngaihsak lohzia chu Sorkar hian a hluihlawn leh ta ringawt mai a ni. A pawl ka ti khawp mai, hei BAFFACOS sum atang hian kut hnathawktute ngai pawimawh tak tak innih chuan pawisa tam tak in nei a, hengte hian chhawmdawl ula, tive rawh u tih hi ka sawi duh a ni.

2: 00 P.M.

DEPUTY SPEAKER : Awle kan business kan chhonzawm leh ang a. tunge han sawi ang le. Awle, Pu D.Thangliana.

PU D. THANGLIANA : Pu Dy. Speaker, ka lawm e. Tun term a kan Budget Session neih hnunhngber hun kan za vaiin Pathianin damtha takin min han hruai-thlenga a lawmawm hlein ka hria a.

Kan Budget chungchangah General discuss kan han neihna torah hian sawitur tam tak a awm a, Budget Session kan neih hmasak khan, helaia kan Chief Minister hmalakna kan fak piah lamah kan Central Sorkar UPA sorkar te pawh, heng chungchangah hian an fakawm a ni tih kha ka sawi a. Mi kha an phurpui lo ang reng viau a, tun tumah pawh han sawi leh kha ka duh viauva. Kan sawi lo mai ang a.

Hei kan Budget hi a bu siam phung leh a bu chhunga sum ruahman dan leh a bu a thu an han tihdan hrang hrang han en hian keini ang duang chuan a chipchiar khan kan zuk hre pha ve chuang lova, amherawhchu, ruahmanna an rawn siam dan leh an rawn chhawpchhuah dan hrim hrim hi a bu atang hian a fel thlarh mai a. Tin, pawisa an ruahmanna kalphung pawh hi a tha thawkhat hlein ka hria. Heta tang ngawt pawh hian kan sum ruahmanna; ahmanna kawngah pawh fel takin a kal ang tih kha a rinsa theihin ka hria.

A bu kalphung leh ruahmanna an rawn siam dan hrang hrang atang hian kan Chief Minister zahwm tak Finance changtuin a rawn chhawp chhuah dan hi a lawmawm hlein ka hria. Tin, hetiang taka fel thlerh thlawrha kan Finace Department lampang ten a ruahmanna an han siam chho te pawh hi thil lawmawm tak niin ka hria a.

Tin, hei kan Budget chungchangah hian Pu Dy. Speaker, tunhma zawng chuan a za biin kan kal thin a, vawiinniah hian a sang biin kan Budget pawh bul tan a ni chho ta hrim hrim pawh hi, a lawmawm hlein ka hria. State dangte nena inkhai khin lampang kha chu a tul berah ka ngai lem lova. amaherawhchu, keimahni State huang chhungah keimahni phak ang tawka kan kal chhoh zelah hian tun tum kan Budget Session hi 3 digit atanga 4 digit a kan kai kum tak mai a lo ni a. A lawmawm hlein ka hria a. A lawmawm lo han tih rual niin ka hre lova, heng zawng zawng hi Pathian malsawmna kan dawn a ni tih kan pawmtlan pawh a pawimawhin ka hria a.

Tin, hetianga Budget a lo pun hian MLA hote pawh kan area fund chungchangah nuai 15 kan neihna thinah khan nuai 20-in kan area fund te pawh kha min tihsan sak dawn a, a lawmawm hlein ka hria a. MLA te hi bial mipuite mai bakah mi harsa ten harsatna an tawh a, an tlan luhna kan ni a. Opposition MLA leh Ruling MLA pawh kan danglam chuang lova. Kan bial mipuite leh bial mipui lo te pawh, a mipui mimir hian harsatna an neih a, an tlan luhna te kan ni thin a. Tin, kan bial chhung bikah pawh Association hrang hrangte a Kohhran thlengin an lo awm a. Chungcho te tana hmasawmna keimahniin a kan hman theih tur ruahman nan nuai 20 lai siam sak kan ni pawh hi lawmawm hlein ka hria a. Kan House Leader, kan Finance changtu zahawm tak hnenah hian House ang pawh hian lawmthu kan sawi kha kan tihawm takah kan ngai a, a lawmawm hlein ka hria. MLA te area fund hi a hman danah pawh hian sumhman naah hian a dik ber pawl a niawm mang e aw tiin kan hmannna hrang hrangte bial hrang hrangah kan han kal a. an lo tar zel a, a tha khawpin ka hria a. A hmanna chungchangah pawh hian kan hmang tha thawkhat hle a. Chutianga taka a tha hmangtu MLA te min duhsak a vawiinniah chuan 2008 atan area development fund atan nuai 20 min pe hi a lawmawm hlein ka hria a. Tun tum kan budget-ah hian MLA ho tan tak phei chuan a lawmawm lehzualna pakhat niin ka hria, lawmthu kan sawi tel duh a.

Tin, chulovah chuan Medical re-imburement chungchangah hian thil lawmawm tak niin ka hria. Miretheite tan 'miretheite ban phaka ruai chawi hniam' tih kha tun hun hi a ni mai lo maw a tih theih niin ka hria. Tute tan pawh sorkar hnathawklo chhungkuate tan kan damloh nikhua a kan medical a senso chi ang zawng zawng min recover leh theihna tur atana kan budget-ah ruahmanna an lang ta hi thil lawmawm tak niin ka hria. Kan hotu thenkhat ten 'Politics aiawh a ni e' an tih ang lo deuh kha a ni turah kan ngai a. Hei hi Mizoram mipuite tana thil lawmawm tak niin ka hria. Vawiinniah hian House ang pawh hian mirethei, thingtlang mite sorkar hnathawk awm lo chhungkua te tana chhenfakawm tak kan budgeta a lo lang hi kan zavai atan lawmthu kan sawina tur pawimawh tak niin ka hria a.

Tin, kan budget bu-ina a rawn ngaih pawimawh tam tak chu an sawi tawh a. Vawiinniah hian sawilan ve ka duh chu

kawng chungchangah priority list-ah khan PWD te kha an tel a. Hei hi a ngaih pawimawh awm hlein ka hria. Keini politician hote hian mipuite kan zirtir naah hian party dang annih avanga a chhe ber zawng emaw, engmah kan ram tan thawh neilo ang hiala kan insawina thin hi, mipuite kan zirtirna thin hi kan tihtawp pawh a tha viauin ka hria a. Khawvel ram changkang kan tihah pawh hian an ngaih pawimawh ber chu Road communication a ni. Chuvang chuan hei hian miretheite fairel bel thleng phak development a ni tih lai a hi kan chian a pawimawh hlein ka hria a. Infrastructure engmah tih neilo ang hial a kan insawite hi keini ang duang chuan engnge a fng zawk leh fel zawk ten ram tan infrastructure an tih hi kan hrethiam chiah lo anih pawhin. khawvel ram changkang leh India ram ngeite pawhin inkalpawhna kawngpui tha hi an ngaih pawimawh vek a ni a. Chu chuanin development ah miretheite fairelbel a thleng a ni tih an hria a an ngai pawimawh em em a. Chutiang zawnga kan ram pawh kalpui kan han ni ve hi a lawmawm hlein ka hria a. Hei hi kan tih makmawh nasa taka kan beih tlan choh zel pawh a pawimawhin ka hria a. Khawtin mi 250 awmna Motor lian kawngpui pawh tir vek tum a ni hi thil lawmawm tak niin ka hria a kha kha kan sawi tel duh a.

Tin, ka sawi leh duh chu. Pu Dy. Speaker. hei para 70 leh 71 ah te 72 ah te khan kan hmu a, administrative initiative ah khan Minor Irrigation te department hrang hrangah buatsaih a ni ta te hi Mizoramina kan mamawh tak huan thlai a intodelh kan tumna atan kan mamawh ngawih ngawih chumi titu tur department a hranpa ngata ruahman a ni ta te hi a lawmawm hlein ka hria a. Tin, tun hunah hian Information Technology ah hian khawvel hi a tlan chak em em a. Keini pawh India ram State a State hnuaihngung ber ni thin kha vawiinniah chuan I.T. hian kan ram min rawn hrut ve ta a, kan thalai tena sorkar te, kan hruaitu hmasa te an duh khawp lohnaah pawh hian heng I.T. ina min rawn nan chin tak avang hian a hun kal tawh ngaihtuah mang loa kan tun hun zel thlirin an rawn sawi thin a ni a. Chutianga kan thalai te hmasawna tur atan kan rilrem zawng tak mai I.T. Department te a hran buatsaih a ni te pawh hi thil lawmawm tak niin ka hria.

Tin, I.R.Bn. hi Mizoram kan van nei ve tan khawpin ka hria a. Kumin hi I.R.Bn pali kan neih kum a lo ni ta a, a battalion palina tunah hian din turin ruahmanna a kal leh mek a. Heng kan sawi thuk thuk department pahnih pathum a thara awm tur te kan thalai lehkhathiam rual tam tak te hnathawh tur neilo leh lehkhathiam chiah lo te pawh hnathawh tur mumal nei manglo te tan pawha sorkarin nasa taka hna min han siamsaka hi thil lawmawm tak a ni.

Tin, Youth Commission chungchang hi a Bill kan han nei chho dawn a, a lawmawm hle a. India ramah a State ang chuan a nei hmasa ber tur kan han ni hi State tan pawh a lawmawm hle a. Kan thalai lehkhathiam tam tak hna zawna chungchangah leh Sport leh thildangah te pawh hmasawna tur atan pawimawh tak ni turah kan ngai a.

Tin, 2008 – 2009 kan Budget a thil lawmawm tak han sawilan ka duh chu Budget Estimate, sang bi kan kaina kum anih avangin a lawmawm hle a. NREGS-ah Zoram pumah tam kan hmachhawn kuma hman theih tura ruahman a lo ni hi a lawmawm hle bawk a ni.

Medical re-imburement chungchangah Mizoram mipui harsatna sawrkar hnathawk awmlo ten kan Bill theih tur kum a lo ni bawk a. Tin, kan buhfai quota chungchangah India ram Norms ah quintal 4000/5000 pawh tling manglo kan neih vek laia quintal nuai chuang kan neih chhoh kumte a lo ni bawk a. Tin, I.R. Bn. 4-na kan neih kum a lo ni bawk a. Department 2 kan neih belh kum, tin, MLA LAD fund nuai 20 neih belh kum te, Budget Estimate Crore 150 laia a pun kum, kan Budgetah hian sumdawng hote leh mipui phurrit siam lo zawnga Tax lak loh kum, lak belhna kan siam loh kum a lo ni a. A lawmawm, hlein ka hria. Chuvangin tun tuma kan Budget tura, kan Term chhunga a hnuhnung ber chu. kan Chief Minister zahawm tak kaihhruaina hnuaia kan han pharh hi Zoram tan zahpuiawmlo Budget kan neih tawh zawng zawngah chuan duhthusam ni lo mahse, a ai tha kan la neih miah loh a ni tih kan hriat a pawimawh hle a ni. Education lam te, Health sorkarin a ngaih pawimawhnate, kan budget-ah duhsak an dawn a te, vision thui tak nei chungah he kan Budget hi buatsaih anih vangte hian a lawmawm hlein ka hria. ka lawm e.

PU R.KHAWPUITHANGA : Pu Deputy Speaker, i veilam leh dinglam amite hi kan chhuahna a awm chiah loh vang ani mai thei a. A then kan lawm em em lain thenkhatte thil reng rengah kan lawm vak lova. Mahse, tun tum kan Budget sawi hoah hian Department lamin an buatsaih ah hian lawmthu sawite kan han awm ve kha lawmawm hle in ka hria a. North-II bialtu zahawm tak khanin a positive side, a lawmawm ka ti a han ti te kha lawmawm hle in ka hria a. Hriat pawh a nuam a. Tin, Khawzawl bialtu khan a lawmawm lam khan a rawn sawi a, thahnem ngaihna te hi chu thudang ania lawm theih ve hrim hrim pawh hi hrisel nan pawh a tha ania. Chuvangin vawiinah hian kei ka lawm a, kan hmuh ang hian a bu an siam dante pawh hi a mawi khawp mai a, an buatsaihna ah pawh hian an ngaihtuahna pawh an hman ani tih kan hria a, hma mitten an sawi tawng ang khan.

Tin, hmasawna chi hrang hrang, Department lam atangte pawh hian heng an buatsaihna atang pawh hian a hmuh theihin ka hria a ni. Mahni lamah pawh han in sawi ve ta ila, helai hmunah te Pathian leh mipuite zarah term khat dawn lai chu kan han awmve ta a Budget hi harsa ka ti a, mahse helai hmuna sawi theia ka han awm hrim hrim hi tun tum hi Budget sawiah chuan a

hnuhnung ber tur a ni a lawmthu han sawi ve pawh hi tha in ka hria a hun tawp lam te alo ni bawk a. Amaherawhchu, kan sawipui thin, kan thiante awm ta lote an han awm hi chu pawh hle in ka hria a, a bik takin Tlungvel bialtu hmasa a hmel a awm tawh lova. Tin, Lungpho bialtu pawh hi damlohna avangin a hmel kan hmu lo fo mai a hetiang kan thiante kan rorelpuite ngei kan han hmulo thinte hi a nuam lova. kan in tawngtai sak thin ani tihte pawh hi kan in hriatsak a tha in ka hria a. Vawiiinah Lungpho bialtu hmel kan han hmu leh ta a, a lawmawm hle in ka hria a ni.

Tichuan kan budget hi a tha lo lai pawh awmin ka hre lova, han chhiar ila a punna lam vek hi ani mai a, a phaina lai pawh kha hmuh tur a awm lova thahnemngaite khan chulai khalai chu te kha an han ti a adik chiah a. A pumpui han sawi pawh hian revenue receipt-ah hian vaibelchhe 2217.87 ani a Capital receipt ah hian vaibelche 2741 alo ni a a pumpui ah hian kan consolidated fund ah hianin vaibelchhe 2625.03 ani a, a tam hle a ni kan State naupan ngaihtuahin State dangte nena in khaikhin chuan Sikkim te nichina kan han hriatte kha hmanlai ami tawh protectorate ah pawh tunhma a lo awm tawh India ramah pawh la awm lo anmahni te nena intih remna karah India rama lo lut ta protectorate atanga State a lolut an ni a. Mahnia lal ram tepawh nei ve tawh anni a, chungte nen chuan dinhmun khatah kan han ding thei chu thil ropui tak pawh ani in ka hria a. Tin, keimahni hrim hrim ah hian a pun na ah hian pun theih dan hi a awma, vawilehkhata pawng tihpun thut theih ani lova budget ang chi te hi ceiling alo awma, Department khatah dan a awm vek a chumi hmanga tihpun chu a nih avangin Sports tepawh hi thahnemngai takin i ti pung ang aw han ti pawh ni ila a percent a awm vek a, chumi cros lo tura tihpun ngai ani. Chuvangin hman atanga heatah alo pung tawh anih loh chuan tun leh tun ah hian kumkhat thilah a tihpun vak theih loh. Chuti chung si a, plan pum-ah nuai 1000, crore 1000 kan han tlin chho thei leh kha ka hma ami in a sawi ang deuh khan digit 4 ah kan lut thei ta a, digit 3 atangin tih te kha a lawmawm hlein ka hria a. Heng hi thil awlai a ni hauh lova, nikumah khan Plan fund ah 850 a ni a. khata tanga han kai chho leh tur kha chuan thil namen lo a ni a. Chuvangin kuminah hian lawmna tur ropui tak tak a Plan fund bikah khan kan nei a ni tih hi kan sawi hmasa duh a.

Tin, Budget speech bu ah khan kan hmu a. Revenue surplus hi budget a chhiat chuan a awm thei lova, budget tha tihna a ni a. surplus awmna reng rengah hi chuan kan hre theuh a, hetah hian crore 185.23 surplus kan han nei hi engtiang zawng pawh hian sawihnawm dawn mah ila. a sawi hnawm theih loh. Hei hi chu surplus tha tak a ni. Lakhs pawh ni lo, a crore a crore 185 revenue surplus, a revenue bik hi kan hman theih lai hawl tak a mi a ni a, capital pawh ni lova, revenue surplus 185 a crore tel kan han nei hi nikum lamah khanin 162.85 a ni a, crore 22.38 in a lo pung a ni. Crore tel tawh hi chu pakhat lek pawh hi inthlau tak a ni a, chuvangin hetiang zat a lo pung hi kan ram tan a ni, a ropui em emin ka hria.

Tin, para 13-naah kan hmuh angin 2008-2009 kum thar lo awm turah hian, hei a opening deficit in kan kal a. Nikum lam atanga a nghawr chhuah kha a ni a, chumi ah chuan opening deficit ah hian crore 84.65 nimahsela, a management a fel avangin, a karah khanin surplus a insiam chho dawn a. chumi a insiam chho tura kha, a puna kha, crore 54.29 a ni a. Khatia a lo kal zel kha chuan kumtawpah chuan closing defecit ah hian O base chu thleng thei lo pawh ni rih mah ila, crore 30.36 a han ni hi a lawmawm hle a. Nikum lamah khan kan beisei tawh chu O base a ni a, amherawhchu, kan hriat theuh angin natural calamity rapthlak tak mai, tampui mitthi kan ramin kan tuar a. Tin, chubakah chumiina a ken tel nimaw Pathian rorel a ni a, kan sawisel pha hauh lova, Monsoon namen lo mai thla 6 chhung kawng zawng zawng tichhetu namen lo mai, kan in leh lo te pawh min suasam tu kha kan hriat theuh angin kan tuar a. Kha vang khan dinhmun tha zawkah kan ding thei ta lova. Amaherawhchu, hun a kal zel ang a, nakum kum tawp lamh chuan a karah khan an thang chho zel ang a, a next lamah kha chuan zero based-ah emaw surplus Budget ah emaw khan kan kal tan thei dawn a, a nghahhlelawm a. Chung hunte pawh Pathian zarah kan thleng turah ngai ila.

Tin, para 29-naah khan leiba tam tak kan neih kan hria a. Budget a lo pun that hian a pung khanin loan kha a keng tel si a. Kha khan a belhchhah a, a pun tam leh loan a tam chho a ni a, kan leiba kha a ni chho zel lo thei lova. Chu chu kan lak tel a ni tih kan hotuten an sawi thin kha. Chu chu a ni a, bat tam hi changkanna a ni tiin a hria ten anlo sawi tawh kha. A rulhna lam erawh hi chu a chak thei vak lova. Chuti chung chuan hei para 29-naah khan a rulhna tur kan hmu a. Interest payment-ah hian crore 180.58 in rulh a ni dawn a ni. Namen lo takin kan rulhna kha khatah khan a tha chho va. Tin, rulhna tur hi helai a hnuaiia kan han hmuh kum thar lo kal turah hian crore 203.13 hian percent lamah chuan 9.16% hian kan rul dawn niin a lang a.

Tin, chu mai bakah, structural adjustment loan ADB (Asian Development Bank) atanga kan hmuh hmang khan helai earmark crore 189.19 hian rulh a ni dawn bawk a. Chutiang tea an belhkhawm ang chuan kan rulhna hi kum dang ai chuan kan rul tha ve fe dawn a ni. Tihian a kal chho zel ang a. Kan House Leader in a sawi thin angin, hetiang hian kan han rul chho ang a, nakinah phei chuan tuna kan hmuh ang chi thil hrang hrangte pawh a lo kal zel ve a. Structural Adjustment Loan kan han tih ang chi, a dang te pawh a la ni ang a. Heng ba te pawh hi kan ba a ni mai bik lova. India ram chhunga awm kan ni a. Min bat pui anih avangin. khatiang ang khan State leibat hi Central pawhin phurrit-ah a ngai a. Chutiang chuan State leh Central hi kan kal kawp zel a ni a. Anmahni pawhin an hre ve zel a ni. Chuvang chuan keimahni phurrit a ni chungin heng hi thaibo dan a awm ve ang tih pawh hi kei ka beisei tlat a ni.

Tin, priority kan hmu a. Budget Speech-ah khan. Khatah khan Social Service-ah kan ngaithla nual tawh a. Hengah hian sum dah belh a ni a, a tha tham viau a. Education-ah te pawh hian crore 10 nuai 1000 an han dah tel a, School Education ah hian. Higher Technical Education ah hian nuai 500 a lo ni a. A punna chauh kha a ni tawh a, a pumpui kha a ni lova. Chuvang chuan, heng kan Budget kan hmanah hian a tlangpuithuin, kan hmang tha viau a ni. Hei tunah hian kum tawpah kan awm a, kum thar kan kaina tur chu 2008-2009 a ni a. Kan hman tawh hi han en ila a lungawi thlak viau a ni. Kan budget hi kan house Leader-in a sawi angin 'Chutney mai a ni a,' tih fiamthu ang deuh a ni. Budget chu budget a ni a, a piah lamah khan kan hotute hian sum tam tak Central atangin an hai lut thin a ni. Budget ringawta kan tawp chuan a hlawk tak tak har a. Kan budget te leh CSS te leh thildang lo kal kan hmuh atang hian sum a lo lut tam em em a ni. Sum tam tawk awm lo se, Primary Educationah hian Small State ah pakhatna kan ni loving. Sum tam tawk kan Minister te hian an hai chhuak a, kan hotu dangte pawhin. Chuvang chuan Primary Education a small State zinga tehnaah khan pakhatna han nih vang maite kha chu chhuanawm ve deuh mai a nia aw. Chuvang chuan literacy a all India ah pakhatna han nih turte hian tan lak a ngai a. Sum tam tak sen a ngai. Kan hotute heng enkawltute hian Finace Mangement-ah sum an hmang tha hle a. Eiru vak vak ang a insawite hi chu inpuhchiatna mai a ni. Chu chu kan hriat a pawimawh hle mai.

Hei, wawiinniah hianin keimahni mai hi kan ni lo tih hi kan hre ran leh nghal a. Hengah hian Primary Education ah te, Literacy ah te sang tak dinhmuna kan han din theihna te pawh hi budget kan hman that vang a ni. Tin, chubakah chuan a quality lamah Education hi an kal dawn a ni an ti a, April thla atang hianin zirtirtu 16000 lai mai Cambridge mithiam ten an han train tir dawn lehngal a ni a. Chuvangin Sports lamah pawh USA atangin Sports goods te leh hmanrua te min pek belh dawn tihte Tv-' ah te kan hmu a. Khatiang khan anmahni te ngei pawh an lo kal a. Sports lamah pawh hmasawna ropui tak kan nei dawn a ni.

Tin, P.W.D. lamah te pawh hian a namenlo viau a, kan lehkhabu puiah hian a chuang reng mai a. P.W.D. ah pawh hian 2007 - 2008 kum tawpah kawngpui kms 5225 lai mai siam a ni a. Kum hmasa aiin kms 634 in a tam a ni. Hei hi kan phuah chawp a ni lova, Economic survey, Mizoram 2007 - 2008 ah hian kan hmu theuh a ni. I veilam a mite pawh khan an dawng tho a ni. Kawngpui hetiang chen laih theih a lo nihna hi sum dik tak hman a nih vang a ni tih hi a Chiang em em a ni. Chuvang chuan, tunhma te pawhin kan House Leader, Chief Minister zahawm tak Delhi a a zuk kal pawhin 'Finacial Management ah in ti tha e'. tih hi Central hotute atang pawhin an lo dawng fo a ni.

Tin, Motor Vehicle te pawh hi han en ila. a namenlo tawh hle a ni. Register awm tawh hi October 2007 thleng khan Mizoram chhung a mi hi 58613 a ni tawh a ni. Sawizel a chakawm hle a, hei hi thlatin 290

ang a ni. Chuvang chuan sawi tur pawh a tam a. Sawi sen pawh a ni lova. kan budget hi a that hle loh chuan sawi tur a awm lovang tih kha a ni zawk a. Lawmthu kan sawi theuh thain ka hria. Ka lawm e.

PU LALRINLIANA SAILO : Pu Speaker, ka lawm e. Kan Chief Minister zahawm tak, Finance Minister ni bawh budget speech kan sawiho dawn a ni a. A tlangpuiin tam tak kan ngaithla tawh a. A buatsaitute an fakawm hlein ka hria. A chhung thu erawh chu Mizoram mipui tan thlamuanna tur em em a awm lovin ka hria a, a chhan chu duhthawhna vangte pawh a ni ang a. hmasawn tura ingaihna lamah kan state puite pawh kan en ve a ngai a. Chungte punna han chhut hian keini hi vaibelche 150 lai chuan a pung a, kan Chief Minister pawh a zahawm hle mai, a thawk tha. Chutih rualin State dang Sikkim te pawh nuai 5 bawh vel lek mipui an awm lain a punna ringawt hi vaibelchhe 300 chuang a ni a. Kan let thakin keini aia State te zawk kha an pung a. Manipur te pawh vaibelchhe 226 chuangin, Assam te pheih chu 645 lai a ni. Kan pung ve hrim hrim hi erawh chu lawmawm ka ti a. Kan hman tur hi 2008 – 2009 atan hian nuai hlira chhiara 262503 hi capital expenditure atan a ni a. Hei hi ro nghet/asset dinna tur kan neihna tura kan neih chu heta tang hian nuai hlira chhiara nuai sangnga sangkua leh sawmpali a lo ni a, hei hi za zelah 12 vel angina ka chhut a. Tah hian buhfai, chini leinan cheng nuai sangruk zariat a la awm cheu a. Sorkarin buhfai leina kha FCI atangin a rawn let leh a nih pawhin thudang ni ta se. Mipui lei chhawn leh tur a nih avangin a tak takah chuan hemi capital expenditure tlemte hian asset a siam phah dawnin ka hre tlat lo a ni. Khami kha han paih lehngal pheih chuan 19.9% vel chauh hi a lo ni dawn ta nghe nghe a ni. A tak takah chuan Department ah hian tlemte te a pung den den ni mai hian a hriat a. A pawimawh ber chu eng ang pawhin hei hi han frame thin mah ila. eng ang pawh hian han fak thin mah ila mipui hian hma kan sawn em? Kum 10 dawn kan Ministry hi a ni ta a. Ministry an form tan atanga vawiin thleng hian mipui dinlun hi han chhut ila kan kang sawt em tih hi a chhangtu chu mipui ni ta sela.

Hei nikum lam khan kan sawi leh duh zawk chu Mautam lai, nikum kha an tam tan a, a tawrhna kum tak tak chu kumin hi a lo ni ta a. Nikum lamah khan 2007 – 2008 ah khan estimate-ah kan en chuan hman ral buhfai leina leh khan hrang hrang kha singkhat sangnga zakua sawmthum pahnih leh point 61 a ni a. Tunah hian a tlem zawk ta daih mai lehngal a. A chhan chu a tak tak tam leh mi mangangte tan kan dah tlem zawk niin kan hmu a, a pawh ka ti khawp mai.

Pu Deputy Speaker, hei 12th Finance Commission hi a rawn highlight-a a lawmawm hlein ka hria a. Amaherawhchu kan

State-ah hian pawisa hman dan hi kan fuh lo a nih rinna ka neih chu 12th Finance Commission hi ka thiam tawk tawkin ka han chhiar thin a. Nizanah pawh Finance Department te nen kan in phone a, hriatthiam loh lai te a awm a. Amaherawhchu, chiang em em chu, helaiyah pawh hian a rawn highlight chho a. Hemi Heritage conservation te pawh a rawn tichho a, crores 5 kan neih 2005 – 2006-ah a hman theih tak loh avangin 2006-2007 atangin a rawn bei chho a, kumtin crores 1.25 a rawn ni chho a, a lawmawm.

Tin, roads and bridge te, building te, Forest te pawh. Amaherawhchu, Pu Dy. Speaker, in enna tur neia ka inhriatna chu State dang hi kan compare lo thei lo a. Hei State lianpui pui hote chu crores 900 te an nei a, 800 te, chung chu ka sawi lo a. North East hi han sawi ta ilangin. Hei Meghalayaah hianin hemi Grant-in-Aid for maintenance- roads and bridge tihte pawh hi crores 86.40 an nei a. Nagaland-in crores 120.88 an nei a. Keini chuan crores 42 chauh kan nei ta a ni. Chu chu tah pawh hian a rawn reflect chho a, kum khatah hei tun thlah pawh hian crores 10.53 kha a rawn reflect chho a, engatinge State dang hi a va tam em em ve. Keini hian kan va nei tlem thei em em ve tih kha kan sawi duah a. Public Maintenance of Building ah pawh hian Grant-in-Aid ah State dang kan anpui Meghalaya vet e te, hemi kan anpui ang lek lek hi kan ti chho a. Heng ina crores 35.2, Nagaland in crores 46.17 a nei a, keini crores 23 chauh kan nei. Ni a lang ta bera ka rin chu Fiscal Management hemi sum leh pai enkawl kan thiam loh vang leh kan tih dik loh thin avangin, utilization certificate lem te kan zuk theh lut si a, chung chuan a takin an rawn hm leh lawi thin a, hengah hian min rawn pe phal lo ta niin ka ring a, a chhan chu kan budget-ah pawh hian a rawn reflect zel avangin.

Tin, engvangnge ka hre lova, ka zawng ka zawng a ka hmu lova, khawngaih takin wind up naah kan Chief Minister zahwm takin rawn telh thei sela a lawmawm ngawtin ka ring a. Kan mamawh ber, tampui mitthi tuna kan tawh mek laia, hei Meghalaya-in vaibelche 11 leh nuai 55 food subsidy-ah a awm laiin, Nagaland vaibelchhe 9.50, keini vaibelche 4.45 chauh a ni a. A tam mai a, hei chutiang chu kan dinhmun hi a ni a, a pawh bera ka hriat tak chu Planning mumal hi Mizoramah hian he Ministry-ah hian a awm lo reng rengin ka hria a ni. Vawiin hian Planning Board-te pawh kan nei ve a, an thutkhawm ngai pawh hi ka hre lo reng reng. Planning neia felfai tak tih thlip thlep hi a a wmlong reng reng a ni. Chuvangin tuna kan budget ang chi te leh Lammual te pawh kan han sawia entir nanah thalaite hmakhua kan ti a. Lammual, Aizawla Sports Stadium sak nan 12th Finance Commission hian 25 crore min rawn pe a ni. Kan hre theuh a kha kha chu tunah hian tender an rawn ti chho a, hei pawh hi Planning mumal awm miah lo in thil an ti cho a, nikum lamah kha, Department ah nuai 625 dah a ni a, chungte chu tunah hian hei an rawn tilang leh a, a hmanna zawng zawng hi vaibelchhe 25 atang hian kha kha hlep thla thei ta se a tak tak turin stadium hi kan nei thei angem? tih hi zawhna lian tak niin ka hria a. Engemaw mai maia han intih kual hi a thalo ka ti a. Chuvangin hetiang a budget kan han

lay out chho hi State Planning Board lam ruahmanna ai hian Chief Minister Office atanga tihchhuah vel mai mai ni te hian a hriat a. Chuvang chuan a nih ka ring a. kan budget lokal hi North East State zingah hian a tlem em em bik. North East State zingah hian a tlem ber lawr lak leh a percentage pawh hniam ber lawrlak kan ni ta a ni. Chutiang chuan Planning a awm loh vang a nih ka ring a, hmannah zawhna leh chhannnaah te kan sawi a, hei tampui mitthi, nasa lutuk mai, BAFFACOS chungchang pawh hi Pu Dy. Speaker, a hmanna kan han sawi a, kan Chief Minister zahawm tak khan link road hi kan hmang lo 2004-2005 ah a ti a. Khatianga kha House a inhrilh lo chiah ka ngai a. Tin, helam atanga member zahawm tak ten kan feed a nih pawhin thudik feed ta ila a tha ngawtin ka ring a. Tah hian a lang chiang em em a ni. Achievement Reports on BAFFACOS during 2004-2005 leh 2005 - 2006 tih ah hian chiang fein arawn inziak a ni. Tah chuan Pu Dy. Speaker, a pawika ti khawp mai. kan hmang lo, an ti a, 2004-2005 ah hian maintenance of 15 Km link road already created during 2004-2005 tih a ni. A hma a siam zawh tawh vek kan siam lo a ni tiin Report arawn pe a, khatianga kha apawika ti em em a, Bamboo link road chungchangah. Rin, pheh 24-na Rural Development hnuaiyah hian ti hian a inziak bawka. Construction of Bambo link road under Reiek R.D. Block, Rs. 36.68 lakh laih a ni a. ngatinge tiang khan kan inchhan mai mai?.

Tin, Construction of Bamboo Link Road under Thingdawl RD Block ah hian 36,66,000 a awm bawka. Under Bilkhawthlir RD Block ah hian chutianga zat bawka chu a awm a. House zahawm takah hian Member ten kan han thawka a, kan zawt e. Kan ti lo, kan ti te an ti leh mai mai a. A pawika khawp mai. Hei hi chu ti tha leh se ka ti. Chuvangin, Plan tak tak a awm loh vangin BAFFACOS ah pawh hian nuai 600 kha mipui hnena thleng lovin Department 15 in an insem a, chu chu 3000 dang lo kal leh kha department 15 ah an sem leh a. Keini Congress Party khan duh lovin khawlaiah kan kal ta a, 3000 atangin mipui hnena thleng turin DC ah District 8 ah kan sem ta e, an ti a. Mahse, hei hi thudiklo a ni. An sema chu kan han en ta a. Champhai District chuan nuai 180 kan chang a. Aizawlin nuai 200. An sem zawng zawng chu 1250 a lo ni a. 300 - 1250 kan paih chu. n 1750 a la chuang ta a. Chungte chu khawng in hman kan ti a. An dik loh em em zia chu, hmannah BAFFACOS hmang dik lote hremna tur leh endik turin hma inla thei ang ngem kan ti a. 'Aw' an ti a. Hei hi lo hria se ka duh a ni.

Revenue Department ah pawh Tlangpuiteah hian Plot 50 an siam a, vawiin thlengin Tlangpuiteah In 50 a awm lo reng reng. Ka hrechiang khawp ka bial chu. Pi Laihmingi In atanga hetah Pu Luana In thlenga ka chhiar dap pawn In 46 bak a ni lo. Lungtan pawh Plot 96 an ti a. Plot-a an hmanna nuai 150 han en hian Plot khat siamna atanga kan en hian Rs. 1972.75p ang vel a ni a. Han chhut chuan Tlangpuiteah chuan thingpui an in lawk chung khan Rs. 90000 deuh thaw man an zuk teh hman a ni. Hmun dang dangah pawh chutianga chu a ni. Ngawirawh, Pu Dy. Speaker, hmanlai pawn kan inkawm thin kha. Hun chhete min pe leh leh.

Chutiang chu a ni a. House thudik lo kan inhrilh thin a. Hei Department tam tak kan nei a ni. Kan ram hmasawn zawngin a kal lo hrim hrim a. Chuvang chu a nih ka ring a, tunah chuan Ngawi rawh, min lo tibuai suh. Tin, Pu Dy. Speaker, a tak tak lawmawm ve tih deuh ka nei a. Mi harsa zual leh sawrkar hnathawk lote tan Health Insurance pek tur hi a lawmawm ve tih deuh ka nei a. Mi harsa zual leh sorkar hnathawk lote tan Health Insurance pek tur hi a lawmawm khawp mai. A tak tak tih a thain ka ring a. Union Finance Minister Pu Chidambaramin Outlook ah hian a lo sawi daih tawh a. Hengte hi an zuk entwawn a nih ka ring a. Health Insurance Course for unorganized sector to be launched on 1st April tih a ni. Chutiang khawp chuan central hianin Mizoram leh State dang tan te hianin project a rawn siam hi kan umpha zo lo a. A thenlai chu kan zuk ti ve a ni mahna. Khati khan min lo tibuai re re suh. Chuvangin, kan in enchian chu a ngai khawpin ka hria. Tin, House hi thudik hrilh tawh nise a tha ka ti, ka lawm e.

DEPUTY SPEAKER : Hei Pu Sangzuala kan lo ruat lawk deuh a nia, a chhuak leh ta daih mai si a. Pu Lalhmingthanga i sawm zawk mai ang.

PU LALHMINGTHANGA : Ka lawm e. Pu Dy. Speaker. Tun tum kan budget hi Fiscal Responsibilities and Budget management Act kan siam dungzui khan kan sorkar ten an rawn buatsaih chho hi theihtawp kan chhuah hi an tih tur reng pawh a ni a, lawmthu han sawi vakna tur chi pawh niin ka hre lova. A chhan chu a act a awm tawh hi chuan mandatory a ni tawh hrim hrim a. Khami dungzui khan heng budget connected papers, economic survey tih te micro-economic framework tihte leh thil chi hrang hrang an rawn buatsaih hi an tih tur reng a ni. Khalai kha point khatnaah chuan kan sawi duh a.

Tin, kan House Leader zahawm takin phek no. 20 para 96 ah khan kumina kan budget hi comfortable position tih khan a rawn sawi chhuak a. Kha kha Mizo tawnga kan zuk leh chuan sum dinhmun thlamuan thlak tak tih anga dah theih mai anih ka ring a. Amaherawhchu, uluk deuh taka zuk laih a. zuk chhut ngun chuan keina ka rawn sawitur hi chu a thlamuan thlak lohna laite han sawi chhuah hi sorkar leh ram tan a tulin ka hria a ni. Kan leiba dinhmun kha kan Chief Minister khan phek 19 para 93 naah a sawi khan 'debt stroke' a tih ah khan cheng vaibelche 3026 leh nuai 59 tunah hian kan ba mek a ni tih a rawn sawi a. Tichuan kumina kan budget pumpui kha vaibelche 2625 leh nuai 3.62 kha a ni a. Tichuan. kan leiba phurrit hi tuna kan budget a pumpuia plan leh non-plan kan han belh vek

hian kan budget hian a rul zo lova, a rulh zawh lohna hi cheng vaibelche 41 leh nuai 55 in a rul zo lo ta phawt mai a ni. Khami ina a rawn tarlan chu a mipui mimir hian kan hriat loh laiin a hnam pumpui leh state pumpui hi leiba rit tak dinhmun a ding kan ni tih a rawn tarlang a. Khatiang anih lai khan engtinng 'sum dinhmun thlamuan thlak tak' tia kan sawi tak mai kha dik tawk lo niin amah leh amah hi a inpho chhuak a ni.

Tin, a dawt leh a kan sawi leh duh chu hemi leiba hianin kan ram a khawih chhe nasa em em a, non-plan expenditure kan Chief Minister budget speech a kan zuk en chuan hetiang hian chiang takin a lang a. Sorkar hnathawk hlawha kumina kalral tur hi cheng vaibelche 708 leh nuai 37 a ni ta a. Chutih rual chuan leiba rulhna atan interest leh principal rulhna atan a total khan cheng vaibelchhe zathum sawmnga pakua leh nuai sawmnga a ni ta a. Hemi pahnih total a hi kan non-plan expenditure atanga kan pah thlak chuan a bang a hi tlemte a ni ta a, cheng vaibelchhe zali sawmkua panga leh point 55 emaw chauh hi khati lama hman tur kha kan nei ta a, hlawh leh leiba kan rulh hnuah chu chiah chu kan ram hian a tuar ta em em a ni. Kumtin a kan harsatna hi tunah mek pawh kan harsatna hi hei vang chiah hi a ni. Tichuan hei hian engnge ni a hrin chhuah kan tih chuan hemi hian kan assets leh thil dang maintenance Office expenditure te nen a a tum vek kha a lo ngai ta a, chutah tak chuan kan kawng repair ngai ngawih ngawih, khuar leh fur tuin a tihchhiat te hi kan siamtha thei ta lova. Tin, sorkar building hrang hrang, School building, Office building leh staff quarter zawng zawng PWD norms anga annual repair tur te, special repair tur te monsoon damaged repair ngai te kan repair thei ta miah lova.

Tin, khawpui hrang hrang leh Zokhua a kan electric L.T. line-a maintenance tur ho zawng zawngte kan maintain thei ta lova. a chhia a, kan tui supply ho kan maintain thei lova, khawpui lian Serchhip, Lunglei, Aizawl a tui pump atan power leina tur te tin, diesel leina tur te kan nei thei ta lova chu chuan harsatna nasa tak a siam a, mipuiin kan tuar ta em em a ni. Chutiang ang dinhmun anih lai chuan tlawr taka han sawi a comfortable position-ah kan ding ta a ni. han tih maia kha mipui bumna chi khat, kan nihna dik tak zuk sawi chhuah lohna laia ni hi a pawl em em ta a.

Tin, non-plan a Financial handicapped kan leiba leh hemi expenditure dangin min tihbuaina lai hian thangthar te a hrek nasa ta em em a. Hemi hi Finace Commission hrang hrang khan kum nga danah grant min pek dawn leh award min pek dawnah an rawn enchiang ziah a, an rawn hmuh chian avang khan hna thar siam min khap tir ta a, chu chu kan sorkar pawh MoU sign lo thei lo in a siam ta a, chumiin a tum ber kha chu hna thar siam tawh lova, hemi sorkar hnathawk awmsa atanga plan project-te leh thil dang reng rengte pawh a tam thei ang bera in manage turin a rawn nawr lui ta a. Central sorkar chuan chutiang ang hremna hnuai a.

chuan kan kun a, chutah tak chuan thangthar lehkhathiam leh thiam lo deuhthe pawh an ni ang e, nu leh pa te beiseina keng a rawn thang lian zel tan hian hna kan siam thei ta lova, chu chuan unemployment nasa tak a rawn siam a, tichuan thangthar te. hlawhtlinna hmu si lo te hian tunah pawh bengchheng tam tak an rawn siam phah ta a ni.

Tin, khami piah lamah khan Plan-expenditure atang kha chuan thil la awm lo awm thartur a ni a. Kan non-plan expenditure kha a position a chhiat bawksi avang khan, kut hnathawktute pawhin beidawanna an lo nei ta a. Kan ram hi vui leh vaina hmunah a lo chang ta a, hei hi a pawihle a. Kha kha tuna kan budget pawh hian a siamthatna tur kawng a rawn hawng hranpa lo hle a ni.

Tin, member zahawm tak tak ka hmaa sawitute khan an rawn sawilang zel a. Chutah chuan, hei kan thlir tlangpuiah chuan India sorkar chuan tunah State hrang hrangte an plan pawisa tur Planning Commission-in a han finalise pui a. India hmarchhaka State hrang hrang han enin ramdang chu thik phak lohah pawh dah ta ilangin. Arunachal te, Assam, Manipur an punna te Sikkim an punna te hi a sang hle hlawm mai si a. A percent-a zuk lak chuan Arunachal chu 56%, Assam 32%, Manipur 21% Sikkim 45% laiin an pung a. Keini hi 17.65% chauhin kan pung hi a lungawithlak loh a ni, an tih lai pawh kha, a dikchiah chuan Central Sorkar hian min pekchhiat an tum hrim hrim pawh a ni bik lo. Mahse, kan State pawisa dinhmun an han en a, kan tum ve tur awm ang a an ngaih kha keimahni lamh hian kan neilo tlat a. Kha khanin min pawthniam ta a ni. Chu chu kan Finance Minister thusawiah khan a lang chiang khawp mai a. Plan resources tihah khan phekk 9-na para 43-naah khan kan en chuan kan State owned fund kha, tawng pakhatat chuan balance current revenue tih pawhin kan sawi mai a. Khamiah khan minus-in kan kal a. Revenue surplus tia kan au kan au lai khan, an han chingfel chian dawn chuan kan plan finance rulhna tura min beisei kha kan thlen phak lohna minus hi 87 crore leh 91 lakhs a ni a.

Tin, Public sector hi kan siamna bulpui ber chu, sorkar department ai khan public sector chuan thil an ti tha zawk ang a, revenue an siam ang, tih beiseia siam a ni a. Mahse, kan public sector ho hi white elephant (sai var) chawmah kan chantir vek a. Management a that loh avangin, khati lam anbeisei angah khan minus bawkin kan kal a, tumahin hlep min siamsak lova. Revenue min siamsak lova. Rs. 1 crore 17 lakhs in minus kan ni bawk a. Hemi pahnih lakkhawm hi chuan Rs. 89.08 crore a lo ni ta a. Hei tak hi a puka min hnawhkhah sak bakah central resources plan kan hmuh atang khan an paih lo thei ta silova. Chuvang chuan Rs. 1089.08 crores plan fund-a hmu tur khan kan hmuh theih loh phah ta zawk a. Hmu tam viau ah kan sawi a, a pung nasa a ni, Rs. 150 crore in a pung a ni. kan tih lai hian kan Financial management hi tha tawk selangin, kan State own-fund ah hian minus lovin kal tak tak ni ila, public sector enterprises ho hianin heng aia tam minus lovin surplus min rawn pe ve selang chuan hei aia tam daih hi kan annual plan-ah pawh hian hmu tur kan ni a. Kha khan State dangte thik pha lovin min siam a ni tih kan Finance Minister

thusawi atang hian a lang chiang em em bawka ni. Tichuan, insawisel duhna lampang hrim hrim pawh ni lovin khang kan han lakchhuah hova kha amah kan Finance Minister ngeina House-ah hemi a rawn putluh a a rawn sawi atang hian uluk taka kan zu bih chuan kan Finance position hi ala tha lo hle mai, Siamthat tur ava la thui em tih kha a lang chiang thei a, khalai kha kan sawilang duh phawt a ni.

Tin, a dawt lelah chuan kan GSDP hi engtizia nge ni aw ka ti a, nikumah khan ka zawt a. Ka zawhna min chhannaah khan. hei hi a nia min chhana kha, a lehkha anga sorkarin a rawn tih kha. Helajah oral a chhan hman lohah khan a awm a, heta constant a kum 1999 - 2000 price level a an rawn sawi hi cheng vaibelchhe 1885.19 crores a ti a. Tichuan nikuma kan Finance Minister-in a Budget Speech a a sawiah khan heta constant-a a rawn sawi a hi hei nen hian a inmil love, vaibelchhe 2163.14 crores a ti a. Tichuan kuminah hian constant a an sawi kha a la dik leh ta lova, helai diklo hianin GSDP reference a kan budget dinhmun hi kan fiscal responsibility and Budget management act atanga zuk chhut vek a ngai tawh a, a man data a kha, kha kha a nih tawh si chuan. Chuvang chuanin hei aia uluk zawk hianin constant-ah hian thiltih ni ta se, constant a dik loh chuan current price level-ah rinhllehna a rawn chhuak ta thin a. Helai tak hi nakinah kan House Leader hian a wind up hunah min hrilhfiyah theih chuan a tha khawpin ka ring, a figure na na na hi chu dik tur a ni a, GSDP ah te chuan, mahseng khatiang kha min rawn enfiah sak leh selangin, nikum lama 1999 - 2000 constant price level-ah a sawi leh hemi ka zawhna min chhanna leh kumina a rawn sawi leha hi a in ang lo ta vek a nih hi engnge a awm zia? Hemi figure dik hi kan neih loh chuan kan correction path-a kan kalna turte. kan fiscal deficit hrim hrim a kha hemi kan Act-in min compelled anga 3% of GSDP ah kan dah thlakna lai turah te pawh khan inhnialna, kha kha tak tak a ni nge? Paper work mai tih kha member te thilungah chuan a lang lo thei lo va, khalai kha min hriatsak ka duh a ni.

Tin, a dawta ka sawi leh duh chu, nikumah khan ka sawi tawh a, hemi kan GSDP a Contributing sector hrang hrang pathum a kan han then kha kuminah hian a hming hi an rawn vuah dang lam ta deuh a, nikumah kha chuan Agriculture leh Allied ho kha Primary sector khan an rawn vuah a, tichuan industries leh allied ho kha secondary sector ti khan an rawn vuah a, chutiang chuan an rawn vuah thliyah thliyah a, kumin a an vuah dan hi a mawi hnai zawk ka ti a, service sector, Industries sector han tih te leh Agriculture allied sector han tih hi hei chiah hi nikuma ka han sawi khan kan per capita income zuk en a, GSDP nen a han chhut hianin a rawn tarlan chian em em a hi chu 2600 vel annual income-ah mitinin nausen pawhin Mizoram khua leh tui ni tawh phawt chuan kan nei tawh anga a lan lai hian kan budget hi enchian a ngai a ni. 80% vel mihring dinhmun hi chu khatiang ang per capita income nei awm khawp hian kan lang si lova, chuvangin kan pawisa hman chhuah dan ah hian equitable distribution to the owners of the budget mipuite ah hian a awm lo a ni ang tih kha nikum khan ka sawi a, kan House leader zahawm tak khanin heng

hi chu India ram context ah han thlir pawh hianin Hume pipe hnuaia zantin mut mai mai te leh Kolkata street a mu mai mai te pawh kha per capita han tih hi chuan a sang viau va, a rual tak tak thei lova tikhan min chhang mai a, mahse, khatiang mai a inchhang tur niin ka hre lova, hetah hian serious thinking taka kan thinlung zawng zawng a engtinng e Agriculture Allied-a 70% mipui an awm tih kha kan sawi mawlh mawlh a kan Governor te pawn a sawi a, hemi te dinhmun hi engtinng e kan chawikan theih ang tih kha kan agenda tur ni hian ka hria a, kan budget-ah te hian. Entirman, Central Sorkar budget hi sample atan han la ta ilangin Agriculturist te dinhmun a chhe em em a, an leibat nasat lutuk avangin in awkhlum te an awm thin a, khami chhanna atana kumin a central budget-a kan hmuh chu lonei mi nuai 40 te ba write off sak nan cheng vaibelchhe singkhat dah a ni tihte kha kan han hmu ta a, chutiang chuan thil pawimawh zual bik problem rawn solves-na atan khan budget ah hian thil a lang thin a ni. Chutiang kan budget-ah alang lo hi a pawl em em baw k a ni.

Tin, Fiscal Responsibilities and Budget Management Acts kan siamna chhan a kha budget hi mipuite ta a ni a, Mizoram mipui zawng zawng emaw, Andra Pradesh mipui zawngte kha rawn kal khawmin budget an siam thei lova, an pass thei lova, an discuss thei baw k lova, tichuan mipui aiawh rawn kal khawm hian kan discuss ta a, kan ta a ni a, appropriation te kan siam a ngai a. Khang kan tih loh chuan hman theih pawh a ni lo, a neitu hian a neitu nihna kan chan zel a ngai a, member zahawm tak Khawzawl bialtuin a sawi chhuak tawh a, a pawimawh ka tih em avangin kan sawi nawn leh duh a. Khami hrereng hian Parliament hian Finance Commission te hmangin budget management, Fiscal Responsibilities & budget management Acts neilo kha chu ensan duh hial khawp a India ram kawng a rawn zawn tak avang khan kan pass ta a ni a, chutah chuan Revenue Committee-ah khan a neitu baw k hian kan review leh a ngai a ni. Tuna kan review committee-ah hi chuan kan Finance Minister a chairman-a official ringawt kha an awm ta a, a neitu chu kan bang leh ta der mai ani, hei hi siamthat a tulin ka hria a, tih kan phut tel duh baw k a kan House tan hian.

Tin, tam kum a ni a, tam chhanchhuahna atan kan ruahmanna hi kan Chief Minister budget speech ah hian a mumal lova, hei hi Governor speech kan discuss-naah pawh khan ka sawi tawh a. Chuvang chuan hetah hian ama Finance Minister leh Chief Minister nihna power hmang hian fund mumal tak nei lo te han inhlawhfakna mai tur, employment generate thuai thua ina tur hi siam turin ka han phut nghal baw k a ni e, ka lawm e.

PU C.LALRINSANGA
DEPUTY SPEAKER

: An phar nual mai. Pu Thlenga leh Pu Hawla kha an phar naa Pu Sangzuala hi nichin deuh khan a phar a, ani hi i

duhsak phawt mai ang u hmiang. A thutna te a kil angreng bawk si a. Nakinah kan lo mangnghilh ang tih a hlauhawm a, Pu H.Lalsangzuala i ko ang.

PU H. LALSANGZUALA

: Pu Deputy Speaker, ka lawm e. General Discussion-ah ka'n sawi ve duh chu. ka hmaah ka member pui ten anrawn sawi tam viau tawh a. Amaherawhchu. Dis-

ussion a nih angin a pawimawbzia hi han sawilan ka duh a. Kan budget hi he kan ram dinhmun, tunah hei kum 5 kan han kalcho leh dawn a. Hetah hian kan ram mipui te, kut hnathawk tute, mipui hrang hrang hian tunah hian min thlir a ni tih hi ram roreltute kan nihna angah hian kan hriat a pawimawhin ka hria a. India ram hmunpui zawkah Delhi, Kolkatta kan tihte, hmunpui hrang hrangah chuan Budget Session an neih hian family thlengin an lo thlir a. Engtinge chutah chuan kan family kan kal chhoh ang? Tih kha an thlir dan a ni a. Mizo te pawh kan changkang tulh tulh a, tunah. kan kut hnathawktute kan tih, thingtlanga kuthnathawktu rethei tak tak te leh mi beidawng tak takte pawhin engtinge kan rorel khawlin tunah Budget Session an nei meka. engtinge kan hmasawn dan turte a awm? tiin min lo thlir dawn a ni. Chung ang chu tunah hei Budget te pawh kan pharh tawh a.

Hei Discussion kan nei mek a, tah khanin tam takah chuan hei thil tha tak tak te pawh a awm a. Kan Budget te pawh a pung a. Plan size te pawh a lo lian a. Mahse, kan Plan size lenna te hi han chhut chuan tih tham kan memberpui thenkhatin anrawn sawi tawh ang khan kei pawn ka hmu bik lova. Kan chhehvel State te, Arunachal tih ang reng te leh a State lian vak pawh nilo keini pawhin a kan zuk chhuk en zawk te mah mah pawh kan phak lohzia chu kan memberpui ten anrawn sawilang tawh nual a. 20 chuang an nih tawh laiin keini 17 velin hma kan sawn a ni a. Chuan kan leiba tamzia te han ngaihtuah khan para 29 naa a langah khan 150.8 vela han rulh phawt a, a dawt leh han rulh tur kha khatiang te a nih si chuan enga chu nge kan ramin hmasawanna tur atan tunah hian Sorkar hnathawk hlawh (salary) ah a kal leh vek ang a. Public chan tur kha tihtham a awm leh dawn si lova. Chutah chuan mipuite kan va beidawng dawn em a! tih kha kawng lehlamah ka ngaihtuahnaah a awm deuh a. Tin, kan ramah, kan thalai te tui a hal em em a. Tunah pawh kan mamawh chu kan thalaite infiamna kawngah te, Stadium tha te an duh a, kan hrevek a, kan sorkar pawh wawi tam tak an au va, tunah Assam Rifle helai hmunah Stadium tha tak kan nei dawn a maw kan ti a. Mahse, riva te pawh hei chi hrang hrang hi tak ni maw? A lo ri leh te pawh hi ngaihtath awm lo te pawh ka ti ve a.

Nikum Krismas dawn khan kan India ram lal ber kan President Pratibha Patil hmuin Memorandum 3, 4, 5, 6 vel thehlutin ka zu hmu

a ni. Chutah pawh chuan Stadium tha kan mamwh zia he India ram ropui tak hnam puanzar pawthlatu hi Mizote hi kan ni. Hnam tlemte kan ni, chuvangchuan. India ram pawh hi chawimawitu leh hnam puanzar chawikangtu kan ni. Stadium tha hi chu kan thalaite kan hnam hian kan mamawh a. Hnam leh ram tereuhte mah ni ila, min pek loh chuan thil tha lo tak a ni tihte pawh ka sawi ve nghe nghe a. Chungahte pawh chuan, a tumzia te pawh a sawi, Amaherawhchu, hei tunah kan Assam Rifle lammual a lemte pawh an tar tihte pawh kha kan hria a. Mahselangin, riva a tam leh ta hle mai a. thil chiangkuan lo hi a awm leh deuh ta nge ni tih thil chiang takin kei chuan ka hre lova, riva a tam leh te pawh hi kan thalaite a deng leh hle tawhin ka hria a. Heng angah te pawh hian rilru kan neih a ngai a, tah hianin kan budget ah hianin a lang tam lo leh hle mai si a, hei eng angin nge a awm dawn tihte pawh hi ka rilru a buai deuh a. chu chu kan sawi leh duh deuh pakhat a.

A dik takin hmanni lawkah pawh Muaythai-ah Foreign-ah intihsiakna turah India aiawha kal tur kan Mizo tlangval te cheng nuaikhat leh tih leka India ram ti pamthulh/tikhawtlai khawpin kan awm a ni. Chungah chuan kan infiam mite promote-na tur atan hian infiam mi kan thalai te hi dawmkanna kawng sport lampangah pawh hian budget-ah pawh hian ava lang tlem ve tih hi ka rilruah a awm a ni.

Chuvangchuan, tunah hian lehkha zir ngawr ngawr han ti dawn ta ila, kum tin mi a singkhat chuang Graduate leh Matriculate kan tih te mithiam an lo chhuak a. University chhuak mi tam tak kan nei ziah a, tunah chuan M.A. pachalin Constable an dil tawh a nih chuan, infiamna kawngah te pawh hian kan thalite dawmkana kawngah thalaite tan hmakhua an sat kaw deuhin Scholarship te leh anmahni lawman leh an phurna tur atan ei an zawнна tur atan education chikhat anihna ang thoin kan sorkar pawh hian tunah kan budget ah te pawh hian han dah tam ve sela, a thlamuan thlak tur. Kan thalai te mi beidawng tak takte hi an lo harhchhuak sawng sawng mai tur tih hi kan sawi leh duh pakhat a.

Tin, pakhat lehah chuan SHDC hmanniah khanin kan Kolasib bialtu MLA zahawm tak khanin a rawn sawilang tawh a. SHDC ah hianin sum leh pai hi hei tunah cheng nuai 1774.90 a awm a, kum khatah 2000 lakhs hei hi hman dan a ni. Hun rei tawh tak hei kum 15 chhung kan Chief Minister lo ni tawh Chief Minister zahawm tak Pu Lal Thanhawla hunlai kum 15 kal tawh atanga he laia Peace Accord siam sak an ni a. He H.S.D.C. implementation-na leh tihphuisuina turah hian engmah hma lak a ni lova, tunah hian Salary anmahni Office hlawhah ringawt a kal ral a. Development Council a hminga ni siin SHDC Development Council sum engmah pek hi tih tham a awm lova, kum 15 chhung ringawtah pawh hei a ngai reng a la ni mai a. Chuvang chuan lawmthu han sawina tur hi an tan a awm lo a ni.

Tunah anmahniin ramhnuai atanga lo chhuakin Mizoram chhungah Peace Accord tha tak neiin an rawn awm a, hengah chuan kan sorkar pawhin Development Council tihphuisui sak a, tunah pawh Engineer te UDC te LDC te mi engemaw zat hmalak tur a awm bakah anmahni Office sakna tur atan thil tam tak awm a hi engmah ala pe lova. Tunah pawh Development Council chungchangah an Chairman te pawh an ti ti pui tawh a, tun tum Budget Session ah pawh sum leh pai helaiah a lo lan danah hian a ngai thlap mai a hmasawwna tur tih tham pakhatmah a lo la awm si lova, hengah te pawh hianin kan tih tur kan ti lo tih ati lang chiang em em a. SHDC sum kalphung hi han ngaihtuah vang vangin an tan a beidawn thlak a ni.

Pu Deputy Speaker, tunah pawh helai an Demand Area chhung a MLA ve tho inihna angin min hriat sak lo ka duh a. Hetiangte hi chu kum 10 rorel tawh tan chuan, an tan chuan a beidawn thlak a ni. Tunah pawh Development Council pawh a phuisuina tur atan engmah hmuh tur a awm reng reng lova, tunah Development Council area-ah Suangpuilawn, Ratu bial ani a kan hria a. chungah chuan Development hmuh tur a awm lova anmahni hnathawk tur a sawrkarin a lo lak a te hi tihphuisuina pakhat mah hmuh tur a awm si lova, chuvang chuan kan Chief Minister, House Leader zahwm takin Central-ah Ramhnuaiyah kan lut leh ang a tihna ang khan, an ni pawhin an rawn ti ve mai ang tih Pu Deputy Speaker a hlauhawm viau lawm ni tih kha kan ngaihtuah leh deuh a ni.

Tin, a dang lehah chuan kuthnathawktu te tan hian hmasawwna reng reng a lang lovin ka hria, tunah hian han beisei tur hi a awm tam lo a ni. Kan Budget atang hian tunah hian kan Sorkar hnathawk te hlawh lak tur ringawt hi a ni a, mipui chantur a awm lova, kut hnathawktu ten leilet neilo ten leilehna tur atan pipe manah chutiang khatiing chuan a in hmathiamin kan tihphuisui chhovang a. leilet neilo te kan leh sak ang a tih kha term hmasa sorkarna atanga lo kal a ni a. Bulldozer te pawhin kan leh sak vek ang tih kha ni a, tunah chuan pipe pakhat pawh leilet a tui te, thingtlang lo nei lo leilet nei te pawhin hmasawwna tur atan pipe pakhat pawh an hmuh theih tawh si loh chuan a pawl a, lo neilo turin MIP kan sawi hmuh a. tahchuan rethoi takin an awm a. Lo nei lova awm siin MIP ah khan Lo an vat duai a. an phuisuina tur atan hmalak puina kan nei bawk si lova. Retheiin khaw tam tak beidawngin kan siam a ni. Chuvang chuan tun tum kan budget ah te hian kan kut hnathawktute Zokhua mipuite mangang tak takte hian hma an lo sawn ve theihna atan leh huan kum hlun te an lo tih phuisui ve nan leh plan hmuh tur kan budget ah a lang si lova. Hetiang chuan a kalphung pangngaiin a kalchho leh ang a, rethei ngaiin rethei te hi an awm reng si a. Chuvang chuan kan budget atang hian lawmna tur thil hmasawwna tam tak chu awm mahsela, kan ram hian hmasawwna tak tak tur leh kut hnathawktute tunah mi tam ber 70% kan nihna angah hmasawwna tur awmin a langin ka hre lova. Chuvang chuan budget lawmawm tak ni thei hian a langin ka hre lo a ni. Chuvang chuan tunah chuan kan ram hian kan ngaihtuah chian a ngai a. Ka tehkhin thin a chhungkhat pa rorel thiam lo thlathar hlawh a laka fa ten hnathawk thiam mang si lova

lo lawm hlimna lamah pawisa 400/500 tia pawt pawt kualah thlathar tawp tawh lampangah pawisa a awm ta mang si lova. Engtingge kan tih ang tih ngai ang deuh dinhmunah kan ding hian ka hria.

Tunah pawh Central-ah pawisa kan bat tam dan hi vaibelche 3000 chuang a ni tih kan hria a. Tunah hianin leiba tam chu changkanna tih ringawt hi a nilova, bat loh hi thil tha ber a nih a rinawm si a. Chuvang chuan kan dinhmun hi kan enchian a ngai hlein ka hria a. Tunah kan thiltih reng reng ti phuisui a, kuthnathawktute kan dawmkan chhoh a ei an hmuh theihna tur atan leh Lo neilo pawha ei an hmuh theihna atan Horticulture kan tih leh sum chang thlai an chan tir theihna tur chi, huan enkawlina kawngah kan dawmkanna kawngah hian eng ang chenin nge hma kan lak tih hi ngaihtuah chian a ngaiin ka hria. Chuvang chuan kan budget ah hian pawisa hi a tlangpui thuin a hmasa te kan khum a, a tam a, a tamna hi a tam tham a ni si lova, hetiang a budget ringawt pawisa hi a pawisain mipui ten sorkar hnathawk hlawh a kal bak hi chu kan ei thei chuang lova. Chutah chuan ei kan hmuh theihna tur atan hma kan sawn a, kan economy a san theihna tur atan hian ngaihtuah chian a ngai hlein he sorkar hian a ngai tih hi kan sawi duh a ni. Ka lawm e.

PU LALTHLEGLIANA

: Pu Speaker, ka lawm e. Hei he Sorkar chak tak hian kumli ngawt mai Budget pharhin vawikhat mah Treasury khar pawh awm lovin a kalpui hi a ropui a. Tun tuma kan budget

sawihoh hi Pu Speaker, U.T. kan nih lai atangin vawiiinni thleng a a san ber tum a ni a. a nep a ni tih ngaihna a awm lo. Assam te an population ngaihtuah a MP an ngahzia te kan thlir chuan anni ho te chu sang hle tur an ni a. A population base a thlir chuan Mizoram hi in va pe tam ve te pawh an ti ve bawk a ni. Arunachal te kan ti a, khilai angte chu China te nena inchuh mek lai a ni a. India Sorkar pawhin a tlawm lai te pawh a ni ang a. Engpawh nisela, budget hi vawiiinni angah hi chuan chhuk thlir an awma, thiam tak a chhoh thlir an awm bawk a. A chhan chu vawih khatah computer age ah kan lut phut a, internet nen khawvel kalphung zawng zawng an thlir thiam tawh a. Chutiang dinhmun atang chuan kan budget te pawh hi helama thil lokal tur leh kan ram a tahtawla a kal choh dan ngaihtuah mang si lova, chhuk thlir tan chuan a nep pawh a tih theih awm e. Lawmna tur hmuh pawh a harsa a ni mai thei. Tunlaiah 407 Motor hnung lama thu tepawh Mobile-in an hello puam telh telh tawh a ni. Chutiang dinhmunah chuan Zoram hi kan awm tawh a ni. Chuvjangin kan BPL te ang te pawhin ankalna apiangah Mobile an awrh fer fur tawh a. Chutiang dinhmun atngchuan heng budget-ah te hian rualawhna kan nei a nih pawhin tumah zuk in mawh chi pawh a ni lo. Amaherawhchu, kan budget neih zawng zawng a la sang ber a ni tih erawh hi chu kan hriat a ngai a ni.

Tin, he budget-ah hian tuilet hnua thil la thleng ngai reng reng lo Zoramin thil thar mak tak a neihte kan han hmu hi a ropui a, lawmna chang pawh kan hre turah ka ngai a. Heng Health Insurance-ah nuai sangnga ngawt mai dah a nih thu te, Medical re-imburement Zokhaw lam mite, rethei te te, khung ka bial lamah te Mamit District ah pheii chuan kan nat dan te, kan hreisel loh dan te hi a namai lo lutuk a, kei reingawt pawh hian ruang hi vawi 47 ka thawn thla tawh a ni. Chutiang dinhmun a ding, harsa tak damdawi In pan ngai si te, natna khirh tak tak nei ten an neih ro thil te hralhin an in enkawl a. Vawinah erawh chuan chungte tan chuan malsawmna ropui tak a rawn inhawng ta hi a va lawmawm em tih nachang kan hre lo a nih chuan mi mak danglam tak kan ni ang. Samak tih mai tur te kan ni a ni.

Chumai ni lovin kan-State chungla awm ngai lo, mi State Sorkarin an la neih miah loh Health Insurance pawh hi tu India State-ah mah la awm lo a ni a. Youth Commission kan din thei ta mai te, hemi atan nuai 48 lai dah a ni chho te hi a ropui tak tak a ni. Kan thangtharte tan hmasawmna ropui tak rawn inhawmna a ni a. Tin, ei leh barah te kan intodelh theihna turin MBP lamah te crore 20 ngawt mai dah a ni te hi a ropui a. Tunhmaa la awm ngai lo a ni. A dik takin hengte avang hian vawiinniah chuan Sapthei pawh hralh sen loh kan nei a, mahse, a concentrate kan neih loh avangin Infrastructure lamah nasa takin sorkarin hma a la a, nuai 161 in concentrate khawl te Finland ram atangin lei a ni a. Tunah chuan khawvel ram hmuntinah thawnchhuah theihin a awm dawn a ni. Tin, Grape te pawh tunah a tam ta lutuk hi a manganthlak a, engtinge kan tih ang tiin tunah hian Factories hmun engemaw zatah bun a ni ta hi a lawmawm em em a ni. Mipuite tana sorkarin hma a lakna hi a ropui takzetin ka hria a.

Tin, kawngpui nise, km 2427.81 tehmeuh mai laihzawh a ni ta te hi. Tunhmain kawnglaitute an awm ngai lo emaw ni le tih mai turte a ni. Tunah hian laih lai mek km. 500.17 he sorkar chak tak hian PWD hmangin a nei mek a ni a. Chutiang khawp chuan hmasawmna hi a kal a. Heng hi mipuite hamthatna tur a ni lo tih ang lek lekin kan sawi a. Entirnan : ka bial Rulpuihlim chu kha. w te tak te a ni a, tunhmain kawngpui pawh loh a ni a, Buhzem te tak te bulah bakho hnih/khat an hun chuan an lawm tawk viau thin a. Chutiang khua chu vawinah kawngpui a kaltlang meuh chuan kawngpui laihna ah khan a contract hna an thawk a ni lo. Retaining wall pakhat pawh an rem ve lo. Mahse, vawiiiniah an In leh lo en chuan Aizawlah an In leh lo sawnchho ta ila zahpuiawm pakhatmah an awm lo. An khawlaiah te chuan two wheeler te, taxi te a bawk ve ta fer fur mai a ni. A piah ah khung Lungdar khua ah te chuan Bus te pawh an nei tawh a ni. Chu chu a lawm thanna bul dik chu. Infrastructure putling a awm hmian ram a thang thei lo.

Hetiang khawpa thang chak leh ram rotling (assets) siam hi, ka la hmulo a ni kan ti maw. Anih leh Pu Speaker, I veilam amite sorkar lai khan an budget kha engzahnge? Vaveilche 300 pawh tling manglo te anih kha.

Chutah chuan Finance Minister khan engtingge thu a sawi, 'Kan awm that duh loh nawmchen uar luat avang hian, hei hian ka thauah a man a, ka awm a ti nuam lo a, heti zozai leibat avang hian Reserve Bank of India ngunhnam chuan ka hrawkah mi tin reng a ni', tih thu a sawi kha he House-ah hian Document a awm a ni.

Chutiang chu, a hma atangin bat inrochun avangin, khatih lai pawhin ka hrawkah Reserve Bank of India ngunhnam in min tin reng a ni tih lo rikna chhan pawh kha leibat tam vang a ni. Chu chu kan inrochun cho zel a ni a. Chutiang ang chuan vawiinniah hian leibat chu a awm. Mahse, State dang leibat kan ngaihtuah chuan a la tam lo a ni. Engpawh nise, ramin hma a sawn a, hma lakna hi a ropui em emin ka hria a. Heng Mizoramah hian thil la awm ngai lo he sorkar ah hian kan Chief Minister chak tak avang hian thil danglam pui pui kan hmu. A hma sorkarah pawh khan in hriat kha khawvelin peace chu an hria pawl thum zir lai pawhin an hria. bonus pawh an hria, a pahniha dah kawpna hi khawvel dictionary ah a awm ka ring lo, a hming pawh hi kan Chief Minister zahwm tak phuah a ni. Khawvel hmundang leh State dangin an thal ve theih loh tuikhur neitu chu kan ni. Chutiang chuan hmalak a ni a. Baffacos pawh hi ngaihtuah chiang ula India ram State ah khawiah mah an nei velo tam chungchangah kan lo inralrin theih na infrastructure puitlingte kan nei a, bamboo link road tha zawkte, agriculture link road te a lo awm khan mirethei zawk ten an thlai tharte kha an rawn phur thei ang a, chutiang chuan kudam repair te a lo ngai a. Chutianga inralrinna atan heti zozai peace bonus-ah khan Vaibelchhe 182.45 a ni a, BAFFACOS ah vaibelche 124 lai mai kan han dawngte kha tuman an la neih ve ngai loh a ni. Hetiang ang sawichhuaktu mi danglam bik Chief Minister ropui tak kan nei hi Mizoram tan vanneihna ropui tak lo inhawna a ni.

Vawiinah Tam lam kan sawi laiin sawitur hre vaklo ten nimin chanchinbu Vanglainiah te a lo lang a, kan MLA zahwm tak ten niminah leh vawiinah House-ah an sawi hi a 'cherhlun atangin tam an lokal' tih kha Cherhlun atanga lokal kha Pi Zothanpui kan MLA zahwm tak Pu Khawpuia te veng a ni a, pawlchhuak, khitah pasal a neihna chhan pawh Town and Country Planing ah Peon hna an thawh tir a, chu chuan a nei a, mahse kutkem a lo neih avangin a chhungten an rawn hnawtchhuak a, Cherhlun atangin. Chu chuan phuahchawpin mi pasarih hming siamin a fate telin hetiang hian a lo chhuak ta a, chu chu ropui berah ngaiin House-ah te kan han sawichhuak hi chu a zahthlak a ni.

Vawiinah hian BPL Buhfai thatzia ka fun vek tawh a kan Inah ka theihngilh hlahu chu mawle, helaiyah han present ve tur a ni a. Hei mai nilovin BAFFACOS sumin nikum lamah te mipui an inhlawh char char a, tunah pawh heng hi lo awm lo ta pawh ni sela, ni 100 inhlawhna NERFS Scheme ropui tak avang hian he thil lo awm theihna pawh hi India sorkar chuan Chhintuipui. Lawngtlai leh Champhai chauh a rawn ti a ni. MLA engemaw zatin kan Chief Mifnister zahawm tak kan zuk hmu a, ani hnenah tam kum te a ni si a, a rang thei ang berin hei hi feh chhuah pui

rawh India sorkar hian min pe dawn tho tho a nih chuan, tam kum denchhen hian beihpui thlak a ngai a ni. District zawng zawng ina kan thal ve theih turin hei hi phaiiah min fehchuah sak rawh kan ti a, theihpatawpin kan tam denchhenin a zuk nawr a, a indawt te te a District pe lovin District pumpui in tunah hian opposition bial District te pawhin an hmang thei dawn ta a, ni 100 an inhlawh bakah ni 100 an inhlawh chuan an thlawhhmaah an bung kim tak tak thei dawn lo. Chuvangin an thlawhhma nen pawh an inhlawh thei dawn tawh a ni. Chutiang ang khawpa thil ruahmanna ropui, mirethei te chhawmdawlina ni bawk, lehlamah tam tuar tana tanpuina ni bawk, hetiang ang sorkarin a han ngaihtuah chhuak te hi vawiinniah hian lawm ngawih ngawih tur niin ka hria a.

Nichina an sawi tak ang khan Social Welfare Department ah khan a tlem deuh e tih mai loh chu, Department zawng zawng budget a lo pung a, vawiinah hian Zoram pumpuia budget tam ber kum vawiinniah kan sawi mek a hi a ni a, chuvangin kan MLA zawng zawngte, Zoram mipui te, lawm tur kan ni. kan thenawm State lo kal rei tawh tak takte population tam tak tak te vawiinniah tehkhawng tur a ni lo. America budget phei chu sang tak a ni, miin an teh an teh lo, heng ang te hi vawiinniah hian lawm nachang i hria ng u. He budget hi a dik takchuan a lawmawm ani kan tih hi a pawimawh em em a ni. A dik takin thil thar lo lang, kan sawi tawh angin mirethei ten an inenkawlina bill an rawn thehluh a, khang an chawi zawng zawng an han hmuh letna tur a lo piang ta mai te hi India ram la awm ngai lo kan sawi tawh a ni. Youth Commission te pawh India ram a tin pawh an la tin chhin ngam loh kan sorkar hian zuk ti a mawle ! Heng zawng zawng hi hre rawh u, tuiet hnuah vawikhat mah ala awm ngai lo, vawiinniah hian a awm anih hi. Chuvangin, tunah hian ka zawh ah kan opposition leader pawhin ala rawn sawi ve dawn a ni a, ani chu mi senior a ni a. ani chu lawm nachang a rawn hre ngei ngei turah ka ngai bawk a ni. Awle, ka lawm e ka pu.

S P E A K E R : Sawi lo hi tlemte kan la awm a, Pu Lal Than-
hawla.

P U L A L T H A N H A W L A : Pu Speaker, hei kan budget hi ni e. kan ngai-
thla kumtin a pung chho tur a ni. Kan hunlai
ve nen phei chuan tehkhin chi a ni lo hrim hrim
a, chuvangin, hengte hi chu MLA ni ve chin
tawh hi chuan hriat ve tur a ni a. Vawkpui pawh Chief Minister selangin a pung chho tur a
ni. Heng hi chu, thil sawi ngai lo a ni a. Amaherawhchu, kan hotu thenkhatin an rawn
sawi chhuah zawk kha chu Pu Speaker, hemi pungchho rau rauah hian kan thenawm
keimahni ang tiat lek lek te ai hian kan pung tlem bik hi a vui awm deuh e kan ti mai a ni

a, an lawm lo pawh a nilova. Kei pawh chu chu ka ngaihdan a ni. Entirnan, Sikkim te hi protectorate State a ni thin tih hi mi pangngai chin chuan an hre vek turah ka ngai a. State India rama State an rawn nih vena hi a la rei lova. Tun hma zawng zawngin min umphak ngai lo a ni. 2007 – 2008 ah khan 691.14 an ni a. Keini 850 kan nih lai khan. Chumi te chuan min umpha ta mai hi helaiah kan hotu thenkhatte an insawi theih tehlu nen. a lungchhiat thlak deuh a nih hi mawle, a lawmawm tawk lo anih hi mawle an ti mai a nia. Pu Speaker, ngaih huat chi pawh a ni lova.

Tin, Arunachal Pradesh hi an punna dik tak hi chu 36% chauh a ni a. 110 atangin 1320 ah an pung a. Amaherawhchu, an fiscal management te a that avang te leh thil dang dang avangte hianin Prime Minister in special package an pe a. Rs. 265 crore a pek belh a. Chumi nen chuan 2065 a lo ni ta a ni. Ka rin thu ka sawi lova. A tak ka sawi a ni Pu Speaker. Tihbua chi pawh ka ni lo. Rin thu ka sawi ve mai mai ngai lo. Rin thu ka sawi ve mai mai ngai lo he House zahawm takah hian. Dawt pawh ka la sawi ngai lo. Hengah hian kan tlak lo em em hi a uihawm a ni kan ti mai chauh a nia. Kei pawh chu chu ka ngaihdan dik tak ani. Pu Speaker, Assam te, Manipur te chu kan va thik phak an nilova. Population ah an tam a. State ah an senior a. Amaherawhchu, tuna kan hotuten an rawn sawi kha chu kan naupan puite leh kan tiat pui vek siah hian kan van pung tlem bik em em ve. Kan hotu thenkhatte an insawitheih tehlu nen an rawn ti mai a nih kha.

Awle, Pu Speaker, a tlangpuiin kan Budget hi a tha ka ti a. A lawmawmna hi erawhchu kan la hmu chho zel turah ngai ila. Mizoram Fiscal Responsibility & Budget Management Act helai kan sawi kha Finance Commission in a phut avangin State tinin neih loh theih a ni lova. Kan han nei ve ta a. Khami hnuaiah kuminah Budget tha tak, mawihnai tak an rawn present hi a lawmawm ka ti a. Tin, hemi Micro Economic framework chhunga kan lo hmuh te pawh hi thil hmasawmna changkang tak a ni. A lawmawm ka ti.

Tin, kan GDP, helaia an rawn project ang a hi ni thei se chu lawmawm ka ti a. Growth rate hi All India ah 8.7. vel anih lain tunah hian an rawn project-ah hian 6.74 a ni a. Pu Speaker, amaherawhchu, nikum lama kan GDP te leh khatiang figure hrang hrang han en khan hei hi kan achieve angem aw? tih erawh hi chu kan leiba te leh kan debt, khami component te nen khan kan hlauthawng deuh a. Nikumah GSDP 2007 – 2008 ah khan 3287.879 crore tin a inziak a. Amaherawhchu, a figure a dik loh dan kha nichinah kan ngaithla tawh a, ka sawi nawn dawn lova. Kei pawhin ka lo note dan a ni a. Heti anih si hi chuan heta kan projection a hi chu kan achieve lovang tih ka hlau a ni. Chu chu a sawiselna lam ni lovin, a figure a dik loh chuan a statistics a dik loh chuan kan planning hi a dik ngai dawn lova. Kan planning a dik loh chuan, helai kan tum ang hi kan achieve dawn lo a ni tih kha ka zuk sawi duhna mai zawk a ni. Engpawh nisela, hetiang ambitious deuha projection lokal hi keimahni, a sawrkar neitu te leh a sorkar hnathawkte pawh incentive petu leh thawh chak

tir theitu an nih ka beisei a. A lawmawm chu ka ti tho tho mai. Tha ka ti. Amaherawhchu, kan figure neih ang te nikum lama mi te leh tuna an rawn projection te kan en hi chuan he target hi kan achieve lo ang tih a hlauhawm thu ka'n sawi mai a ni.

Tin, thil thar tha tak tak kan hmu a. lawmawmah la chang turah ka beisei a. Hei tunlaia khawvelin kan intlansiakna ber Information Technology Department te kan create dawn tih te an rawn sawi hi a lawmawm a. A tlai tawh mah mah zawk a ni, hemi khawvel intlansiakna kawngah hi chuan. Amaherawhchu, tunah kan han tichho tur hi a lawmawm a. DOEAC te hi kan beisei aiin kan sorkar hian a hmang tangkai lova. Tangkai zawka hman theih tur kan thalai ten an chhawr theih tur zawk hi kan beisei aiin an chhawr tangkai lo kan ti a. Tunah keinin a department kan sorkar hian kan neih chuan thangthar lo la kal zel tur te tan thil tha tak a thlen chhoh theih ka beisei. Hmanniah te kan sawi tawh a, call centre an tih te pawh hi kan neih ve a hun tawh a. Employment-ah nasa takin kan thalai te a puih dawn avangin. Tin, previlege class ami ni mah sela, hei sorkar hnathawk officer thenkhat te eng ang branch in nge ka hre lova. Economy measure avanga an motor han chhuhsak te tan leh midang dang tan special car loan han siam turte leh a interest pawh nominal deuh a han tihsak te hi sorkar hnathawkte welfare ngaihtuahna kawng anih avangin tha ka ti a. Lawmawmah la chang thei turah ka ngai.

Tin, Medical Re-imburement hei, reference kan tih ang hi thil lawmawm tak a ni a. Kan ramah chuan neih duh tan pawh neih theih chi a la ni ngai lova. Kan economic, financial dinhmunin a tlin lova. Hei hi thil tha a nih rualin ICICI Lombard ang lek kha an kalpui palh chuan a pawi dawn khawp a ni. Anni kha chu sorkar hnathawk, mi lekhathiam leh chungnung zawkte an nei a. Tuna mi an zuk cover tur hi chu ka tawng an huatthu suhah, mi hnuaihning zawk, lekhkha thiam lo zawk, harsa zawk te anni a. Chuvangin a enkawl dan leh a kalpui dan hi fimkhur a ngai hle dawn a ni tih hi ka'n sawi duh a.

Tin, Prime Minister in a puang tawh a. BPL Family tan tin, Health Insurance scheme te pawh central-in a puang a. Tichuan, chuta tang chuan hei State thenkhat chuan a benefit te pawh an lo hmang nghe nghe tawh a. Punjab te Haryana te chuan khami a a contribution te pawh kha State contribution kha 25% a nih lain Central contribution kha 75% a ni a. Tunah hian budget ah sum han dah ve sela kan sorkar hian heng atanga entawn hian keimahni State pawisa hmang vak lo hian Central in an kalpui ang hian a kal theih angem tihte min ngaihtuah tir a. A chhan chu chanchinbuah te kan hmuh angin sorkar hnathawk ve lo te tana medical reference/re-imburement tih theih tur hi ADB (Asian Development Bank) atangin sum tam tak puk a ni tih a ni a, agreement pawh ziah fel tawh a ni tih kan hmu a. A tuk lawkah erawh chuan an rawn sawi nawi leh a. Hei hi tak tak a la ni lo tih te a ni leh a. Engnge dik ber tihte pawh min rawn hrilhfiaw turah ka ngai a. Engpawh ni sela, thil lawmawm tak a ni a, amherawhchu, implementation a kha ICICI tih ang niaih a nih kha chuan mi harsa

zawkte tan phei kha chuan harsatna siamtu a ni dawn a ni tih kha sorkarin hre reng khan han ngaihtuah se tih hi ka duh a.

Tin, nichinah Mamit bialtu zahawm tak hnen atangin kan ngaithla tawh a, heng hrisel lohna avangin neih thinglung khawngin neih loh thleng thlengin sum te ngaihtuah a ngai a, khatih rual khan Falkawna Referral Hospital te hi thahnem ngaihna ne ram hmangaihna nen, kan hnam asset tur ani tih hria a kalpui chu ni selangin zangkhaina awlai zawk kan lo nei daih tawh tur a ni tih te min lo ngaihtuah chhuahtir a ni.

Tin, budget pumpui a lo pung chho ta hi a lawmawm khawp mai. Pu Speaker, amherawhchu, a lawmawm rual rual hian a hman dan dik a hi a pawimawh zawk a, vawinna kan budget hman lai te pawh hi thahnem tawk tak a ni. Baffacos sum te pawh a thahnem khawp mai. A hlawka te chuan an hlawk pui nangiing, mahse, a thlenna tura te a thleng phak lo zawk a hi vawiinah kan buaina leh kan sawia te a ni a. Chuvangin budget-ah chuan sum tam hle mahse. tha hle mah se, a implementation a hi a pawimawh a ni tih hi kan sawinawn leh duh a. Hei a tha lamah chuan III Battalion I.R., IV Battalion I.R. kan han raise te, kan raise leh turte pawh hi thil lawmawm tak a ni. Kan thalai sangtelin hna an hmuh phah a, hei hi thil lawmawm tak a ni. Amaherawhchu, hengte hi kan ram a thil tha anih laiin a lak danah te hian hleih neih nasa lutukte leh diklo lutuk te awm thin hian sorkar a timualpho a. hnam pawh min timualpho a ni. Chuvangin, hengte pawh hi dik taka a tha thei ang bera kalpui a nih hian kan ram tana thil hlawk tur anih angin a hlawk thin a ni tih kan hriat a pawimawh khawp mai.

Central ah budget tha tak kan hmuh hlim a ni a, Pu Speaker, 60000 crore loan _____ ringawt pawh hi tute emaw tawngkam takin tuilet hma India ram la awm ngai lo ani a, a lawmawm em em a ni. Mi tam takin Educational te leh khatiang Zokhaw lampanga kan kut hnathawktute chawikanna kawngah te sum tam tak dah a ni a. Sawisel tum ber pawhin sawisel ngaihna an hre lo a ni. Chutiang khawpa tha chu a ni a. Tin, hengte hi a that em avangin an implement thei lo ang kan ti a. thingtlang lo nei tuten an tuar ang, chuti khati an ti a, amaherawhchu, Pu Speaker, an han kalpui chho zel a, tunah chuan farmers tam tak an lei bat nasat lutuk avanga in awhhlumna State pawh a awm tan tawh a ni a. Chuvangin heng thil tha te hi entawnin kan ramah pawh kan tih ve a, kan rama lo neitu harsa tak takte pawh hi hemi benefit hi keini hian kan phut bawka ni.

Tin, thil tha eng emaw, lawmawma chang tur a awm laiin a tha lem lo, thahnemngaihna avanga han sawi chhuahtir ngai a awm nual a ni. Vawiin thleng a separation of Judiciary implement that a la ni lo te hi a State ang pawhin a tlawmngaih thlak, a zahthlakin ka hria a. Hei, thubuai neite kan ni a. Heng atang ringawt pawh hian heng a sorkarin helaiah implement a ni tawh a ni, an tih thin te

pawh hi a nih loh zia chu a hre Chiangtute kan ni a, a takin tuar lo mah ila, a taka hmu phak tu kan ni. Chuvangin judge an han nghaisak thin dan te, Govt. Procecutor an han sawisak thin dan atange hian separation of Judiciary from executive hi a la awm lo a ni tih hi a Chiang khawp mai. Chutiang chuan, heng ang zawngah pawh hian mipuite tan zangkhaina athlenna turin hemi system hi sawi tur tam tak a awm a, ka sawi hman dawn lova, tunah hian kan sorkar hian a nih dan tur dik taka a kalpui hi tha ka ti a, chutiang chu ka phut thu kan sawi duh a ni.

Tin, BAFFACOS kan sawi lar hle a, mipuite harsatna avangin kan hotuten an rawn sawi tam a ni mai a. Vawiinah hian a sum chungchang kan han en chuan Mizoramah hian tumah Mautam tam vanga mangang lo tur leh chhuanchham lo tur kan ni vek a ni tih hi chu a mimawl lam pawhin kan zu hmu phak a ni. Amaherawhchu, a implementation bawk kha a dik loh avangin vawiinah hian hmun tam takah harsatna an tawh a ni a. Chumi atan chuan kan member zahawm tak tak ten kan sorkar an phutna te an rawn sawi tawh avangin khang kha chu ka rawn sawi chhuak lo ang a. Amaherawhchu, tun aia nasa zawka kan sorkar hian tan a lak loh chuan, in phal zawka a kal loh chuan, fur pui te a rawn thlen hunah meuh chuan kan mipuite hi an ngaihtuahawm hle ani tih hi chu a taka hmu tute kan nih avang hian heng kawngah pawh hian Central sorkar a inhuam ang zel hian kan State pawh hian a hmunah a tuartute leh a neitute kan nih a vang hian tan an lak kan duh a ni.

Tin, BAFFACOS leh National Rural Employment Guarantee Act hi sawi pawlh chi a ni lo tih hi helaia thu chin hi chuan kan hriat a thain ka hria a. National Rural Employment Guarantee Act hi chu India rama hmun tina sorkar hnathawk awm ve lohna chhungkua ten ni za tal inhlawhna an neih ve theihna tur atan a UPA sorkarin huaisen taka a rawn siam chhuah a ni. National Rural Employment tih a ni. National Urban tih a tel lo reng reng a. Tin, Mizoram Rural Employment Guarantee Act tih a nilova, National a ni. Chuvangin UPA sorkar programme a ni a. Tin, thingtlang lama sorkar hnathawk awm ve lohna chhungkua ten inhlawhna changtlung tak ni za tal an neih theihna tura tih a ni. Tin, hemiin a tum chu helaia inhlawhna awm a inhlawhfa duhte an va inhlawhna tur a ni tih lampang a ni lova. inhlawhfak mamawh ngawih ngawih an awm a, chungho tan chuan sorkarin inhlawhna a siam tur a ni tih a ni. Tin, sorkar hnathawk awm ve lohna chhungkua te tan tih a nih avangin sorkar hnathawkte a huap tello tih pawh hi kan hriat tel a ngai a, tin vawiinah hian tuma zuk sawi vang ni lovin India ramim, UPA sorkarin thingtlang lampang a ngaihtuah avangin a hmasa ber District 200 an thlannaah khan Saiha leh Lawngtlai District thlan tel ve an ni a. A kum 2 naah khan Champhai leh Lunglei an belhchhah leh a. Tun April thla atang hian India ramim District zawng zawng a huap dawn a ni tihte pawh hi MLA chin chuan hriat ve a tha. Chutiang chu NREGA hi anih avangin tam dawm nan a ni hranpa lova, GAFFACOS nen inzawmna a neilo tih pawh hi hriat a thain ka hria.

Tin, Pu Speaker, hei Look East Policy hi kan sorkar hian a sawi tam lo hle a. Look-East policy an tih hian India laipui atangin Look-North -East India tihna angah kan ngai ni te pawhin a lang a, a pawi hle mai a. Hei, Chhimtuipui, sawtah Akyab ah chhuahka kan neihtur hi 1997 ah daih khan Burma sorkar nen inremna atanga lo chhuak a ni a. Khawmual ah kawngpui, luipui ah chhuahka, chu chu joint survey te pawh neih tan a ni a, mahse, a thi ta vang vang a ni. Mahse, he Look-East policy hian a rawn kaitho leh a, tunah hian Central sorkarin kum 3 chhunga zawh tumna an rawn neite hi thil lawmawm tak a ni a. Kan hun lai atanga kan hotute ina an lo kal pui daih tawh kha a ni.

Tichuan, tunah hian India hmarchhak pumpui tan leh Look-East policy tanpuitu atan a tha a ni tih an hriat avangin India sorkarin tunah hiar hma a rawn la cho hi a lawmawm takzet a. Hetah hian kan State hian advantage nasa taka lak ve a tha a. Tin, N.E. min ngaihtuahnaah hian, hei Airport te pawh engemawzat siam belh tum a ni a. Chutah chuan kan State atang hian chutiang zawng chuan proposal a la awm lo niin kan hria a, a pawi hle a. Helai ah min rawn thutchilh a. min lo Committee hnan pawhin, hetiang zawnga State dangin an neih teuh lai a kan nei ve lo te hi pawi kan ti a. Hengah te hian kan sorkar hi hma la turin kan phut a.

Tin, South East Asia ah kan unaute nena insumdown tawnnate leh Economic development hi a ni emaw, Infrastructure development-ah a ni emaw, kawng hrang hranga hmasawna tur kawngah hian kan thenawm State te State ralmuang ber kan ni inti si hian kan phak lo hi a pawi khawp mai. Hmanni Bangkok Conference-ah te pawh khan kan thenawm State thenkhat ralmuanglo zawkte hian tam tak hnuhluh an nei ani tih te chanchinbu ah kan lo chhiar a. anmahni atang pawhin kan hmu ve a. Hengah pawh hian tan lakna tur kan nei a ni tih hi kan hriat a tha.

Tin, Law & Order hi tunge maintain ber tih pawh hriat a har hle mai a, kan sorkar nge, zu & drug chungchangah hi chuan YMA te an ni em? A chang chuan midang dang hian chumi/khami chu a man tih te kan lo hmu a. Chuvangin Law & Order maintenance ah hian a machineries te hi kan tih that hle loh chuan State/ram angin kan mualpho ang tih a hlauhawm a, tualthahna rapthlak tak tak a thleng thin a. Tunah hian chhuichhuah loh tam tak kan nei a. Chung a langsar zual deuh thenkhat te chu - Phailengah nu pakhatin Gun running chungchang leh thil dang dangah a hre tam lutuk a, dah that a ngai a, chhuichhuah an nil ova, FIR a wm pawh kan hre lo a ni.

Tin, crime rate tih te pawh hi a dip nachhan hi vawiina kan sorkar kalphungah hian mipui ten confidence an neih loh avangin a crime a hi an report peih tawh lova, an duh tawh lova, tul an tih tawh loh avangin a dip mai a ni tih te pawh hi kan hriat a tha. Chutiang chu a tak kan han enquire a kan hmuh a ni.

Tin, chutah Isaac Hmar an tih chu Bairabi ah bamboo project nei ve turin nasa takin a inbuatsaih a mahselangin dah thatin a awmleh ta mai a, vawiin thleng hian a titu chhui chhuah pawh a la ni thei lo a ni. Hmanniah inthlanna thianghlim felfai kan neih theihna tur atan theihpatawpa tan latu Rev. Chanchinmawia chu dahthatin a awm leh a rapthlak takin mahni inthat kan ti leh ta mai te hi kei a rapthlak ka ti a, mahni inthat turin pa bonra tak pawh niselangin thinhnuna invit a, ball pen pil thei khawpa invih te te a, ka la thi lo ti a hrawk a invit leh a, ka la thi chuang lo ti a lu a tuboh a inchhut leh a ka la thi lo ti a tuboh a mahni kaihza te zai chat khatiang kha mihring hi an van ka ring khawp mai nia mawle. Chuvangin kan police mithiam tak takte pawhin tiang thil rapthlak titute chhui chhuak thei lova, an awmnachhan te pawh hi machineries lamah te leh thil dang dangah hian incentive kan pe tha lo nge ni kan discourage zawk tihte pawh hi keini ang mimawl tan chuan hriat phak a har ta. Hetiang zel a kan kal chuan State ralmuang ber kan tih hi State ralmuang ber kan ni thei dawn lo reng reng a, vawiinah pawh hian kan sawi tawh ang khan State ralmuang ber hnuaiah chuan a ni mai thei.

S P E A K E R

: Ngawi rawh aw, hei kan hun a tawp a engtin nge kan tih ang? Kan chawl phawt anga kan chhunzawm leh ang nge ni? Tihian sawi lai mek hian sawi zo selangin sentence tawpna

anah tawh ka ring a. Chumi dawtah chuan kan House leader-in sawi duh a neih ka ring a. kan sawm ang a, kanzo law law mai dawn amiang? Aw, anih aw.

P U L A L T H A N H A W L A

: Awle, Pu Speaker, ka zawhna tur a ni tawh a. Engpawh niselangin kan budget hi tun tumah hi chuan a pumpuiin a that ber tum pawh a ni a, lawmawmah a chang dawn em tih erawh

hi chu hun in a la hriat ang a, chutah chuan ka'n han sawi duh zawk a chu vawiinah hian kan ram ina a mamwh ber chu Governor pawhin a sawi tawh angin 70% mipuite hi riltama an thih lohna turin, manganga an awm lohna turin vawiinah hian kan sorkar hian hma la se kan duh a. Chutah chuan tih theih kan neih chuan tanpui pawh kan in peih a. Hei entir nan mai mai Serchhip District-ah chuan khaw fal takin a awm a ni. Hmanni khan kan hotu thenkhat te zuk kal an duh a mahselangin lo kal lo mai rawh u in lo kal pawhin zan riak suh ula, a chhan chu kan tam em a ei kan nei lo an ti a ni. Chutiang chu helai hnaivai deuh a an dinhmun a nih chuan a hla zawk chu an ngaihtuahawm hle tih a hriat a. Cherhlun ami tute emaw bumhmang emaw, mi rinawm lo tute emaw vang khan a dang hi kan ngaihthah tur a ni lo keini saw kan awmna a ualau a tawng mawilo ni

suh sela, tuk tin hian pawisa khawn eng engemaw mi bum tumte khawngaih thlak hi kan tawng a, chutiang chu vawiinah hian kan harsa telh telh ang a, an tam telh telh dawn mahse, chungte avang chuan mi dik leh that te kha kan tawrh tir tur a ni lo tih hi kan ngaihtuahna tur nise ka duh a. He Budget tunhma zawng aia sum tam ta zawk a hi a hman danah kan sorkar hian fimkhur sela hun leh zelah pawh tun ai pung percentage te pawh hi a tam ve a, kan thenawm te zawng zawng aiahniam ber kan nih lohna tur hian tan la se tih hi kan duh dan a ni a. Ka lawm e.

S P E A K E R : 2008-2009 a kan Budget chungchang General Discussion kan neih chu kan zo a ni ta a, tichuan kan sawi hona te han hrual mum turin kan House Leader i lo sawm ang u.

PU ZORAMTHANGA CHIEF MINISTER : Pu Speaker, ka lawm e. Kan Budget general discussion kan han nei neuh neuh a kan member te pawh in kan sawi thahnem viauva. a tlangpuithuin kan thusawi pawh a puitling

hlawm khawp a kan budget buatsaitute pawh an puitling a. House kan kal danah pawh kan proceedings te a fakawm hlein ka hria a. Chu chu lawmthu ka'n sawi hmasa duh a.

Tin, he kan budget kan han siamah hian tunhma kan budget speech te pawh department tin te performance te han sawi kan nei thin a, amherawhchu, kha kha ni ringawt lovin Governor-in a tlangpuin kha lam kha chu a sawi tawh bawk a, kan Budget General feature kha sawi uar a thain ka hria a. Chu vingin, detail deuh, darkar khat lai sawi pawh ngaiin kan rawn present a. Thil hi kan zir chho zel a, kan thiltihah khan a fel lo laite pawh a awmin, Printing mistake 2007-2008 tih kha 2008-2009 zawk tur a ni a, khang te pawh kha kan Member zahawm tak ten an lo hriat thiam kan beisei a ni.

Pu Speaker, nakinah demand wise-in kan la kal chho dawn a, kan member zahawm takte han sawi zawng zawng a kha reaction han tih a, han chhang turin nakinah detail zawkin a department tin te demand wise a kan tih hunah te pawh lo la kal turah ngai ila. He kan Budget hi ni e, a lawmawm kan ti em em a kan duhthu a sam tawk lo thei a. Amaherawhchu, keini chu kan lawm em em mai a. hei kan Plan ah hian Central in min rawn tihdan angin 10% increase turin hei hi kumtin tihdan pangngai deuh a ni a za a sawm velin Plan pawisa pung turin lo inbuatsaih rawh u an ti a, chumi tur chuan 935 bawr vel tur a kan ngaih kha a ni a. Amaherawhchu. vaibelche 1000 laiah min han dah sak kha keini chuan lawmawm kan ti. Kum dang te

ngaihtuahin 100 a 17 zet a kan han pung a kha, kan lawm a, kan ai hniam te kan ai sangte an awm, khang zawng zawng chungah kan lawm khawp a. Kum dang zawng zawng aia a pun tam kum kan nei hi kan lawm a ni.

A lehlamah chuan sorkar laipui hi a buaithlak ang reng khawp a. State kan ni a, Central sorkar a awm a, sorkar laipuiin min chawmhlawm mai kan ni a, ti zawnga sawi pawh kha a dikna lai chu a awm a. Anmahni pawisa min peka kan intundin chhoh lai kha a ni a. A lehlamah chuan heti zawng pawh hian a sawi theih a, sorkar laipui hi enggemaw a nih le, ram pawh a nei hauh lova, mipui pawh a nei chuang lova. State amiin kawng chi hrang hranga thawhkhawm kha a lo manage a, a semruai a ni ringawt mai a. Ram pawh a nei hauh lova, State-in a thehkhawm semtu mai a ni a. Chuti taka haninduh tur emaw khami khawngaihna change maw, chang lo emaw kan nih pawh kha, enggemaw a awmzia le, State tel lovin sorkar laipui hi chu nikhat pawh awm lovin a tawp nghal chu a ni a, ti zawng pawhin sawi ila a dik tho mai baw a. A percent kha chu kawng chi hrang hrang pawhin a ni thei a.

Tin, chutih lai chuan sorkar laipui chungah kan lawm a ni, han ti ila, kan lawmthu han sawi ila. A dik a ni, tupawh kan ni a. lawm thiam hi zir a tha a. A lungnilo zawnga sawi dawn chuan ram buai tak te pawh an pe tam a, keini engatinge a percentage min pek tlem, apolitical-in inpuh dawn ila, tu pute nge ni, chutianga min pe tlem tu chu, tunge tah hian mawhphur tur, ti zawngah chuan tuna sorkar kengtute hi chu kan insawi fihlim thei khawpin ka ring a. Mahse, khati zawnga chhut kha chu a tha chuang hauh lova. Lehlamah chuan heti zawng pawh hian han ang ve ila, Arunachal te hmanni lawkah an budget management leh an financial management te chuan min phalo em em a ni tihpawh kan hria a. Engatinge Arunachal lo pawh Sikkim te an pun thur. China border ni ve ilang chuan kan pung tam ve khawp ang tun tumah pawh khan. Ti zawnga sawi kha chu a dik khawp ang. Tunlai chu China, ___hasa. Tibet buai nen, China in Arunachal rawn claim nen, Sikkim hnaih China border lo ni bawk nen. Khatiang zawnga ngaihbel dawn chuan pek tam awm reng a lawm, an intlawn siak a lawm. Tizawnga ngaihtuah chuan a ngaihtuah theih a. Mahse, Central-in khatiang zawng kha an ngaihtuah dan pawh a ni kher lo ang a. An mamawh an tih avangin an pe tam a ni mai a. Keini pawh engpawh nise, kan lawm khawp mai 17% pawh hi kan la pun ngaih hauh loh, kan han pung a, digit 4 a kan han kalcho kha chu a ropui kan ti a, kan lawm a ni.

Tin, ka sawi leh duh chu, nichin khan kan Member zahwm tak Pu Hminga khan, helaia kan GSDP chungchang thuah khan a rawn sawi kha a dik khawp mai a. Kan project a ni a, kan project ang chiah khan hetia han kal hian a thleng ta thin lova, he kan GSDP hi Central Statistic organization leh State sorkar figure a awm thei a. Tin, tlemin a danglam thei baw a, chubakah central sorkar nena fiscal tur a awm a, chu chu actual estimate kan tih kha a ni a. Tin, data khawh khawm a chawh chhuah vek pawh central sorkar nena la sawiho loh reconcile loh te

pawh a awm a, chu chu Provisional Estimate kan ti a. Budget chungchang thu kan han sawi a, Revised Estimate te Budget Estimate te kan tih ang deuh hian kan GSDP ah pawh hian advance estimate te leh quick estimate te kan nei a, chung chu kum a lo thar a data thar zawk leh dinhmun chiang zawk a lo awm hianin GSDP figure pawh hi tih danglam a ngaih tum a awm ve thin a. Chuvang chuan final data ah chuan.....

PU LALHMINGTHANGA : Pu Speaker, khalai taka kha chu nia ka rawn taka kha, kha kha chu ngai reng tura`ka ngaih a ni a, khalai ah khan a figure a kha a inang lo ta a, ka zawhna min chhanna figure kha vaibelchia 1888 vel ang khan min chhang a, mahse khami base tho si a a sawi a kha 200 chunglam anih tlat avang khan engatinge? ka ti zawk a ni.

PU ZORAMTHANGA : Pu Speaker, Engpawh nise khalai a figure
CHIEF MINISTER taka kha chu a en pawh kan lo in en chiang leh ang a, hetia han zawh chhuah a han chian viau loh chuan a figure hi chu khalai kha engeni adanglamnatih kha tihsual palh a awm thin a. Chuvangin nikuma kan GSDP kha constant price kha quick estimate mai ani a. Tun kuma mi hi Advance Estimate a ni a. Tichuan, tuna kan GSDP Advance Estimate figure pawh hi Nakuma kan quick Estimate nen chuan a danglam hret chuan ka ring e. Engpawh nise 2007 - 2008 kan GSDP hi 6.74 a project a ni a, hei hi kan growth rate hmanga kan project hi central sorkar nea kan sawihona actual figure lo chhuah hun chuan tlem chuan danglamna hret chu a awm pawh a awm mai thei e, engpawh nise khami basic lai kha chu a figure number kha chu a en pawh kan lo enchiang leh dawnnia.

Awle, kan Budget nature-a hi kan sawi duh a chu harsatna lian deuh deuh pahnih kan nei a, kan ramin a tawh chu a pui ber chu kan Mautam Tam a ni a, a dawt leh chu nikumah Fur nasa lutuk mai kawng chhia leh calamity lian thleng khawpin an kal kawp a, kan supply line pui kan rel kawng pawh thla 3 ngawt mai chhiain, tiang khan kan han awm ta, a chhiat zawng zawng a kalkhawm emaw tih tur khawp, khata tang khan kumin hi kan han tan chho si a, chulai chu a hah pawh a hahthlak khawp mai a. Chumi chu hrerengin kan budget pawh mipui nena inmil tur chi tihtham lo khan, a then hi chu heti hian inkal thei mai lawm ni tiin a then laia kha kan han uar a, khami mil a kan theihtawpa kan tam mila han kal chho tur kan nih avangin khang kha kan budget pawh hi min lo hriatpui kan duh a. amaherawhchu. mipui tana mamawh tur zual laia kha chu kan theihtawpin kan han uar chho zel a ni.

Tin, hei, Tamna a lo thleng a hetah kan theih tawpin sorkar pawh kan tang a, mipuite kan thlamuana harsa lutuk a in awmlahna turin sorkarin theihtawpin tan kan la e, tumah lo thlaphang suh u kan ti a, harsatna chu kan nei ngei ngei ang tih hi chu kan hre sa a, tampui kum tampui mitthi kan tih ang a ni a. Tin. Mautam loh pawn a harsa hi chu sang tel rual kan awm hrim hrim a. Mautamin a min chhilh leh phei chuan khatilai kha chuan kan harsat tur zia chu kan vaiin kan hre sa a. chutihlai in lawmawm tak chu Kohhran te, NGO te, mimal te leh pawl chi hrang hrang ten mipuite harsatna tanpuina atan kan theih tawpin thawhlawmte kan thawh a. Tin. chi hrang hrang kan zai te, games te k hmangin pawisa te tuakin mipuite harsa tan kan thawhlawm hi kan lawm tak tak, pawl hrang hrang, Kohhran hrang hrang leh mimal leh mi hrang hrang hneah hian sorkarin hei hi chu lawmthu kan thinlung tak takin kan sawi a. theih tawpin kan tang ho a ni tih hi, lehlamah chuan Sorkar in mualpho a lawm ti zawng pawhin a sawi theih a, e tam kum a ni a, sorkar kan mualphonaah miin an ngai duh a nih chuan an ngaih thei a. Mahse, sorkar hi mipuite siam a ni a, sorkar hi amah ringawt a kal lovin kohrante, Association te, pawl te, society te kan theih tawpa kan tan a kan beck up loh chuan sorkar hi a hranpain a awm lo, keimahni mipui tho kan nih avangin hetiang a kan vaia kan beih ho hi ramdang tan pawh an thawhhona ava tha em ! Zoram chu an in hmangaih tlang ngawt mai min tihna tur anih avangin sorkar mualphona lama ngai lovin keini chuan kan chhuang a, a lawmawm kan ti a, nasa lehzual a hetia kan tan hona pawh hi a lo kalzel pawh kan duh a, kan beisei a. Kan lawmthu kan han sawi duh bawk a ni.

Tin, Buhfai kan harsatna hi a dik chiah a. Nikuma kan harsatna lian ber chu fur chhe lutuk avangin Zoram chhung kawng Aizawl leh Champhai inkar kawng pawh kan han hriat ve ringawt pawh hmun za deuh thaw a minin kan hria an ti a, a then chu nasa vak lo te pawh a ni ang khatiang khan min pui tak takin min thuai a, kan sawi ang khan thla thum rail kawng an chhiat mauh a, chumi mautam in a min um chu a hautak a a rapthlak em em a ni. Chuta tang chuan kan rawn tan ta . FCI khan Mizorama kan thiar luhna ber tur Rail kawng lah kha, Halflong aRail inthlak ngai meter gauge atang khan broad gauge-ah Rail inlian chi leh te chi Rail inlian chi a phur kha a rawn tlan vang vang a, Bairabi thlenga la rawn tlan thleng thei a la ni si lova, a laklawh a a inthlak a ngai a, chutih lai a thla thum zet mai khulai a kawng an chhe bawk nen khan kan buhfai phurh chhekkhawm hian a tuar em em mai a. Chu chu kan buaina a ni a. an rawn siam ta hram a, khami hnu khan Mizoram a rawn chek kual hi Food Corporation of India (FCI) in a an hna tura sorkar laipuiin an dah ani a, chu chu a tur pawh kan zuk tur nasa. Amaherawhchu, kan duh anga an rawn chek loh avangin kan mangang a, an phurh ni tur tein kan zuk phur thin a ni. Tunah pawh chhim lamah kan phurh tur ania FCI in an ti a, an phur tam thei si lova. Kan mangang lutuk a, State sorkarin an phurh ai kan phur a. kawng chi tinrengin kan bei phei ringawt mai a ni. Hetah hian State sorkar ah buhfai chhek khawl-ah hian inmualpho a ni min tih pawhin a neitu na na na chu kan nihna lai a awm a. Amaherawhchu, heti zawng hian sawi ve ta ila, sorkar laipuiin a rawn dah tura a tih FCI in an tlin loh avangin State kan mualpho anih chu. Chuvangin, pa ten thei thur an ei a, fate ha

tim ve ta a ni tihna a ni ve bawk awm e. Chuvangin, sorkar laipuiin phur tura a dah a te an failed tak avangin State sorkar ha a tim a, min timualpho ti zawnga kan sawi chuan a duh apiangin a sawi theih a ni e.

Amaherawhchu, FCI an failed avangin hei hi State sorkarin harsatna kan nei a ni tih erawh kha chu anihna tak a ni e. Tin, buhfai leina chungchang thua chuan vawiinni thleng hian kan harsa, kan theihtawpin kan lei a. A pawisa chu a awm ang ang kan hmang a, Supply Department-in kan mamawh e an tih chu kan pe zel a, aman to a nih pawhin kan lei a, aman tlawm a nih pawhin kan lei a. Helamah hi chuan problem kan nei lova, kan eilo ti mai ila, kha kha kan la inpe thei zel a ni hei hi chu. Amaherawhchu, helai kan sawi duh lai chu kan BAFFACOS ah pawh khan hmanna ka sawi ang deuh hlek khan BAFFACOS hi buhfai leina tur atan kan target pawh a ni lova. Tin tam lo thleng tura kha kum 2004 – 2005 ah chuan kan la Tam lova timai ila, kha Mautam a kha a la intan lova, amaherawhchu, khata tang khan lo thleng tur atana lo inbuatsaiha lo fight tura a facility tura he BAFFACOS hi tih a ni. Chumi anih avang chuan Sazu a lo la puang lova, Tam a lo la thleng lova, mahse, a lo thleng dawn tih kan hriat si avangin kawng chi tinrengin kan lo inbuatsaih ta a. Vaibelchhe 125 kha ani naa, 2004 – 2005, 2005 – 2006, 2006 – 2007 2007 – 2008 kha kum e chhung kalta khan kan lo inbuatsaiha tichuan kan han insem darh den den a. Tikhan ka sawi taw hang khan 2004-ah khan 20 crore ani a, 2005 ah, 2006 tawpah 40 a ni a, 2006 – 2007 ah 30 a ni a, 2007 – 2008 ah 35, khatiang khan 40 te, 20 te, 30 te 35 te in kum khatah a crore hman tur chu kan nei a. Kha kha Department-in kan han insem den den a, kan fight-na chu heta kan sawi ang khan a pui berah chuan kan hlauhthawn ber a chu buhfai kan lei a kha a lokal ang a. thingtlang khua athleng thei si lovang tih kan hlauh avangin khali kalkawng (kawngpui na na na chu a ngai lova). Amaherawhchu, Jeep road kan tih ang chi khami pawhin connect loh kha engemaw zat kha connect tawh pawh lo chhe si a kha, kha kha kan ngai pawimawh em em a, kan pawisa hman tamna ber pawh khami connectivity-ah khan kan hmang ta a. Tin, chumi rual chuan kan Godown repair te, a thar siam te, khang te kha a lo pawimawh a.

Tin, chulovah chuan mipuite eizawna alternative engnge ni kan lo inbuatsaih lawk thei ang. Government in in hmalakna ah hian Agriculture ah Sericulture ah hemi lamah hian tan lo la rawh u. Fisheries ah Vawk vulh ah kan ti a, kan han ti ta char char a. Khang a in pek te kha, a dawng awm lo deuhvin an lo dawng intih pawhin a awm lai pawh a awm ang. Khalai pheih kha chu. a tlangpuithuah chuan khalai kha a detail pawh en ila a tha thawhkhat a. heng ho hi chu a dik chiah lo a ni tih lai, kan Member zahawm tak ten In 50 ai tam lova 46 ti a engemaw awm lai chu a lo awm a ni mai thei a dik pawh a dik ange, amherawhchu, a tlangpuithu a kan tih a chuan hemi lai a kan han kal chhohnaah hi chuan he Mautam lo thleng tur lo in tan lawkna lo in facilitate nan kawng laih te, khang eizawna chi hrang hrang te kha kan lo ti a. Hei a detail pawh ka rawn ti a, amaherawhchu, a detail leh zualin kan Member te pawh ka rawn pe ang che u ang a. Tin, khatih lai khan hemi a

tam bera hi chu Rural Development hi a ni a. Anni pawhin kawng laih bak ah inhlawh fakna mipui inhlawhna nikum lamah te phei chuan, engatinge kan tih chuan tam nasa tak a lo thlen tak avang khan ngawi rawh u khati lam a ni thei ta love, inhlawhfakna a ngai kan ti a, engemawzat phei chu Buhfai manah pawh kan hmang ta nghe nghe a. kan hmang phal chiah lo zawk a, kan Non-Plan atangin Buhfai man a hi chu kan ti ang a. hei hi cnu mipui inhlawhfak nan kan ti a. Hei hmun tam takah kan NRG ni 100 inhlawhna kha la thleng si lova, khamite inhlawh fakna tur khan kan bei ta chur chur a. Nuai 1000 telin hetah hian mipui inhlawhfak nan pawh kan ti ta ni. Kha kha kan hman dan tlangpui kha kan sawi leh thuak thuak a ni.

Tin, hemi kan Budget hi Agriculture Oriented a kan theih ang chin chin a kan kalpui a ni a, amaherawhchu, Mautam kum a nih avangin kha pawh kha a nih tur angin kan duhthusam angin kan kal thei lova, mahsela. kan theih tawpin Agricultural Oriented, mipui te hnen thleng tur chiin hma kan la a ni.

Chunga kan sawi duhah chuan pakhatna Education ah kan sawi ang khan vaibelchhe 10 nuai 1000 in nikum aiin School Education ah kan pek belh a, Higher Technical Education ah nikum aiin nuai 500 in kan pek belh a. Tin, Sport ah khan tlema hisap dik lo kan neih avangin, kumin a kan pek belh a kha kan khumna chiah hi hemi year mark sector kan paih chuan a tam lo riau a ni, nuai 60 vel lek a ni an ti a. E, ngawi rawh u, kha kha chu kan pek belh ang che u tiin, plan khan Planing Department ah kan ti a. Tunah hian nuai 70 dang kan pek belh leh a, tichuan nuai 130 zet chuan Sport Council lam a pung bawk si kan sport promotion ah khan nuai 130 zet khan tunah pawh kan pek belh a, lehkha pawhin kan ti diam a khang kha sport lam kan communicate a ni a.

Tin, kan member zahawm tak Pu Lalsangzual khan heta Chhinlung Development Council kha tlemin a hmuh fuh loh lai deuh a awm em ni chu aw ka ti a. Kha kha kan pe tam khawp mai a. Nikumah khan 141 nuai an nei a R.E. ang in chu pawh chu R.E. a ni leh nghal a. Chutah kuminah hi chuan nuai 200 nuai 60 in kan pek belh a, chu chu kan chhut ngat chuan 40% zet in a pung tlat a ni a pung tha ber te zing a mi a ni. Kha kha a budget ah khan zuk en fuh lo lai palh a awm a nih chuan a pung tha khawp a nia 140 kha 200 ah a kaichho a ni a, a dang zawng zawng aiin a percentage pawh a sang chho a ni tih kha ka sawi duh a ni.

Tin, chu lo leha chuan tuna mipui oriented zawnga a kal avangin kan MIP ah pawh nuai 2000 kan dah a hei hi mipui ten a tul ang anga kan hman tur a kan tih a ni a. Entirnan kan ei leh in leina emaw a nih loh leh thil dang atan emaw kan hman theih vek turin kan MIP ah nuai 200 hi kumina kan dah belh hrim hrim a ni.

Tin, kan opposition Leader-in a sawi pawh kha a dik khawp mai a. Central sorkar chungah khuan lawm pawh kan lawm a. Hei niza inhlawhna NREG pawh India ram District pumpui tan hman turin an han ti a. a lawmawm kan ti a, ka sawichhuah a ni awkawng lova, kha kha chu kan hre vek mai a. Amaherawhchu, a nihna zawkah chuan a pawimawh a chu State matching share hi a pawimawh ta. State matching share, hei hi nikumah pawh kan harsatna chu State matching share kan duh angin kan neih tam tawh loh avangin nikum kan budget ah khan kumin chu tam kum a ni a, mipui te inhlawhna zuk hnukchuh turin a kawihspir turin hetah hi chuan pawisa kan dah tam a ngai ani kan ti a. A department kha engzatnge tawh ang kan ti a. vaibelche 16 nuai 160 vel chu a tawh ang, hei bak hi chu kan hmang hman angem kan ti a. Engpawh nise vaibelche 20 nuai 2000 hi kan dah ang e, a tul leh kan dah belh zel ang e. kan ti a. Crore 20 kan dah khan 90.10 a nih avangin a zuk khai chhuah theih tura total chu vaibelche 200 a lo ni ta a, nuai singhnih a lo ni ta a. Chumi inhlawhfakna chu kan hman zawh hman chuan a lawmawm lam a ni ang. Tin, hemi hi a zuk lak chhuah chhoh theihna atan mipuite inhlawhfakna tur atan khan vaibelche 20 a matching share atan liau liau nuai 2000 kan dah a. Kha khan nuai 2000 a hrin chhuah theihna atan mipuite inhlawhfakna liau liau oriented-in hei hi kan dah a ni. Tin, atul a nih chuan a reserve fund pawh kan la nei a, kan dah zel dawn bawh a ni.

Tin, chulovah Sorkar hnathawh hlawh a tam tih kha a ai hian a la tam dawn a. Hei hi Central Sorkar atangin a bul an rawn tan si a. kan Pay Commission thar a lo chhuak tep maisi a, khulam hlawh a tam chur chur si chuan helam hlawh pawh kha tihsan a ngai dawn si a. Kan huphurh hawp mai a, State ho chuan central lam hi an pu te hian rawn tisang tawh teh suh u a kan ti a. Annin company lam leh midangina thiam tha zawng zawng hlawh tam zawkin min chhuhsak dawn si alawm, hlawh kan san loh chuan an ti bawh si a. Chuvangin hlawh hi a sang chho zel dawn a. Amaherawhchu, kan hna har ber pakhat engemaw chena kan chinfel duak a chu kan pay scale hman atanga chinfelna mumal awm lova, a kal hnawh tlingkhawm kha kan hnen a lo thleng ta, a, chingfel lo thei lovin kan ding ta. Kan sorkar chhung hian thil hautak lian te zing a mi nin kan hria a. A khel pawh kan khel rei narawh e. Mahse, tunah hian Group A te B, C, D te kan chingfel thawkhat ta. Mahse, thildang chinfel belh tur chu vawikhatah a fel vek seng lova. A tlangpui kan zam a, khata tanga chinfel lehna tur chu a la awm nual a. Amaherawhchu, hei chu a awlsam tawh a. formula dang atang khan a tih zung zung theih tawh a. Chumi ti tur chuan tunah pawh kan ti a. Engpawhnise, hei hi a lawmawm kan tih chu a ni a, athen phe chu an beisei bakin an tha ve a. Tunah phe chuan Group 'D' pawh an awm hlei thei dawn ta lova. a scale tur kan sangawt loh chuan 'D' kan nei dawnlova, hlawh a lo tam ta a, a lawmawm kan ti a. Ropui kan ti a, hei hi malsawmna kan dawn ropui tak niin kan hria a ni.

Tin, Public Health Care kha kan hotuten mipuite medical re-imburement kan han tih maih khan kan opposition leader khan a sawi kha a dik a. Central sorkar pawhin scheme te an lo siam tawh a, keini pawn tihve

kan duh a. Mahse, Centre-in a mipuite medical re-imbusement atana Health Care an lo tih a kha kan tawngkhawp lo em a. Chu chu a ni. BPL tan tih a ni a. Mipakhat tan Rs. 300/- tih a ni a. Chumia Health care project tih chu a harsa a ni. Kha kha chu kan hriatna a rei tawh a ni. Tu State mah hian kan buaipui ting tang lova. Hetah hian pawisa hlawn nei ila. A kutah a carefund tur nei ila chu a bul kan tan thei ang. Tin, Pu Chitambarama hnenah pawh nakuma kan Non-Plan min release tur hi crore 50 advance-in min release mai la, chumi nen chuan mipuite Health care hi kan tan ang e ka ti a. A tha khawp mai. mahse, in State hi ka release chuan a dang zawng zawngin an rawn ti ve ang a. 'Kan zo lo vang' a ti a. Mahse, kuminah Pathian tanpuinain kan Plan vaibelchhe 100 lai a lo kal takh hian a dang zawng zawngte kan han tikhawm a. Ti theiah kan inngai ta a. Vaivelchhe 50 kan dah a. Kan member zahwm tak ten insawi ang khan a bul kan tan dawn a ni a. A huphurh awm viau a. System tihfuh loh palh kan hlau, fimkhur takin kan tan a. ICICI Lombard nena kan lo ti a a fello lai kum khat hmalam kan lo ti kha lehlamah chuan a tha khawp mai. A tha lo lai min hriat chhuah tir a. Tunah pawh han kal dawn ila. kan fing sawt a ni. Za a zain duhthu a sam lo thei a, mahse, zawi zawiin kha kha kan chingfel chho theih kan ring. India ram State hian tunge State dang mipui zawng zawng nena ti hi kan hre mai lova. A bul tan tu pawh kan lo ni mai thei a, a lawm awm a. Pawi palh a awm pawhin tihmam dan kan tichho leh ang a. Mipuiten an dam loh harsatna MLA zawng zawng chuan kan hre vek a. Chhawkna tur atan hei baka mipuite oriented a kan Plan fund kan hman hi engemaw awm chuang le tiin hei hi theihtawp chhuahin kan pawisa te duhthu a sam tawk lo ti chungin maimitchhing chungin ti ta ila, tizawngte pawhin sawi ila maimitching chung tih lemah khawngte mipuite tan a nih chuan a dang hi chu hrek deuh pawhin a pawl love tiin department thenkhat phei kha chu an department chanvo tur pangngai pawh phalovin tihian tan lain kan bei a ni. Kha kha kan sawi duh a ni.

A hnuhnung lamah chuan kan mipuite han concern turah kan Grape te kan Sapthei, kan Flowering culture kan bamboo kan grape oil palm leh a dang zawng zawngah pawh khan khami kha hrerengin kan budget pawh hi kan han ti a. Chuvangin henga kan dah zawng zawngte pawh hi mipuite thingtlang mite hne thleng turin hei han ena han pawh sawih theih a tul ang huna hman nghal vek theih turin heta kan budget a pawh hi a tam thei ang ber kan dah a ni.

Tin, chulovah chuan a hnuhnung lama kan sawi leh duh chu kan ram, heng kawng chitinrenga malsawmna kan dawn baka lo kal lehah chuan kan leihnuai hausakna kan Oil leh Gas hi, hei hmun thumah kan han then hmak a. a hman lam leh a laili leh a chhim lampangah tichuan international company lian hnenah kan pe a, tunah hian an zawng char char a, Satelite atanga an hmuh atang chuan Mizoram hi Oil leh Gas ah kan hausa em em a, an rin danin a gas hi a chungnung zawka awmin a hnuai zawkah hian Oil awmin an hria a, chu chu ONGC phei chuan kawng tha an khawl lian phurh thlenna an neih veleh verh pawh nghal tumin tunah hian hman an la a. Hei hi Mizoram ina malsawmna ropui tak kan dawn leh tur lo thleng chu a ni a, a lawmawm kan ti. Tichuan Pu Speaker, a hnuhnung berah chuan nichina kan Opposition Leader

pawhin an sawi kha chhim lampang atanga Kolodyne kan Chhimtuipui multi model transport project lo kal a kha, hei lo thleng a hi, hei Mizoram kan vaneihna ani a. Hei hi hman atanga ngaihtuahate pawh a a wm tawh a ni. Amaherawhchu, a tak taka rawn hring chuak tura hi hman deuh khan kan hmuh ve a chu Darjeeling vela Gorkha Council lung nih lohna Autonomous District Council pek an tum a, tun tum budget session ah Parliament in pek an tum a. Mahse, duh lovin State kan ni tur a ni an ti a. agitation nen an invau khan chanchinbuah pawh I.B., SIB kan tih thin te leh RAW pawhin Home Ministry hnenah in fimkhur a ngai ngawt ang lehlamah China a hnai a lehlamah Bangladesh a hnai a, a helho tawmbuk hnai Bhutan te a ni si a hetah hian misual tinreng awmkhawmna a ni a, political agitation nen a an kal pheichuan North East pumpui tan hian an eilakna leh thildang hi a buaivek thei a ni tin Home Ministry fimkhur rawh u tiin warning an pe a nih kha, chanchinbuah pawh a lo chhuak chuai chuai anih kha. Khangte khan North East hi min la enkawl zelna tur atan hian khulai kawng khu chu a rintlak tawh loh a ni tih kha loh theih lohvin a rawn nawr tel bawh avangin a ti hmanhmawh zual tuah ngai tai la.

Chhim lamh Akyab atanga Kolodyne luipui dung lo chhovin Salachhuaha leta Hruitezawl bulah te kawngpui dung lo chho a kha darker 12 lekah Akyab kha lawngin a lo thleng thei dawn a. Tuna kan tihdan chuan Aizawl atanga Kolkata thleng tur hian Kg. a Rs. 6 vel a thil phurh man kha lo thlen a ngai si a, sawlam atang chuan kg. a Rs. 4 emaw Rs. 3 emaw hian Aizawl hi chu a lo thleng thei mai awm mang e aw, Lawnga kawng chanve ai tam a rawn kal chuan tih ngaihtuahna te pawh a awm a. Tuna kan hmuh chinah chuan tuemaw fiamthu dan takah Kolkata leh khulam atanga lo kal ngar ngara a tawpa Silchar in a min chuah hrama Aizawl lo thleng a, mawngnawi chang thin kha a hang dawng hmasaah kan tang ve tawh dawn niawm tak a ni a, hemi project a hlawhtlin chuan. Chuvangin heta tanga Sawhthing, Aieng leh thildang zawng zawng international port, a sea-port a ramdang leh India ramah pawh kan thawmchhuah chur chur theiha, thildang a thil ril zawng zawng lo lut vek tur nen Mizoram dinhmun pawimawhna kha, chun leh zan angin a inlet tawh dawn a ni tih kan hmuh hian a lawmawm kan ti a, hei hi Pathian malsawmna min pek nin kan hria a, hemi atan hian khutah, Ministry of Road Transport, pawhin swami, Lawngtlai atanga Burma border thleng km. 110 zet, kha kha chu BRTF hi an muang lutuka a tih theih lova, State PWD in lo la rawh u anti a, tunah sawn survey anbei char char a, thlakhat chung chuan kanzo tawh mai awm mang e an ti a, anzawh chuan Ministry of Road Transport in State P.W.D. ah laih nghal turin kan rawn pe dawn a che u, an ti a. an hmanhmawh em em mai a, a piahlam erawh chu Burma in anal ang a. Tichuan, tun kum April ni 2 hian Burma senior Vice President a an No. 2 lo kalin, khutah External Affairs (PU LALRINLIANA SAILO : Pu Speaker, khalai kha survey an nei tawh nge ? kha kha an ring dawn lova, a hranpain anti dawn em ni?) rin lai chu a awm ang a mahse, kan P.W.D. ten an han en a, kawng a grade a kha a tha lo lutuk a, a then chu khua tlawhtir kher te kha an lo tum a, tunah chuan khaw tlawh nilovin, kawng kha a grade tha thei ang ber, motor lian tak tak chi pawh tlan zur zurna tur a nih avangin kha kha hman tlaka an

ngaihloh avangin, a tharin an bei a. Tin, a ngai hman lai tur pawh a awm ang, chu chu tunah hian tihlai mek, a thara tih leh a ngaih vang a ni. Chu chu ring lovin, an lo tih a kha, chu chu a hlat lamah pawh khan 117 bawr vel a kha, a ai pawn a lo sei thei a a ai pawhin a lo tawi thei a, kha kha a kawng an han zawn thar leh a ni a.

Engpawhnise, khang zawng zawng te kha Pathian malsawmna kan dawn ropui tak a ni a, a lawmawm kan ti a, kan budget pawh hi khang zawng zawng tuna kan harsatna te kan hmabak a eng lo awm zawng zawng te, khami nena inmil tura mipui te thleng tam thei ang ber tura kan budget pawh hi kan han duan a ni a, za a za in duhthu a sam vek kan ti lova, nimahsela, kan tlin chin tawkah erawh chuan a tha thawkhat khawpin kan hria a, chuvangin kan lawm em em a ni tih kha Pu Speaker, kan sawi duh a ni e, ka lawm e.

S P E A K E R

: Awle, tikhan vawina kan rorel chu kan lo zo leh ta a. Kan chawl rih ang a. naktuk 19.3.208 10:30 A.M. ah kan thu khawm leh dawnnia.

Sitting is adjourned.

4:40 P.M.

...250/-